

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

**Imm. 02 Suliassat nalinginnaasut
2018-imit 2022 tikillugu pilersaarusionermermi periusissat inaarutaasumik
akuersissutigineqarnissaat**

**Imm. 03 Sisimiut illoqarfiata qiterpasissortaa pillugu kommunip
pilersaarusionermermanut tapiliussap inaarutaasumik
akuersissutigineqarnera**

**Imm. 04 Sisimiut talittarfiata kitaa-tungaanut Kommunip pilersaarusionermermani
tapiliussaq nr. 37-ssatut siunnersuut**

**Imm. 05 Aqqutikitsumi aamma Ungalliup Qaqqaanmi nunamik immikkut
atuisinnaanermut kommunip pilersaarusionermermanut tapiliussap nr. 55-
ip inaarutaasumik akuersissutigineqarnera**

**Imm. 06 Kangerlussuup Sisimiullu akornanni aqqusineq sinerlugu unnuisarfissat
illuaraqarfissallu pillugit kommunip pilersaarusionermermanut tapiliussaq
nr. 58-issatut siunnersuut**

**Imm. 07 Qeqqata Kommuniani illuaraqarfissanut kommunip
pilersaarusionermermanut tapiliussaq nr. 56-issatut siunnersuut**

Imm. 08 Qeqqata Kommunianut illoqarfittut ikinngutigisat

Imm. 09 Atuarfiit Pitsaassuseq pillugu 2018-imi nalunaarusiat

**Imm. 10 Qeqqata Kommuniani aningaasanik agguariaatsip eqquteqqinneqarnissaanut
oqaluuserisassatut siunnersuut**

Imm. 11 Aningaasaateqarfimmik pilersitsinissamik siunnersuut

**Imm. 12 Oqaluuserisassanut siunnersuut – Meeqqat atuarfiini, ulluuneranilu
neqeroorutini nutaaliornuunni perorsaaneq/pamersaaneq**

**Imm. 13 14-inik ukioqalereersimasunut angalanissanut tapiisarnissamut inuiaqatigiittut
piumasaqaateqarnissaq pillugu oqaluuserisassatut siunnersuut.**

**Imm. 14 2019-imi januaarip aallaqqaataaniit atuutilersumik meeqqerivinni nangernut
kommunip aningaasartuutaannik atorunnaarsitsinissamik siunnersuut.**

- Imm. 15** **Qeqqata Kommuniata Peqqinnissamut Pinaveersaartitsinissamullu politikkissatut siunnersuut**
- Imm. 16** **Sivdleq-mut siulersuisunut ilaasortassamik nutaamik qinersineq**
- Imm. 17** **Maniitsup Katersortarfiata siulersuisuinut ilaasortassamik qinersineq**
- Imm. 18** **Aningaasaqarnermut ataatsimiititaliap kommunalbestyrelsillu 2019-imi ataatsimiiffissaannut siunnersuutit**
- Paasissutissiissutit**
- Imm. 19** **Qeqqata Kommuniani meeqqat inuunerissut pillugit paasissutissiissut**
- Imm. 20** **Sanaartornermi naatsorsuutit, Sisimiut + Kangerlussuaq**
- Imm. 21** **Kommunit ataatsimoorussamik eqqagassalerinissaanni selskabimik pilersitsinissaq pillugu innersuussut**
- Imm. 22** **Tamalaat**

Ataatsimiinneq videokonference atorlugu ingerlanneqassaaq aallartissallunilu nal. 08.30

Peqataasut:

Atassut

Kristian Kreutzmann, *Anna Karen Hoffmann-imut sinniisussatut*
Ane Kaspersen, *Emilie Olsen-imut sinniisussatut*
Karl Davidsen

Inuit Ataqaatigiit

Sofie Dorthe R. Olsen
Erneeraq Poulsen
Juliane Enoksen

Partii Naleraq

Malene Ingemann

Siumut

Malik Berthelsen
Evelyn Frederiksen
Ruth Heilmann
Gideon Lyberth
Frederik Olsen
Jakob Olsen

Nalunaaqqaarlutik peqataannngitsut

Anna Karen Hoffmann
Emilie Olsen
Karl Lyberth
Hans Frederik Olsen

Imm. 01 Oqaluuserisassat akuersissutigineri

Aalajangiineq

Imm. 08 oqaluuserisasaniit peerneqarpoq isumaqatigiissutit misissoqqissaarneqassammata.

Imm. 03 Malik Berthelsen attuumassuteqarnini pissutigalugu peqataasinnaanani nalunaarutigivaa.

Ruth Heilmann tamalaani Musikskole aamma Maniitsumi palaseqarneq pillugu apeqquteqarniarpoq.

Karl Davidsen heldagsskole pillugu apeqquteqarniarpoq.

Jakob Olsen appat erisarneqartarnerinut tunngasumik apeqquteqarniarpoq.

Kristian Kreutzmann tamalaani Sisimiuni umiarsualivimmi qulleqarneq pillugu apeqquteqarniarpoq.

Oqaluuserisassat akuersissutigineqarput.

**Imm. 02 2018-imit 2022 tikillugu pilersaarusiordermi periusissat inaarutaasumik
akuersissutigineqarnissaat**

Journal nr. 16.00

Tunuliaqutaq

Pilersaarusiordermi periusissat tamanut tusarniutigineqarnerani oqaaseqaatit siunnersuutillu tiguneqarsimasut, Aningaasaqarnermut ataatsimiititaliamit Kommunalbestyrelsimiillu naliliiffigineqarnissaat siunertaralugu matumuuna saqqummiunneqarput.

Maleruagasatigut tunngavissat

Inatsisartut Inatsisaanni nr. 11-imi, 5. decemberimeersumi § 14 naapertorlugu Kommunalbestyrelsi kommunimut qinigaaffiup qiteqqutinnginnerani kommunimi pineqartumi kommunimut pilersaarusiordermut periaasissamik suliaqassaaq, soorluttaaq kommunimut pilersaarummik tamakkiisumik ilaannakortumilluunniit iluarsaassisoqassanersoq aalajangiiffigissallugu.

Pissutsit atuuttut

Ukiuni tulliuuttuni sisamani kommunalbestyrelsi, nunaqarfimmi aqutsisut allaffeqarfillu sunik anguniagaqarnissaannik innuttaasut takussutissinniarlugit pilersaarusiordernissamut periusissaq suliarineqarpoq. Taamaattumik kommunalbestyrelsip siunnersuummik akuersissuteqarnerata kingorna, pilersaarusiordernissamut periusissatut siunnersuut sapaatit akunnerini arfineq-pingasuni tamanit oqallisissiasannorlugu tamanut saqqummiunneqassaaq.

Kommunalbestyrelsip, nunaqarfimmi aqutsisut, ataatsimiititaliillu siunnersuuteqarnerisigut allaffeqarfiup pilersaarusiordermi periusissatut siunnersuut suliaraa, pilersaarusiordermilu periusissat tusarniutigineqarnissaannik kommunalbestyrelsip 2018-imi aggustip 30-ani akuersissuteqarnera sioqqullugu ataatsimiititalianut nunaqarfimnilu aqutsisunut saqqummiunneqarluni.

Kommunip pilersaarusiorderfigineqarnera atuuttoq, pilersaarusiordermi periusissatigut anguniakkanut sinaakkutissiisinaanersoq pillugu naliliiffigineqarnissaanut pilersaarusiordermi periusissat aamma tunngavissiisaaq.

Aningaasaqarnikkut allaffissornikkullu kingunerisinnaasai

Pilersaarusiordermi periusissat akuersissutigineqarnerisigut, aningaasaqarnikkut toqqaannartumik kingunissaqanngilaq. Taamaakkaluartoq pilersaarusiordermi periusissat, kommunillu pilersaarusiorderneqarnissaa ilanngullugu, missingersuusiordernissamut tunngavisseeqataasussaapput.

Tusarniutigineqarnerani oqaaseqaatit tiguneqartut

Pilersaarusiordermi periusissanut siunnersuutit septembarimi oktobarimilu (novembarip aappaata tungaanut) tamanut oqallisissiarineqarput, soorluttaaq illoqarfimmi nunaqarfimnilu innuttaasunik ataatsimiisitsisoqarnikuusoq. Tusarniaanermi matumani nunaqarfimmi aqutsisut innuttaasunik ataatsimiisitsissasut nutaatut aalajangiunneqarpoq, tassungalugu atatillugu tusarniutigineqarnerata nalaani Itillimi/Sarfannuani nunaqarfimmi aqutsisut innuttaasunik ataatsimiisitsinngillat, naak innuttaasunik ataatsimiisitsinissaq pillugu allaffeqarfik ersarissaasimagaluartoq.

Tusarniutigineqarnerani oqaaseqaatit tulliuuttut tiguneqarput, taakku eqikkarneqarlutik:

1. Ineqarnermut Attaveqaqatigiinnermullu Naalackersuisoqarfik
 - a. Qupp. 23 ”Pingaarnertut attaveqaatit Namminersorlutik Oqartussat manna tikillugu akisussaaffiginikuuat.” – Nunami tamarmi, aamma Qeqqata Kommuniani pingaarnertut attaveqaatit Namminersorlutik Oqartussat suli akisussaaffigaat, taamaakkaluartoq attaveqaatinut tunngatillugu kommunit annertunerusumik akisussaaffeqalernissaannut Namminersorlutik Oqartussat Kommunillu oqalliseqatigiinnissaannut akornutaassangilaq,
 - b. ”Kangerlussuarmi illoqarfinnilu taakkunani marluusuni silaannakkut angallannerup nalorninartorsiortillugit, Namminersorlutik Oqartussat eqqarsaatigilluagaanngitsumik aaqqissuusseqqinnissartik pilersaarutigaaat” – ”Namminersorlutik Oqartussat eqqarsaatigilluagaanngitsumik aaqqissuusseqqinnissartik pilersaarutigaaat” ilumuunngilaq. Mittarfiit aaqqissuuteqqinneqarnissaat pillugu aalajangiiniarnermi ingerlatat arlaqarput, soorluttaa q suliaalluartunik arlalinnik misissueqqissaarisitsisoqarnikuusoq.
 - c. Imaatigut angallanneq pillugu qupperneq 23-mi paasissutissiissut marlussunnik kukkuneqarpoq:
”Namminersorlutik Oqartussat taassumalu piginneqatigiivisa akunnerminni Qeqqata Kommunianut angallannerup akuttussusissatut isumaqatigiissut” Diskoline selskabiuvoq namminersortoq. Namminersorlutik Oqartussat pigingilaat, taakkuli Namminersorlutik Oqartussanut kiffartuussinissamik isumaqatigiissuteqarput.
 - d. AUL / Sarfaq Ittuk eqitsimmi allassimasutut sapaatip akunneranut ataasiaannarani, sapaatilli akunneranut marloriarluni Maniitsumut, Kangaamiunut Sisimiunullu tikittarpoq (avannamukarnermini kujammukarnerminilu).
2. Aatsitassanut Suliffeqarnermullu Naalackersuisoqarfik (Aatsitassanut aqutsisoqarfik) oqaaseqaatissaqanngilaq.
3. Inuussutissarsiornermut Nukissiuuteqarnermullu Naalackersuisoqarfiup pilersarusiornermi periusissat tapersorsorpai, Arctic Circle Business-ilu (ACB) peqatigalugu kommunimi takornarialerinerup, namminersorlutillu takornarialerisut ineriartortinneqarnissaannik kissaateqarneq Naalackersuisoqarfiup maluginiarpa, soorluttaa q nutaanik sanaartornissanut inuutissarsiutillu ineriartortinneqarnissaannut kommuni soqutiginnittuarnissaa anguniarlugu sanaartorfiggissaasitsilluni kommunip ineriartortitsinissami periarfissanik sulissuteqarniarnera pitsaasuuneraraa.
4. Nukissiorfiit
 - a. Qupp. 25 ”Nukissiuutit avatangiisinut ajoqutaanngitsut Kommunip illuutaanni atorneqarnissaat” pillugu kommuni siunnersorneqarusukkuni Nukissiorfimmu saaffiginissuteqarnissaminut tikilluaqqusaavoq.
 - b. Sisimiuni erngup nukinganik nukissiorfimmu imermik pilersuineq naammangimmat, nutaamik ikuallaaviliortoqarnissaa Nukissiorfiit pisariaqarsoraa.
 - c. Nukissiuutinik ataavartunik soorlu erngup nukinganik, seqerngup anorillu nukinganik pilersuineq eqqarsaatigalugit, Nukissiorfiit nunatsinni sumiiffinnik

- ataasiakkaanik misissuileruttorpoq, neriutugalugulu kommuni Sarfannguani, Atammimmi, Napasumi Itillimilu nunaminertamik immikkoortitsisinnaasasoq.
- d. Qupp. 19-imi Maniitsumi erngup nukinga atorlugu nukissiornermut tunngatillugu Nukissiuutit imermillu pilersuineq pillugu pilersaarut Nukissiorfiit nassiunnikuuat, Maniitsumilu erngup nukinga atorlugu nukissiuuteqarnissami periarfissat annikinnerusut ilaatigut misissorlugit.
- e. Qupp. 35, Kangaamiuni imeqarfiup atorneqarsinnaanissaanut periarfissanik misissuinissaq pillugu, imeqarfiup atorneqarnera pillugu ersarinnerusumik oqaloqatigiinnissaq qilanaarat, talittarfimmullu tunngatillugu qeqertami tassani imermik innaallagissamillu pilersuisoqannginnera Nukissiorfiit erseqqissaatigalugu.
5. Kangaamiuni nunaqarfimmi aqutsisut oktobarip 30-ani innuttaasunik ataatsimiisitsipput. Eqqaavissuaq saneqqullugu nutaamik talittarfiliortoqassasoq innuttaasut nunaqarfimmilu aqutsisut kissaatigaat. Pilersuisup eqqaani ivigaaraasaaqqanik arsaattarfiliortitsinissamik pilersaaruteqarneq isumaqatiginngilaat, arsaattarfiullu piusup ivigaaraasalersorneqarnissaa kissaatigalugu. Tamatuma saniatigut Kangaamiuni imermik pilersuinermi taseq alla atorneqassasoq innuttaasut kissaatigaat.
6. Kangerlussuarmi nunaqarfimmi aqutsisut septembarip 24-ani innuttaasunik ataatsimiisitsipput. Innuttaasut nunaqarfimmilu aqutsisut oqaaseqaatissaqanngillat, taamaakkaluarterli pilersaarusiormi periusissani anguniakkat tamakkiisumik tapersersorpaat, soorluttaaq Kangerlussuup mittarfiullu siunissaanut tunngatillugu suliniutit tapersersoraat.
7. Atammimmi/Napasumi nunaqarfinni aqutsisut oktobarip 23-ani innuttaasunik ataatsimiisitsipput. Pilersaarusiormi periusissat ataatsimut isigalugu akueraat, taamaakkaluarterli tulliuuttunik oqaaseqaatissaqarlutik. Napasumi illu sunulluunniit atorneqarsinnaasooq/timersortarfik tamatigoortoq 2019-imi naammassineqassasoq, illut nutaanngitsut isajartuinnartullu ingutserneqassasut kissaatigaat, peqqinnermullu tunngatillugu pisortatigut ikiorsiissutit imigassanut ikiaroomartunullu atorneqartarnissaanut inerteqqusiinikkut ilanngullugu utoqqalinersiat taaneqarmata taakku ilaasa aamma imigassanut atortarmatigut aqqiisutigisinnaasaannik ivertitsisoqassasoq. Arsaattarfiit piusut ivigaaraasalersorneqarnissaat tapersersorpaat, taamaakkaluarterli Atammimmi arsaattarfiup eqqaa taseqqertarmat aqqiivigineqartariaqarnerarlugu.
8. Kommunalbestyrelsip Sisimiuni oktobarip 22-ani innuttaasunik ataatsimiisitsinera – suleqatigiinnut tallimanut agguataarilluni.
Suleqatigiit 1:
Meeqqat ineriartornissaanni pitsaasumik sinaakkuteqarneq pillugu, meeqqat peqqissut ingerlalluartut pillugit ilaqutaasut tamarmik isiginiarneqartariaqartut erseqqissarneqarpoq, meeqqallu naalliutsinneqartartunik angajoqqaallit tapersersorneqartariaqartut, ilaqutaariillu tamakkerlugit ikiorserneqartariaqartut. Nunaqarfinni ikiorserneqarsinnaanissaq/katsorsaasinnaanissaq periarfissaasariaqartoq eqimattap aamma erseqqissarpaa. Ilutigalugu siusissumik iliuuseqartarnermi avataanit Sisimiularlutik ikiorserneqartillugit sumiiffissaqarneq ajortut eqqaavaat.
Meeqqat atuarfiata siuarsarneqarnissaa pillugu

Atuarfiup angerlarsimaffiullu suleqatigiinnissaannik anguniagaq ersarissarneqassaaq, attaveqatigiinnerlu annerussalluni. Angajullerni atuartuni inuusanik naalungiaqartitsisarneq iluaqutaanersoq aamma misissuiffigilluarneqartariaqarpoq. Innarluutilinnut atuarfik pillugu pisariaqartinneqartut naapertorlugit sanaartorneqassasoq aamma kissaatigineqarpoq. Kulturi Sunngiffillu pillugit 4. klassimit qummut atuartut sunngiffimmi sammisasaqartitaasarnerat pitsaanerussasoq eqimattap kissaatigivaa, soorluttaaq meeqqat atuanngiffeqarnerini sammisasaqarpallaarneq ajormata, angajoqqaallu sulisarmata, sunngiffimmi periarfissat pitsaaneruseriaqartut. Sisimiuni Maniitsumilu Nipilersornermik Ilinniarfiit tapiiffigineqartarsinnaapput, aasaaneranilu kommunimi unammisitsisoqartarsinnaavoq, soorluttaaq peqatigiiffilerineq namminerlu kajumissutsimik sulineq annertusarneqassasoq.

Suleqatigiit 2:

Inuuneq pitsaasoq, Peqqinneq pillugu

Katsorsariaatsit amerlanerusut ammaffigineqarnissaat Sullissinermi

eqaannerusumik/pitsaanerusumik suligutta kommuniusinnaasugut maligassiuisoq.

Atornerluisunik katsorsaasarneq pillugu Island-imit paasisat. Inuunini tamaat

atornerluisuusimasoq, qaarsiuinnartumik katsorsarneqassanngilaq. Allorfimmi

katsorsaasarneq naammagisimaarnarnaviannngilaq, katsorsariaatsillu amerlanerusut

ammaanneqarpata, assersuutigalugu katsorsariaatsit pingasut, katsorsariaatsillu akimortumik

atorluarneqarsinnaappata, katsorsariaatsit amerlanerusut neqeroorutigineqartarnerisigut

katsorsartinnerminni maangaannaq unittartut 30 procentimik appartinneqarsinnaapput.

Pinaveersaartitsinermi suliat, taakkulu suliaat sukateriffigineqassapput,

Pinaveersaartitsinermilu ataatsimiititaliaq nukittuumik inissisimannngilaq.

Pinaveersaartitsinermi sulisut allaffissornikkut suliasaqarpallaartarput.

Immikkoortortat/susasaqartut tamarmik suleqatigiissinnaanissaat anguniarneqassaaq.

Utoqqaat assersuutigalugu sivilunerpaamik namminneq

angerlarsimaffiminniiginnarnissaminnut ikiorneqarnissaminnut periarfissaannik

paasisitsiniaasoqarnissaa pisariaqarpoq. Utoqqaat sutigut ikiorneqarsinnaanerat pillugu

paasisitsiniaasoqassaaq.

Tapersersortitut atorfeqarneq soqutiginarsarneqarneruseriaqarpoq, innarluutilinnut

tapersersortit arlallit ilinniarsimasuunnngillat, unammillernartullu assigiinngitsut

nassuiaassutigissallugit ajornakusoorsinnaasarluni. Taarserartorujussuupput aamma.

Immaqa soqutiginarsarneqarsinnaavoq, tapersersortillu pikkorissarnissamik

neqeroorfigineqarsinnaallutik.

Suleqatigiit 3:

Aalisarneq, Takornarialerineq, Inutissarsiutillu pillugit, Nunaannaq kiisalu kommunip pilersaaruseriorfigineqarneranut tapiliussaq nr. 55

Illoqarfimmiunut, aammali takornarissanut tuniniarneqarsinnaasunik Qimatulivimmi

kissartunik tuniniaasoqartalissasoq kissaatigaat. Pilersaaruseriornermi periusissat aamma

kommunip pilersaaruseriorfigineqarneranut tapiliussaq nr. 55 ataatsimut isigalugit

oqaaseqaatissaqanngillat, suliniutigineqartullu tamaasa tapersersorlugit.

Suleqatigiit 4:

Illoqarfiup ineriartortinneqarnissaa, Sisimiut aamma kommunip

pilersaaruseriorfigineqarneranut tapiliussaq nr. 10 pillugit.

Illoqarfiup qeqqani illu eriagisassaq aserfallatsaalineqartariaqarsoraat, illumillu piginnittut piumasaaqarfigineqartariaqartut. Inuutissarsiorneq soqutiginarsarlugu pisiniarfinnik/café-nik assigisaannillu sanaartornissamut Kommuniq pilersaarusiordfigineqarneranut tapiliussaq nr. 10-kkut periarfissiisoqarnera suleqatigiit tapersorsorpaat. Meeqquarivikoq Sisi nutaanngilluni illoqarfimmi isigiuminaammat ingutseriarlugu toqqaviani nutaamik centeriliorortoqassasoq kissaatigaat. Tamatuma saniatigut suleqatigiit kissaatigaat, illoqarfiup nutaamik pilersaarusiordfigineqarnerani aalajangersimasunik kvadratmeteriliisoqaranilu aalajangersimasumik quleriilerneqarnissaannik piumasaaqatitaqassanngitsoq, inuutissarsiutillilli pisariaqartitaat naapertorlugit sanaartortoqassasoq. Illoqarfiup ineriartortinneqarnissaanut atatillugu Akiata alanngortamiinnera, nunatarujussuarlu asfaltiorfimmu, KTI-p sungiusaavianut, BJ Entreprise-llu sullivianut atorreqarmat aamma apeqquserneqarpoq. Illoqarfiup ineriartortinneqarnissaanut Nasaasaap tungaa soqutiginaraluarpoq, taannami Akiatuulli alanngortamiinngilaq. Kommuniq pilersaarusiordfigineqarneranut tapiliussaq nr. 10-mut tunngatillugu pølsebar-i eqqaanilu illut ingutserneqassasut aamma kissaatigineqarpoq, taamaaliornikkut illoqarfiup qeqqa ataatsimoorfittut soqutiginarsarlugu café-mik allamilluunniit sanaartortoqarsinnaaniassammat.

Suleqatigiit 5:

Imaani, Nunami Silaannarmilu kiisalu Avatangiisit pillugit.

Pisat sissami qaqqinneqarnissaanut atugassarititaasut pitsaanerunissaannik aalisartut piniartullu kissaatigaat, nutaamillu Qimatulivimmik sanaartortoqarnissaa isumalluarfigalugu, soorluttaaq pilattarfiit pitsaanerulersillugit, nerisassanillu kissartunik tuniniaasoqarsinnaalersillugu Qimatuliviup namminersortunngorsarneqarnissaa kissaatigigaat.

9. Kommunalbestyrelsip Maniitsumi oktobarip 30-ani innuttaasunik ataatsimiisitsinera – suleqatigiinnut marlunnut agguataarilluni.

Suleqatigiit 1: Inuuneq pitsaasoq, Meeqqat ineriartortinnissaanni pitsaasumik sinaakkuteqarneq, Meeqqat atuarfiata siuarsarneqarnissaa, Peqqinneq aamma Kulturi sunngiffillu pillugit.

Annertusumi ”Qallunaanut” iliveqarfik nuutsikkusuppaat, nunataq tamanna ilaqutariinnut meeqqanullu sammisaqarfittut atorreqarniassammat. Utoqqaat Illuata Neriusaap, utoqqarnullu pisinnaanerusunut inissiat eqqaanni ataatsimoortarfeqarnissaa kissaatigaat, tassani utoqqaat illuani aamma utoqqarnut pisinnaanerusunut inissiani najugallit ilaqtattillu naapisimaarsinnaasarniassammata. Annarsuaq Annertusup tungaanut nunagissaasoqassasoq kissaatigaat, tassani innuttaasut suleqatigiit tupersimaartarfissamik assigisaanilluunniit suliniuteqarnerat piviusunngorsinnaaniassammat. Maniitsumi sunngiffimmi sammisassat pitsaanerussasut aamma kissaatigaat, ilaatigut innuttaasut sunngiffimmi/timersornernut atorsinnaasaannik check-inik Islandimi tunniussisarnerat assigalugu. Illoqarfik avannamut-kangimut nutaamik illoqarfimmut immikkoortortaliarluni ineriartortinneqassasoq suleqatigiit aamma kissaatigaat.

Suleqatigiit 2: Aalisarneq, Takornarialerineq inuutissarsiutillu, Nunaannaq, Imaani, Nunami, Silaannarmilu, Illoqarfiup ineriartortinneqarnissaa aamma Maniitsoq pillugit.

Illut nutaanngilisut ingutserneqarnissaat, illoqarfiullu avannamut-kangimut ineriartortinneqarnissaa kissaatigaat, massakkallu glasfeberilerisarfik kalaalimineerniarfimmu qanippallaarnera pillugu nuutsinneqassasoq imaluunniit

pitsaanerusunik milluaasuliisoqassasoq kissaatigaat. Kuuffissuit annertusineqarnissaat eqqarsaatigalugu illut kuuffissuit eqqaanniittut akikinnerusumik attavilersinneqarnissaannut periarfissanik kommuni ujartuissasoq aamma kissaatigaat. Nunaannarmut tunngatillugu nakkutilliisoqarpianginnera uparuarpaa, soorlutaaq eqqakkat katersoriarlugit Maniitsuliaanneqarneq-ajornerat uparuaraat. Taamaattumik nakkutilliisoqarluarnissaa suleqatigiit kissaatigaat. Takornarialerineq pillugu illoqarfinni takornarissanik angallassisartut atorluarneqarnerunissaat, taamaalillunilu aningaasanik isaatitsissutigineqarsinnaasut pitsannqorsarneqarnissaa kissaatigaat.

Allaffeqarfiup naliliinera

Pilersaarusiornermi periuissanut oqaaseqaatit tiguneqarsimasut, innuttaasunillu ataatsimiisitsisimanerit pilersaarusiornermi periusissamik allannguissamut tunngavissiinnngitsut allaffeqarfiup nalilerpaa, taamaakkaluartorli qupperneq 23-mi AUL-ip ilaasunik sapaatip akunneranut marloriarluni angallassisarnera, Diskoline-lu Namminersorlutik Oqartussat aktieselskabiutiginnikkaa pillugit Ineqarnermut Attaveqatigiinnermullu Naalakkersuisoqarfiup kukkuneragai, eqitsimmilu qulequttami ”ingerlatsisut” iluarsineqassapput kiisalu ”Namminersorlutik Oqartussat manna tikillugu...” ”Namminersorlutik Oqartussat akisussaaffigaat”-mut iluarsineqassapput.

Allaffeqarfiup nalilerpaa misilittagaralugulu, pilersaarusiornissamut periusissamik suliaqartarneq pingaaruteqartuusooq, anguniakkallu anguniagalimmik sulissutigineqarnerat siunissamut qaninnerusumut ungasinnerusumullu iluaqutaassasut.

Ukiunut sisamanut kommunip pilersaarusiortigineqarnera (pilersaarusiornermi periusissat), kommunip pilersaarusiortigineqarneranut tapiliussatigut ataavartumik nutarterneqartarmat, kukkunerusimasut iluarsissutigineqaruni naleqquttuusooq nalilerneqarpoq.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2018 ataatsimiinnermini suliaq suliarivaa innersuussullu akuersissutigineqarpoq.

Innersuussut

kommunalbestyrelsimullu innersuussutigineqarpoq,

-2018-imit 2022 tikillugu Pilersaarusiornermi periusissatut siunnersuut, allaffeqarfiup naliliinerata ataani allannguutissatut taaneqartut ilanngullugit taamatut isikkoqartillugu inaarutaasumik akuersissutigineqassasoq

-Ataavartumik tapiliussamik ilaneqartarluni ukiunut sisamanut kommunip pilersaarusiortigineqarnera taamatut isikkoqartillugu akuersissutigineqassasoq

Aalajangiineq

Innersuussutigineqartut akuersissutigineqarput.

Ilanngussat

1. 2018-imit 2022 tikillugu Pilersaarusiornermi periusissat

**Imm. 03 Sisimiut illoqarfiata qiterpasissortaa pillugu kommunip
pilersaarusiordfigineqarneranut tapiliussap inaarutaasumik
akuersissutigineqarnera**

Journalnr. 16.03.01.01

Tunuliaqutaq

Illoqarfiup qiterpasissortaata eqikkarneqarnissaanut tunngavissamik pilersitsinissaq kiisalu pisiniarfinnik qitiusumillu kiffartuussivinnik pilersitsinissamut nutaanik periarfissiinissaq kissaatigineqarpoq.

Tamatuma saniatigut innuttaasut takornarissallu Aqqusinersuaq sinerlugu isumannaatsumik angallassinnaanerinut tunngavissamik pilersitsinissaq kissaataavoq.

Maleruagasatigut tunngavissat

Pilersaarusiordneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pilersaarusiordfigineqarneranut tapiliussaq suliarineqassaaq.

Pissutsit atuuttut

Sanaluttarfiup eqqaani Sisimiuni sissamit Aqqusinersuaq sinerlugu napparsimmavimmut, eqqartuussivimmut il.il. Sisimiut Illoqarfiata qiterpasissortaa pillugu kommunip pilersaarusiordfigineqarnera 90000 m²-it missaanik annertussuseqarpoq.

Kommunip pilersaarusiordfigineqarneranut tapiliussami sanaartorfissat 20-t immikkoortinneqarput, pilersaarummilu periarfissat tamakkerlugit atorneqassappata, pisiniarfinnut, allaffinnut najugaqarfissanullu 16000 m²-isut annertutigisunik nutaanik sanaartortoqarsinnaassalluni. Periarfissat tamakkiisumik atorneqassappata, sanaartorfissatut immikkoortinneqartuni illut pioreersut pisuni amerlanerusuni peerneqartariaqartuni inissisimapput. Tamatuma saniatigut kommunip pilersaarusiordfigineqarnerani tapiliussami aalajangersakkat naammassisinnaajumallugit, sumiiffinni arlalinni qaqqajunnamik qaartiterisoqartariaqassaaq. Sanaartukkat nutaat marlunnik pingasunilluunniit quleriunissaat naatsorsuutigineqarpoq.

Atuagaarniarfimmil pioreersumi ataatsimik quleriilerlugu sanaartorfissaq 400m²-i immikkoortinneqarpoq. Pisiniarfik qallerlugu pisiniarfimmik biilinillu inissiivimmik pilersitsinnaanissaq piumasaqaataavoq.

Pilersaarutitut siunnersuummi pisiniarfiit quleriit allerni inissisimasarnissaat aalajangersarneqarpoq, quleriinnilu tulliuttuni pisiniarfiit, allaffiit najugaqarfissallu inissinneqarsinnaassallutik.

Sanaartukkat aqqusinermit sanaartorfissamut killeqarfiit samminissaat aamma aalajangersarneqarpoq. Tamanna illoqarfiup qiterpasissuani misigisassa qarluarfiusumik kiisalu innarluutilinnut naapertuuttumik pilersitsinissaq siunertaavoq, taamaalillunilu pisuinnaat aqqutaanit pisiniarfinnut majoriaffeqanngitsumik appakaassinnaanissaq qulakkeerneqassalluni.

Sissamit napparsimmaviup tungaanut Aqqusinersuarmi illuatungeriinnik pisuinnarnut aqqusiliinikkut, appakaaffissatut pissutsinik pitsanngorsaaniissaq anguniarneqarportaaq. Taamaaliornikkut pisuinnarnut illoqarfiup qiterpasissuani isumannaatsumik angallannissaat qulakkeerneqassalluni.

Pilersaarummik aqquserngup qeqqanit 10 m-imik sanaartorfissamut killiliisoqarpoq. Aqqusineq 7 m-isut nerututigaluni, biilnik inissiinissamut, bussit unittarfiinut kiisalu erngup kuuffissaanut qullersuarnullu atugassanik, aqqusineq sinerlugu illuttut 3,5 m-isut silitsigisunik sinaakkuserneqassallutik. Aqquserngup sinaakkutaata sanaartorfissallu akornanni pisuinnarnut aqqusinissaq 2 m-isut nerututiginissaa immikkoortinneqarpoq, sanaartukkallu sinerlugit majoriaffinnut annikinnerusunut assigisaannullu 1 m-imik nerututigisumik inissaqartitsisoqarpoq.

Illoqarfiup qiterpasissuata ineriartortinneqarnerani biilnut inissiivit unammillernartoqartinneqakkajuttarput. Sisimiut illoqarfiani isumannaatsumik pisuinnarluni angallaffiusartumittaaq biilit amerliartuinnarput. Pilersaarutitigut illuatungaatigut kissaataavoq, pisariaqarfiini biilnik angallassinnaanermut inissaqartitsinissaq, aappaattulli biilit inissitat illoqarfiup assiliartaani annertuallaannginnissaasa qulakkeerneqarnissaa kissaataalluni.

Taamaalilluni pingasunik sammiveqartumik periuseqarnissaaq siunertaavoq:

1. sanatitsisup nammineq pilersitsinissaanut periarfissiilluni, sanaartorfissani nutaani biilnik inissiiveqarneq.
2. aqquserngup pisuinnaallu aqquataata akornanni piffissami sivikitsuinnarmi biilnik inissiigallarfinnik pilersitsineq.
3. Naggataagut biilit inissiiviinik annertuumik pisariaqartitsiviusunut, biilnik inissiivimmik annertunerusunik nunaminertanik immikkoortitsisoqarluni. Biilnik inissiivik najugaqartunut, allaffinnut / suliffinnut kiisalu pisiniartunut nikerartumik arlalitsigut atorluarneqarsinnaavoq. Nalinginnaasumik qaammatit tamaasa sapaatip akunnerini kingullermi tallimangornermi ualikkut, arfininngornermilu ullaap tungaani annertunerusunik pisariaqartitsisoqartarpoq. Naggataatigullu timersortarfimmi timersornermik aqqissuussat assigisaallu, pisiniarfinnut pisiniartoqarpallaannginnerisa nalaani inissisimakkajunnerusarlutik, taamaalillunilu biilnik inissiiviit nikerartumik atorluarneqarsinnaassallutik.

Naalagiat biilnut inissiivissaqartikkumallugit GTO-pladsikuani illut marluk ingutserneqartariaqartut, Kommunip pilersaaruseriorfigineqarnerani tapiliussami eqqaaneqarpoq. Illut nammineq kajumissutsimik isumaqatigiissuteqarnikkut ingutserneqarnissaat naatsorsuutigineqarpoq.

Sissamit qummukajaakkut isumannaannerusunik angallanneq qulakkeerniarlugu, taamatullu aqquserngit sivinganerisa annikillisissinnaaneranguniarlugu, pilersaarutitut siunnersuummi rundkørselimik ilanngussinissaq naleqqunnersoq eqqarsaatigineqarsimavoq. Rundkørselip titartarnera takussutissatut ilanngunneqarpoq. Rundkørseli kommunip pilersaaruseriorfigineqarneranut tapiliussamut ilanngunneqanngilaq, immikkoortumi nunap iluanik annertuumik taarsersuinissamik pisariaqartitsiviusumi aqqusernginik nuutsitsinissaq sanaartornissarlu akisungaatsiarnissaa naatsorsuutigineqarmat.

Eqqaaneqassaaq GTO-kumi nunaminertat mingutsinneqarnikummata, nunaminertallu uninngasarfittut / najugaqarfissianut atorneqassagaluarpata, taava salinneqqaartariaqassaaq. Biilinilli inissiisarfinnik asfaltikkamik pilersitsinermi, mingutsinneqarsimasoq qallerneqassaaq, taamaalillunilu mingutsitsineq avatangiisinut kuuttarnera ingalassimaarneqassalluni.

Illoqarfiup qiterpasissuani akulikitsunik sanaartortoqarnerani nalimmassaruminarsarnissaa eqqarsaatigalugu, siunissami illoqarfiup qiterpasissuani eqqagassalerinissamut containerit 600 l-it minnerusulluunniit atorneqarnissaat piunasaqaataassaaq.

Kommunalbestyrelsip kissaateqarneratigut timersortarfiup ataatungaani sanaartorfissat marluk peerneqarput, borgmesterillu kissaateqarneratigut massakut iliveqarfiup saani sanaartorfissat marluk immikkoortinneqarput, katersortarfiullu kangia-tungaani biilnut inissiivik allamut nuutsinneqarluni. Tassunga atatillugu kommunip pilersaarusionsiorfigineqarnerani immikkoortup ilaa iluarsineqarpoq.

Kommunip pilersaarusionsiorfigineqarneranut tapiliussaq nr. 10-ssatut siunnersuut, 2018-imi septembarip 12-ianit 2018-imi novembarip 7-iata tungaanut tamanut tusarniutigineqarpoq, pilersaarutissatullu siunnersuut pillugu oktobarip 22-ani Sisimiuni innuttaasunik ataatsimiisitsisoqarluni.

Tusarniutigineqarnerata nalaani tulliuuttunit akerraliliissutinik oqaaseqaatinillu tigusaqarpugut:

1. Aatsitassanut Ikummatissanullu Aqutsisoqarfik pilersaarutissatut siunnersuummut oqaaseqaatissaqanngilaq.
2. Nukissiorfiit pilersaarutissatut siunnersuummut oqaaseqaatissaqanngilaq.
3. Nunatta Katersugaasivia Allagaateqarfialu pilersaarutissatut siunnersuummut oqaaseqaatissaqanngilaq.
4. IAN, Ineqarnermut Attaveqaqatigiinnermullu Naalakkersuisoqarfiup, sanaartukkani init alliit pisiniarfittut atorneqarnissaat pillugu aalajangersagaq uparuarpaq, illullu eriaqisassat pillugit aalajangersakkat oqaaseqarfigalugit.

Oqaaseqaatigineqartunut allaffeqarfiup akissutaa: Init alliit pisiniarfinnut atugassaanerat pillugu aalajangersagaqarneratigut illoqarfiup qiterpasissortaata misigisassaqarfiunissaata qulakkeerneqarnissaanut, kommunip pilersaarusionsiorfigineqarnerani tapiliussami tunngavissaavoq pingaarutilik. Appakaaffissianut pitsaannerusunut isumannaannerusunullu aningaasaliinissami tamannarpiaq pingaaruteqarpoq.

5. Innuttaasunik ataatsimiisitsinermi innuttaasut tulliuuttunik oqaaseqaateqarput:
 - a. Nunap assingi ilanngussat, kommunip pilersaarusionsiorfigineqarnerani tapiliussap nassuiaataata ataani nunap assinginut naapertuutinngillat.
 - b. Illoqarfiup qiterpasissortaanut/kommunip pilersaarusionsiorfigineqarneranut tapiliussaq nr. 10 annertuumik tapersorsorneqarpoq, sumiiffillu periarfissagissaartutut innuttaasut isigalugu.
 - c. Pølsebari illullu eqqaaniittut ingutserneqariarlutik, café-talerlugu illoqarfiup qiterpasissortaani ataatsimoortarfimmik (bytorv) pilersitsisoqassasoq siunnersuutigineqarpoq.
 - d. Illu eriaqisassaq illoqarfiup qeqqaniittoq suli eriaqisassaannersoq apeqqutigineqarpoq, illulu eriaqisassaasimappat aserfallatsaalineqarnissaanik piumasaqartoqartariaqartoq.
 - e. Biilnut inissiivissat soqutiginartuunissaat qulakkeerneqassaaq, assersuutigalugu nioqqutissanik assartuisut eqqaassanngikkaanni illoqarfiup qeqqa pisuinnarnut atugassiarineqaralaruni iluassagalarpoq.
 - f. Meeqerivikoq Nuka isajartuinnarmat, ingutserneqassasoq kissaatigineqarpoq. Oqaaseqaatinut allaffeqarfiup oqaaseqaatai:
 - a Ataatsimiisitsinerup kingorna nunap assingi kukkusut allaffeqarfiup iluarsivai.
 - c Kommunip pilersaarusionsiorfigineqarnerani tapiliussami siullermi, illuutit arlallit ingutserneqassasut allaffeqarfiup eqqaavaa, taakkuli eqqaaneqartut taakkununani eqqaaneqartuni ilaanatik. Taamaakkaluartoq illunik ingutserisitsinissaq kommunip pilersaarusionsiorfigineqarnerani tapiliussami ilanngunneqassanngitsoq, malitsigisaanilli

isumagineqarsinnaasut, pineqartunillu illunik piginnittut inissisimavissaatut siunnersuutigineqartuni nutaamik illuliorsinnaanissaminnut periarfissineqassasut kommunalbestyrelsi isumaqataavoq. Allaffeqarfiup tamanna illoqarfimmi ataatsimoortarfissaqqitsinngilaa, ataatsimoortarfik GTO-qarfikumiikkuni pitsaanerussammata. Taarsiullugu illoqarfiup qeqqani, illoqarfiullu qiterpasissortaani mikinerusunik sulii ataatsimoortarfeqarsinnaassaaq.

d Illoqarfimmi illut eriajisassat nalinginnaasumik unammillernartarnerinut allaffeqarfik isumaqataavoq, illullu eriajisassaanerata atorunnaarsinneqarnissaa anguniarneqarsinnaavoq. Illuatungaani illu illoqarfiup qiterpasissortaaniippoq, illoqarfiup qeqqani oqaluttuarisaanermut tunngasut pigiinnerneqarnissaa pingaaruteqarluni.

e Allaffeqarfiup oqaatigissavaa, aqqusineq pingarneq pisuinnarnut aqquingortinneqassaguni tamanna pilersaarummut akerliusoq, taamaattoqassappallu aqqusinerni allani angallattoqalingaatsiarluni angallannikkut unammillernartoqalissasoq. f Allaffeqarfiup oqaatigissavaa, kommuni illumik piginnittut Nukap/Sisip siunissaa pillugu sulii inaarutaasumik aalajangiinngimmat.

6. Kommunip pilersaarusiorgineqarnerani tapiliussami allannguutissanik marlunnik Frederik Olsen siunnersuuteqarpoq.

- a. Innuttaasunik ataatsimiisitsineq isumassarsiorginera tunuliaqutaralugu, sanaartorfissat arlaqartut (pølsebar, sanaartorfissaq nutaaq, meeqqerivik Nuka/Sisi, illulu taanna eriajisassaq B-426) peerneqassasut, nunatarlu tamanna ataatsimoortarfissat (bytorv) immikkoortinneqassasoq kissaatigineqarpoq. Ataatsimoortarfeqalernikkut, sumut tamaanga isikkivigissaarluni illoqarfimmi ataatsimoortarfeqalissagalarpoq.
- b. Illoqarfiup qiterpasissortaani aqquserngit, pisuinnarnut ikaartarfiit biilinullu inissiiuit annertusarneqarlutillu isumannaannerusunngortinneqarnerisigut, illoqarfiup qiterpasissortaani angallanneq iluarsiivigineqarsinnaavoq, soorluttaaq illoqarfiup qiterpasissortaata pilersaarusiorgineqarnerani, taamaalilluni kommunip pilersaarusiorgineqarnerani tapiliussami meeqqat, atuartut, utoqqaat innarluutillillu eqqarsaatigineqarlutik. Tamanna illoqarfiup qiterpasissortaani angallattoqangaatsiartarnerata, ulorianarsinnaasullu iluarsiivigineqarneratigut pisinnaavoq, bussillu ingerlavissianut innersuunneqarsinnaallutik. Taamaattumik siunnersuutigineqarpoq, kommunip pilersaarusiorgineqarneranut tapiliussami piumasqaateqartoqassasoq, illoqarfiullu qiterpasissortaani angallannerup kingusinnerusukkut iluarsiivigineqarnissaanut ineriartortinneqarnissaanullu nunaminertanik pisariaqartunik innersuussisinnaasoqassasoq.

Siunnersuutinut allaffeqarfiup oqaaseqaatai:

- a Allaffeqarfik isumaqarpoq, illunik pioreersunik ingutseraluni illoqarfimmi ataatsimoortarfiliortoqassaguni pissusissamisunngitsoq. Allaffeqarfiup siunnersuutigissavaa, illoqarfimmi ataatsimoortarfissaq GTO-plads-ikumi pilersinneqassasoq, nunataq taanna atornerqarlunilu nutarterneqarniassammat. Ilutigalugu Nalunnguarfiup eqqaa pingaartumik meeqqanut inuusuttunullu sunngiffimmi sammisassaqqarfissatut soqutiginarsarneqassasoq kommunip sulii anguniarpaa.
- b Angallannermi angallavissialerlugu angallannermi pissutsinik iluarsiiisuteqarnissaaq aqqusinnermi pingaarnermi inissaqartitsisoqanngilaq, pingaartumillu angallavissiami sukkasuumik ingerlaartoqartussaammat, angallavissiaq ungalusalernerneqanngikkuni

pisuinnarnut ulorianartussaavoq. Biilit oqimaatsut illoqarfiup qeqqatigoortarnissaasa killilersorneqarnissaat, kommunip pilersaaruserfigineqarnerani tapiliussaatuunngikkaluarlugu pisinnaavoq. Suli Aqqusinersuakkoorluni pisiniarfinnut nioqqutissanik assartuisoqartarnissaa pisariaqartinneqassaaq, kisianni ullup qanoq ilinera malillugu killilersorneqarsinnaalluni.

Ataatsimut isigalugu allaffeqarfik isumaqarpoq, kommunip pilersaaruserfigineqarneranut tapiliussami aalajangersakkanik allannguinissamut oqaaseqaatigineqartut tunngavissiisariaqanngitsut, taamaattumillu taamatut isikkoqartillugu akuerineqassasoq siunniunneqarluni.

Atuilluartuunissakkut kingunerisinnaasai

Illoqarfiup qiterpasissuani sanaartukkanik eqititerineq aqqusinerneq atorulersuutitnik kiisalu pilersuinerneq attaveqaatinik il.il. pioreersunik pitsaaneruseq atuinermik kinguneqassaaq. Illoqarfili eqitersimasooq annertuneruseq ingerlatsinikkut pisariaqartitsissalluni.

Aningaasaqarnikkut allaffissornikkullu kingunerisinnaasai

Qaninneruseq ungasinneruseq eqqarsaatigalugit, illoqarfiup qiterpasissuata ineriartortinneqarnera annertuneruseq aningaasaliiffigineqarnissamik kinguneqassaaq, matumani aputinik katersuiviit sanaartorfiulerpata, kommunip sanaartortitsinikkut ingerlatai, ingerlatsinermillu annertusaaneq ilanngullugu, annertuneruseq aputaajaanissamik kiisalu aputinik assartuineq annertusinerneq kinguneqassalluni.

Biilinik inissiisarfik ilaat kommunimit aningaasaliiffigineqarnissaat pisariaqassaaq, assersuutigalugu GTO-kumi oqaluffimmut atatillugu atornerneqarnissaa naatsorsuutigineqartumi kiisalu katersortarfiup eqqaani biilinik inissiisarfik eqqarsaatigalugu. Taamatuttaaq Aqqusinersuaq sinerlugu illugiimmik pisuinnaat aqqutaanik pilersitsineq, kommunimut annertuumik aningaasaliinerneq kinguneqassalluni.

Allaffeqarfiup naliliinera

Allaffeqarfik naliliivoq, illoqarfiup qiterpasissuata siunnersuutigineqartut ineriartortinneqarneratigut, Sisimiut illoqarfiup qiterpasissua innuttaasunit takornarissaniillu angallaffigineqarnissaanik soqutiginarnerulersitseqataassasoq.

Allanngortiterinissamut atatillugu unammillernarnerpaassaaq tassaavoq, biilinik inissiisarfik pitsaanerpaamik ingerlanissaasa qulakkeerneqarnissaa, piffissanimi inissiiffissaaleqiffiusuni innuttaasut pisiniarfinnukarnissaminnut assigisaannulluunniit pisunnerulissammata. Aqquserngit sinaakkutaanni piffissami sivikitsumik biilinik inissiisinnanermik periarfissiinissaaq pisariaqassasoq naatsorsuutigineqarpoq.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2018 ataatsimiinnermini suliaq suliarivaa, Emilie Olsen eqqaavaa illut nutaanngitsup piiarneqalerpata aningaasaqarniarnera eqqumaffigineqassasoq. Innersuussut akuersissutigineqarpoq.

Innersuussut

Aningaasaqarnermut ataatsimiititaliap innersuussutigissavaa:

- Kommunip pilersaaruserfigineqarneranut tapiliussaq nr. 10 kommunalbestyrelsimiit akuersissutigineqassasoq, akuerineqarneralu tamanut nalunaarutigalugu.

Aalajangiineq

Immikkoortumi Malik Berthelsen peqataangilaq attuumassuteqarnini pissutigalugu.

Malene Ingemann-ip kissaatigivaa illoqarfiup kusassarnissaa ilaatinneqassasoq.

Frederik Olsen-ip kissaatigaa pilersaarusiame illoqannginnersamik innuttaasut katersuuffigisinnaasaannik pilersitsinissaq periarfissinneqassasoq, taamatullu illoqarfiup qeqqani aqqusinikkut angallannermi isumannaannerusumik aaqqiissuisoqarsinnaanera pilersaarummi periarfissinneqassasoq.

Aqqusinersuaq sissap tungaanut pisuinnarnut uloriarnanera iluarsiiiffiqeqarnissaa kissaatigineqarpoq.

Innersuussutigineqartoq akuersissutigineqarpoq.

Ilanngussat

1. Kommunip pilersaarusiordfigineqarneranut tapiliussa q nr. 10
2. Akerliliissutit oqaaseqaatillu pdf-imut ataatsimoortinneri.

Imm. 04 Sisimiut talittarfiata kitaa-tungaanut Kommunip pilersaarusiordfigineqarnerani tapiliussaq nr. 37-ssatut siunnersuut

Journalnr. 16.03.01.01

Tunuliaqutaq

Sisimiut talittarfittaavata suli ineriartortinneqarnissaa, Royal Greenland-illu aalisakkerivianut atatillugu talittarfiup eqqaani, Qasapermiullu illuutikuata inissisimaffianik atorluanaanissaq qulakkeerniarlugu, kommunip pilersaarusiordfigineqarneranut tapiliussaq una suliarineqarpoq.

Maleruagasatigut tunngavissat

Pilersaarusiordneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq, inatsimmut allannguutit ilanngullugit naapertorlugit kommunip pilersaarusiordfigineqarneranut tapiliussaq suliarineqarpoq.

Pissutsit atuuttut

Royal Greenland-ip nioqutissiornera annertusisinnaalersillugu, ilutigalugulu sulinermi avatangiisitigullu atugassarititaasut pitsanngorsarsinnaalerlugit, Royal Greenland-ip aalisakkeriviata allilerneqarsinnaanissaa kommunip pilersaarusiordfigineqarneranut tapiliussatigut ammaanegaassaaq, taamaalillunilu aalisakkat tulaassat umiarsuanit qulisap ataatigoorluni toqqorsivinnut assartorneqarsinnaalerlugit, talittarfiup ungasinngisaani qulisanik pilersitsisoqarsinnaalissalluni. Avatangiisit eqqarsaatigalugit raajat qalipaannit qajuusaasiordfimmik pilersitsinermi raajat qalipaannik eqqaaneq annikillisinneqassaaq, taamaalillunilu raajanik atorluaneq annertusineqarluni.

Talittarfittaap eqqaani qaqqajunnaq sinerlugu suliffeqarfinnut tunisassiornermik suliaqartunut sanaartorfissat pilersaarutikkut pigiinnarneqassapput, taamaalilluni qaqqajunnaq saani tunisassiorfinnik sanaartortoqarlunilu qaqqajunnaq iluani tunisassiorfinnik toqqorsivinnillu sanaartortoqarsinnaaniassamat. Talittarfiup saavani sulisoqarsinnaanissaa, tassungalu atatillugu usingiarneqartunut iltsiveqarnissaa, usingiarneqartullu suliarineqarnissaannut inissaqarnissaa suli qulakkeerneqassaaq, nunataq umiarsuiarnut nunanit allanit tikillutik talittartunut isumannaallisagaasutut suli atorneqartussaaq.

Qaqqajunnaq sinerlugu 13 meterinik tikillugu portutigisunik pingasunik quleriilinnik sanaartortoqarsinnaanissaa pilersaarutitigut anguniarneqarpoq. Qaqqajunnaq 16 – 25 meterinik portutigaq. Sanaartukkami 200 meterikkaarlugu biilnut inissiiivissamik ataatsimik pilersitsisoqartarnissaanik pilersaarutitigut piumasaqaataavoq, tamannalu nalinginnaasumik 50 imaluunniit 100 kvadratmeterimut biilnut ataatsimik inissiiivissaqarnissaanik piumasaqaataasartumut annikillisitsinerulluni. Tamatumani talittarfimmi inissaalatsiffioreersumi inissat biilnut inissiiivissanut killilimmik atorneqarnissaat aallaaviuvoq.

Royal Greenland-ip nunaminertaanni 9 meterinik portutigisunik ataatsimik marlunnilluunniit quleriilerlugit sanaartorneqarsinnaavoq. Qasapermiut illuutikuusa inissisimaffiini sanaartorfissani nutaani aamma taamatulli sanaartortoqarsinnaavoq. "Illut illoqarfiullu immikkoortui eriagisariallit" naapertorlugi B-111 eriagisassanngortinneqarnikuuvoq, taamaattumillu illup ingutserneqarnissaa pillugu Namminersorlutik Oqartussanut qinnutigineqassalluni, ullumikkummi illu siunertamut atorneqassappat, oqoqalersimanera pillugu annertuumik nutarterneqaaqqaartariaqassamat. Qaqqajummami qaartiterinikkut nutaanik sanaartortoqarsinnaalissaaq, qaartiterinermiillu ujaqqat

Kangerluarsunnguami kommunip containereqarfissaanni assigisaannillu pilersitsinissami matoorutissatut atorluarneqarsinnaassallutik.

Umiarsuarnut takornariartaatinut ilaallutik takornarissanut atugassarititaasut pitsangorsarneqarnissaat qulakkeerniarlugu, talittarfittaamit Umiartortut Angerlarsimaffiata tunuatungaaticigut ilaatigut Aqqusinersuarnut, ilaatigullu katersugaasivimmut pisuinnaat aqutissaat kommunip pilersaarusiorfigineqarneranut tapiliussami ilanngunneqarpoq. Aqqusinersuarmi aqquserngup sinai illugiisillugit pisuinnarnut aqqusiortoqarnissaa, Sisimiut illoqarfiata qiterpasissortaanut kommunip pilersaarusiorfigineqarneranut tapiliussaq nr. 10-ssatut siunnersuutigineqarpoq. Taamaalilluni talittarfittaamiit illoqarfiup qeqqata tungaanut attaveqalernissaaq qulakkeerneqassaaq. Umiarsuit takornariartaatit takornarissanik ikaartaatiminnik ikaassinerminni niusiffigisinnaasaannik, ulittarneq tinittarnerlu akornutigiginagu talittarfittaami ikaartarfiliortoqarsinnaanissaa periarfissiissutigineqarpoq.

Atuilluartuunissakkut kingunerisinnaasai

Talittarfiup illuatungaani ullumikkut ingerlanneqartartut attatiinneqarnissaat pilersaarutitigut anguniarneqarpoq.

Ilutigalugu aningaasaqarnikkut atuilluartoqarsinnaalersillugu, suliat annertusisinnaalerlugit alliliissuteqartoqarsinnaanera periarfissiissutigineqarluni.

Aningaasaqarnikkut allaffissornikkullu kingunerisinnaasai

Talittarfiup nalaani ineriartortitsinissamat periarfissat qulakkeerneqarnissaa siunertaralugu, B-111-p ingutserneqarnerani, qaqqajunnamilu qaartiterisoqarneranut atatillugu aningaasartuutissat Qeqqata Kommunianit matussuserneqassasut naatsorsuutigineqarpoq.

Taassuma saniatigut pilersaarutissatut siunnersuut Qeqqata Kommunianut aningaasaqarnikkut allaffissornikkullu toqqaannartumik kingunissaqanngilaq. Aalisarnerup iluani annertusumik suliaqartoqarsinnaanissaa, taamaalilluni akileraarutitigut tunngavissaqarnissaa pilersikkumallugu, talittarfiup, sissamilu suliffeqarfiit ineriartortinneqarnissaannut pilersaarut periarfissiivoq.

Allaffeqarfiup naliliinera

Allaffeqarfiup nalilerpaa, Sisimiut talittarfiata suli ineriartortinneqarnissaanut, talittarfiullu eqqaani nunaminertat atorluarneqarnissaannut pilersaarut sinaakutissiilluassasoq.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2018 ataatsimiinnermini suliaq sularivaa, takanani pineqaartumi immikkoortumi inussussutissartiunut allanut neriniartarfinnut unnuisarfinnullu il.il. lokalplan-imi ilanngunneqarnissaa piumasarineqarpoq.

Innersuussutineqartut akuersissutigineqarput.

Innersuussut

Aningaasaqarnermut ataatsimiititaliap Kommunalbestyrelsimit akuerisassanngorlugu innersuussutigaa,

-pineqaartumi immikkoortumi inussussutissartiunut allanut neriniartarfinnut unnuisarfinnullu il.il. lokalplan-imi ilanngunneqasassoq

-Kommunip pilersaaruserfigineqarneranut tapiliussaq nr. 37-p sapaatip akunnerini arfineq-pingasuni tamanut tusarniutigineqarnissaa akuersissutigineqassasoq

-B-111-p eriagisassaanerata atorunnaarsinneqarnissaa pillugu Namminersorlutik Oqartussanut qinnutigineqassasoq

Aalajangiineq

Immikkoortup ingerlanerani Gideon Lyberth ingerlavoq.

Immikkooq B800 1.3-imi unnuisarfiliorortoqarsinnaanera, neriniartarfiliortoqarsinnaanera, inuussutissarsiutinulluunniit allanut atorneqarsinnaaneranik kommunemut pilersaarummi periarfissiisoqassasoq aaliangiunneqarpoq

Innersuussutigineqartut akuersissutigineqarput.

Ilanngussaq

1. Kommunip pilersaaruserfigineqarnerani tapiliussaq nr. 37-ssatut siunnersuut

**Imm. 05 Aqputikitsumi aamma Ungalliup Qaqqaanu nunamik immikkut
atusinnaanermut kommunip pilersaarusiorfigineqarneranut tapiliussap nr. 55-ip
inaarutaasumik akuersissutifigineqarnera**

Journalnr. 16.03.01.01

Tunuliaqutaq

Sisimiut avannaatungaani Aqputikitsumi aamma Ungalliup Qaqqaanu suliffeqarfimmit Igloo Mountain-imit takornarissanut nunaminertanut immikkut akuersissut pillugu qinnuteqaammik Qeqqata Kommunua tigusaqarnikuvoq.

Suliaq 2018-imi maajip 15-ani kommunalbestyrelsimit suliarineqarpoq aalajangiunneqarlunilu, kommunip pilersaarusiorfigineqarnerani tapiliussami ataasiusumi takornarissanut immikkut akuerissutinut arlalinnut kommunip pilersaarusiorfigineqarnerani tapiliussamik suliaqartoqassasoq, aammalu angallassitutitnik motoorilinnik qimussinilluunnit atuilluni kikkulluunniit Aqputikitsumut angalasarsinnaanermut periarfissaqassasut.

Kommunalbestyrelsip aalajangiinera malitseqartinniarlugu kommunip pilersaarusiorfigineqarnerani tapiliussaq una suliarineqarpoq.

Maleruagasatigut tunngavissat

Pilersaarusiorneq aamma nunaminertat atornerqartarnerat pillugu Inatsisartut inatsisaat nr. 17, 17. november 2010-imeersoq naapertorlugu kommunip pilersaarusiorfigineqarneranut tapiliussaq suliarineqassaq.

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersup allangortinnissaa pillugu Inatsisartut inatsisaat nr. 15, 3. juni 2015-imeersoq.

Pissutsit atuuttut

Kommunip pilersaarusiorfigineqarnerani tapiliussaq nr. 55 Aqputikitsup aamma Ungalliup Qaqqaanu eqqaanilu inissisimalluni 390 km² missaanik annertutigisumik nunataqarpoq.

Kommunip pilersaarusiorfigineqarnerani tapiliussap Aqputikitsumi 957-L5 atortulersuutit sukisaarsarfissaqqissunik nunaminertanik immikkoortitaanikuusunik annertussaavoq, kommunip pilersaarusiorfigineqarnerani tapiliussakkut ugguunakkut Ungalliup Qaqqaanu Tasersuarmullu annertusineqarluni. Immikkut akuersissuteqarfiit 205 km²-inik annertussuseqarput.

Kommunip pilersaarusiorfigineqarnerani tapiliussaq aammattaaq Sisimiuni Erngup nukinga atorlugu nukissiuuteqarfimmik, Tasersuarmut erngup isaaffianik kiisalu erngup nukinga atorlugu nukissiorfimmitt Sisimiunut innaallagissamik pilersuineranut aqputinik ilaqarpoq. Assinganik Isortumi illuaraqarfiit 957-K1 nunaminertap iluaniipput.

Pingaarnertut kommunip pilersaarusiorfigineqarnerani tapiliussaq nunaminertami ataatsimi 957-L5.1, aamma immikkut akuersissuteqarfissani marlunni Aqputikitsup 957-L5 aamma Ungalliup Qaqqaanu 957-L5.3-mut nalinginnaasumik appakaassinnaanermut periarfissalerlugu agguataarneqarpoq, tassani kikkullunniit appakaaffigisinnaaffigaat, takornarissanulli tunisassianut immikkut akuersissuteqarfiusuni tuniniaasoqarsinnaanani. Kommunalbestyrelsip aalajangiinera naapertorlugu Aqputikitsumut kikkullunniit appakaannissamut periarfissaqarnissaat qulakkeerneqassaq. Nunaminertat immikkut akuersissuteqarfiusut nunaminertatut immikkut akuersissuteqarfittut ataatsimoortutut neqeroortigineqarnissaat siunnersuutaavoq, taamaalilluni

957-L5.2 aamma 957.L5.3-mut ataatsimoortumik immikkut akuersissuteqartoqarsinnaalluni imaluunniit 957-L5.2 kisiimiitillugu kisianni 957.L5.3 kisiimitinnagu.

Kommunip pilersaarusiorfigineqarnerani tapiliussakkut malitsigisaanillu nunaminertanik immikkut akuersissutinik ataatsimoortunik neqeroorteqarnikkut, immikkut akuersissummik akuersissuteqarnermiit ukiuni 20-mi immikkut akuersissutaateqarnissaq siunnersuuteqarnikkut, takornarialerisunik allanik peqateqarluni 957-L5.1 atornissaanut qulakkeerqarpoq. Imaappoq, taamatut atuineranut akimmiffiusinnaasunut akuersissutinik nutaanik pilersitsinissamat periarfissamat Qeqqata Kommunian piumanani nalunaarutigisinnaagaa.

Kangerluarsuk Ungalliup qinnguani takornarissanut centerimik pilersitsisoqarsinnaanissaanut, kommunip pilersaarusiorfigineqarnerani tapiliussatigut periarfissaqalerpoq. Kommunip pilersaarusiorfigineqarnerani tapiliussap matuma aallaqqaammut 10.000 m² angullugu quleriiaalimmik pilersitsinissamat periarfiissivoq, Qeqqata Kommunian akuerineqartussamik takornarissanut centerimut pilersaarummik immikkut akuersissutaateqartussap pigisaqarnissaa piumasaqaataalluni. Saanaartukkanik allanik pilersitsinissaq kissaatigineqarpat, immikkut akuersissutaatilimmit siunnersuutit malillugit, takornarissanut centerip annertusarnissaanut annikitsukkuutaanik aalajangersaasumik kommunip pilersaarusiorfigineqarnerani tapiiussamik nutaamik tunngaveqarluni pissaaq.

Takornarissanut centerimik pilersitsinermut atatillugu imermut mingunnikumut saliissutitalimmik kuuffissualiisoqassaaq, taamaalilluni imermik mingunnikumik suliaqarneq aqunneqassalluni. Engup nukinga atorlugu nukissiorfiliortoqarmat sulisut najugaqarfiinut pilersuisuusumik puilasumiit imermik pilersuineq pilersinneqassaaq. Puilasumiit imermik pilersuineq naammangitsoq paasineqassappat, takornarissanut centerip kujataatungaani nunaminertaqarpoq immikkoortitamik, taamaalilluni tassangaanniit imermik pilersuineq pilersinneqarsinnaalluni. Innaallagissamik pilersorneqarneq erngup nukinga atorlugu nukissiorfimmut attavilerneqarsinnaasoq naatsorsuutigineqarpoq, erngup nukinga atorlugu nukissiummik imaluunniit anorip nukinganik sarfaliuummik ilaneqarsinnaalluni.

Aqqutikitsumi uninngaarfiusinnaasunik pingasunik pilersitsinissamat periarfissanik pilersitsisoqassaaq, immikkut akuersissuteqarfiup 957-L5.2 iluani katillugit 9000 m²-mik annertussusilinnik sisorarluni hotellinik pingasunik imaluunniit illuaraqarfinnik peqarluni, sisorarfiusinnaasumik immikkoortumik pilersitsineq tassani ujakkaartut majuartaateqarfinnut attuumalersinneqarsinnaallutik. Majuartaatinut atatillugu illunik sulliviusunik katillugu 1200 m²-nik annertussusilinnik pilersitsisoqarsinnaavoq. Immikkut akuersissuteqarfiusut 957-L5.2 aamma 957-L5.3 iluanni illuaqqanik atortunut aamma oqquisarfinnik tallimat angullugit pilersitsisoqarsinnaavoq. Aasaanerani ukiuuneranilu atorneqarsinnaasumik, sulinerneq aqqusinernik imminnut atasunik sumiiffinnut sammisaqarfiusunut ataasiakkaanut atassusiisoqassaaq. Aasaanerani ukiuuneranilu atugassanik, qimussertunut illinernik aamma pilersitsisoqassaaq.

Kommunip pilersaarusiorfigineqarnerani tapilussaq malillugu takornarianut tunisassianik tuniniaanissamat tullinnguuttunik immikkut akuersissuteqartoqarsinnaavoq:

- sisoraatinik timersornermut, qimussernermut, qamuterallannermut, cykkilinit qaqqasiutinut, timersuutigalugu aalisarnermut, sikumi qallornernut, snowtubing-imut, sukuutsernermut, sermersuarmut pisunnernut, qajarissanut, qaannanut, uumasuuteqarfinnut, hesternernut, hotellinut, transferinut, nalunnernut, golfernermut, bowlingnermut, allallu.

Kommunip pilersaarusiorfigineqarnerani tapiliussakkut aallaqqaammut umiatsianik angallatinillu erngup nukinga atorlugu nukissiorfiup eqqaani talittarfimmuut aammalu takornarissanut centerip eqqaatigit aqqusaarluni immikkut akuersissuteqarfinnut appakaaffeqassasoq naatsorsuutigineqarpoq. Ukiuunerani qamuterallannut qamussuarnullu ukiukkut aqputai aqqusaarlugit. Kommunip pilersaarusiorfigineqarnerani tapiliussamik nutaamik suliaqartoqarnerata kingorna ukioq kaajallallugu aalajangersimasunik aqqusinikkut attavissanik pilersitsisoqassaaq.

Kommunip pilersaarusiorfigineqarnerani tapilliussakkut, kommunip pilersaarusiorfigineqarnerani tapiliussap iluaniittut nunaminertat 957-N1 aamma N2-mik taaneqartartut, erngup nukinga atorlugu nukissiorfimmuut atortulersuutaanullu nunaminertat immikkoortitaasut pioreersut annikillisinneqarput. Nunaminertaq immikkoortinneqartoq annertoq annikillisinnagu, paarlattuanik atortulersuutinut pioreersunut ilaasussanngorlugu nunaminertat immikkoortitat annikillisinneqassapput. Erngup nukinga atorlugu nukissiuuteqarfik talittarfik ilanngullugu, erngup nukinganut tatsimit kuuttoq, Tasersuaq, erngup nukinga atorlugu nukissiorfiup Sisimiullu akornanni innaallagissamik pilersuinerlut aqputit. Innaallagissamut pilersuinerlut aqputit sinerlugit pilersuinerlut atortuniit illuatungeriinnik 15 m-imik, pilersuinerlut atortut nerutususaat katillugu 36 m tikinneqaaqqusaanngitsumik ilanngussisoqassaaq.

Kommunip pilersaarusiorfigineqarneranut tapiliussaq nr. 55 2018-imi septembarip 15-iani novembarip 7-iata tungaanut tamanut tusarniutigineqarpoq, 2018-imilu oktobarip 22-ani Sisimiuni innuttaasunik ataatsimiisitsinermi eqqartorneqarluni.

Tusarniaanerup ingerlanerani oqaaseqaatinik akerliliissutinillu tullinnguuttunik tigusaqartoqarnikuuvoq:

- 1. Aatsitassanut Ikummatissanullu Aqutsisoqarfik, Kommunip pilersaarusiorfigineqarneranut tapiliussamut oqaaseqaatissaqanngitsooq.**
- 2. Visit Greenland, kommunip pilersaarusiorfigineqarneranut tapiliussaq, immikkullu akuersissuteqarnissamut suliaqarneq tapersorsorpaat.**
- 3. Pinngortitamut Avatangiisinullu Naalackersuisoqarfiup oqaatigaa,**
 - a. Pinngortitamik illersuineq pillugu Inatsisartut inatsisaat nr. 29, 18. december 2003-meersoq kiisalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq naapertorlugit ingerlatarpaalunnik malittarisassiuunneqarsimasunik, kommunip pilersaarusiorfigineqarneranut tapiliussaq sammisassarpaalunnik imaqartoq.**
 - b. Naalackersuisoqarfiup oqaatigaa, Naalackersuisut aatsaat akuersiteqqaarlugit Kalaallit Nunaanni uumasunik uumasulerlugu uumasuuviliortoqarsinnaasoq, takuuk Pinngortitamik illersuineq pillugu inatsisip § 34-a.**
 - c. Naalackersuisoqarfiup oqaatigaa, taamanikkornissaani sanaartortitsisussap Atortut ilaasa avatangiisinut sunniutaannik nalilersuineq aamma avatangiisinik nakkutilliinerlut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq immikkut maluginiassagaa.**

- d. Suliat avatangiisinut sunniutaannik nalilersuiffigineqartuaannartussat suunersut, Avatangiisinut sunniutaannik nalilersuineq pillugu nalunaarummut ilanngussaq 1-imi takuneqarsinnaapput. Kommunip pilersaarusiordfigineqarnerani tapiliussami immikkut attuumassuteqartut tassaapput: a) Imaatigut niuernerme umiarsualiviit kiisalu nunap iluani umiartornermut umiarsualiviit, umiarsuarnit 1.350 tonsit sinnerlugit angissusilinnit tulaffigineqarsinnaasut.
- e. Avatangiisinut sunniutaannik pisussaaffigalugu nalilersugassat, Avatangiisinut sunniutaannik nalilersuineq pillugu nalunaarummut ilanngussaq 2-mi allassimapput. Kommunip pilersaarusiordfigineqarnerani tapiliussamut attuumassuteqartoq: a) Qulimiguulinnut mittarfiit aalajangersimasut. b) Umiarsualiviit aalajangersimasut. c) Aqqusinniorneq nunaannakkut katillugu 2000 meteri sinnerlugu takissusilimmik ingerlaarfineqartussatut eqqarsaatigineqartoq. d) Majuartaatit nivingasut. e) Sisorartut illerni, sisorartut majuartaarfii, majuartaatit nivingasut tassungalu atasut sanaartornerit. f) Illoqarfiup avataani illoqarfiit feeriarfiit, hotel, vandrehjemmit taakkunungalu atasut sanaartornerit.
- f. Naggataatigut Naalackersuisoqarfiup oqaatigaa, Pinngortitamik Avatangiisinilla illersuineq pillugu inatsit naapertorlugu sanaartornissat aallartinneqartinnagit akuersissutit pisariaqartut piniarneqassasut, naak kommunip pilersaarusiordfigineqarnerani tapiliussatigut sammisassat taakku periarfissaatinneqarluartut.

Allaffeqarfiup oqaaseqaatai. Naalackersuisoqarfiup oqaaseqaatai allaffeqarfiup tupaallaatiginngilai. Tamatumani sanaartornissat aallartinneqartinnagit annertuumik pilersaarusiordqarnissaanut missiliuisoqarnissaanullu takussusiivoq. Immikkut akuersissutit neqeroorutigisinnaaqullugit, pilersaarutip suliarineqarnerani taamatut tullerriaarisooqarpoq.

- 4. Inuussutissarsiornermut Nukissiuuteqarnermullu Naalackersuisoqarfiup oqaatigaa
 - a. Kommunip pilersaarusiordfigineqarnerani tapiliussami immikkoortunit qulinit ataasiinnaq immikkut akuersissuteqarnissamut tunngammat, kommunip pilersaarusiordfigineqarnerani tapiliussami annikitsuinnaq immikkut akuersissutinut tunngassuteqartoq.
 - b. Takornarissat unnuisarfissaannut immikkoortut immikkoortitat takornarialerinissamut immikkut akuersissutinut neqeroorutigineqarsinnaanngitsut, kommunip pilersaarusiordfigineqarnerani tapiliussami allassimavoq
 - c. Immikkoortunut 957-L5.2-mik aamma 957-L5.3-mik atuinissaminnut immikkut akuersissummik pigisallit kisimik eqqarsaatigineqarnersut, imaluunniit immikkut akuersissutaatillit assigiinngitsut marluk immikkoortunut immikkoortutik immikkut akuersissummik tunineqarsinnaanersut ersarissarneqartariaqarpoq.
- Akerliliissutit pillugit allaffeqarfiup naalackersuisoqarfimmik eqqartueqateqareerluni oqaaseqaatai.
- a. Immikkoortut sorliit immikkut akuersissuteqarfigineqarsinnaanersut ersarissummik nassuiaatigineqassasooq siunnersuutigineqarpoq. Uani 957-L5.2 aamma L5.3, kiisalu 957-K90, K91, K92 aamma K100, tamarmik 957-L5.2-p iluaniittut pineqarput. Tamatuma saniatigut immikkoortumi 957-L5.3-mi illuaqqat oqqisarfiit sulliviillu immikkut akuersissutit neqeroorutigineqarnissaanni aamma pineqarmata erseqqissaatigineqarpoq.
 - b. Immikkut akuersissutaatillit immikkoortuni 957-L5.2-mi aamma 957-L5.3-mi taamaallaat takornarissanut unnuisarfiliorsinnaassasut, kommunip

pilersaarusiordfigineqarnerani tapiliussami inaarutaasumik akuersissutigineqartumi ersarissarneqartariaqarpoq.

C. Immikkoortuni taakkunani marluusuni immikkut akuersissutaatik
ataasiinnaasariaqartoq ilanngullugu ersarissarneqartariaqarpoq.

5. Nukissiorfiit tulliuttunik oqaaseqaateqarpoq:

- a. Immikkoortoq tamanna erngup nukinga atorlugu nukissiuuteqarfimmut tasermit pilersuivittut nukissiuuteqarfittullu immikkoortitaavoq, taamaattumillu takornarissanut pingaaruteqartigineratuulli nukimmik pilersuinissamut pingaaruteqarpoq
- b. Ullumikkumut sanilliullugu Tasersuaq immerlugulu imaarsarneqaratarsinnaavoq.
- c. Immikkoortumik immikkoortitamik Nukissiorfiit atuineranut ingerlatat akimmiffilersuinatillu annikillisisaataassanngillat.
- d. Immikkoortoq nunaqarfittut taaguuteqanngilaq, immikkoortumilu suliniutinut nutaanut nukissiuutit suut atorneqarnissaannut suut piumasqaataanersut ersarinngilaq.
- e. Innaallagissamut pilersuineranut aqquutit sinerlugit aqqusineq sangoriaammat, erngullu nukinganik nukissiorfimmit Tasersuarmut aqqusineq aserfallatsaalineqarneq ajormat erseqqissaatigineqarpoq.
- f. Erngup nukinganik nukissiorfimmut talittarfik 20 meteriuneragaasumit minneruvoq, taavalu nioqutinik sanaartormilu atorlutunig usingiarfissatut sanaartugaanani.
- g. Erngup nukinganik nukissiorfiup eqqaani aqqusineq siunertanut allanut aamma atorneqassanngikkaluarpoq, siunertanummi allanut atorneqarpat Nukissiorfiit uuliamut tankersuaani ajoquseratartoqarsinnaammat.
- h. Nunap assinga tunngavigisaq annikitsumik iluarsiiiffigineqarpoq, soorluttaaq nunap iluata ernganik maqitsivik atorunnaarnikuusoq.
- i. Innaallagissamut pilersuineranut aqquutit pallinneqaaqusaannginnerat 15 meterinut annikillisinneqaraluarpat Nukissiorfiit akornutissaqartinngilaa.
- j. Pisortat pilersuinissaannut sanaartordfigissaasitsinissaannullu Nukissiorfiit kommunimi oqaloqataarusuppoq

Allaffeqarfiup oqaaseqaatai:

- a. Immikkoortoq taamak annertutigisoq nukimmik pilersuineranut, innuttaasunut sukisaarsarfittut kiisalu takornariaqarnermut atorneqarsinnaanera pingaaruteqarpoq.
- b. Erngup qaffasissusaata allanngornera pilersaarummut pingaaruteqanngilaq
- c. Nukissiorfiit erngup nukinganik nukissiorfimmik ingerlatsiinnarnissaa kiisalu Sisimiunut innaallagissamik pilersuinissaata qulakkeerneqarnissaa pingaaruteqarpoq, matumanilu pilersaarut killilersuinngilaq.
- d. Immikkoortumi tamanit atugassianik pilersuineranut piumasqaateqartoqartariaqanngilaq, erngullu nukinganik nukissiorfimiit innaallagissamik pilersuisinnaaneq, Nukissiorfiit takornarialerisullu akunnerminni isumaqatigiissuteqartariaqassapput. Inaarutaasumik kommunip pilersaarusiordfigineqarneranut tapiliussami, tamanut atugassianut attavilertussaataitaneranut oqaaseqaat peerneqartariaqarpoq.
- e. Kommunip pilersaarusiordfigineqarneranut tapiliussa, Nukissiorfiit oqaaseqaataat naapertorlugit iluarsiivigineqartariaqarpoq.
- f+g. Kommunip pilersaarusiordfigineqarneranut tapiliussami inaarutaasumi, erngup nukinganik nukissiorfiup eqqaani talittarfimmik aqqusinermillu takornarialerisut

atuinissaanut eqqaasaqarneq peerneqartariaqarpoq.

Aaqqiissutissat minnerusut kommuniq pilersaaruserfigineqarneranut tapiliussamut inaarutaasumut ilanngunneqartariaqarput.

j. Pisortat pilersuinissaannut imaluunniit sanaartorfigissaanissaanut pilersaaruteqanngimmat, tamatumunnga annertunerusumik oqaloqatigiinnissaq tunngavissaqarsorinangilaq, tamannali pillugu Nukissiorfiit kommunimit ataatsimiigiarnissamut aggersarneqassapput. kommuniq pilersaaruserfigineqarneranut tapiliussami inaarutaasumik pisortat immikoortumi sanaartorfigissaanissaannut innaallagissamillu pilersuinissaanut eqqartuisoqannginnera erseqqissaatigineqartariaqarpoq.

6. Per Nørgaard tullinnguuttutigut akerliliivoq:

- a. Sisimiut immikkoortuani kangerluk kusanarnerpaajugunartoq pineqarpoq. Ataani atsiortumit, ilaqutaasunit ikinngutaasuniillu ukiorpassuarni kiisalu ukioq kaajallallugu atornerqarluartartoq.
 - b. Immikkoortoq pinngortitatigut pissanganarluinnartuuvoq, tassani aalisarnikkut, piniarnikkut, nuniannikkut, pupinnik katersinikkut, uillunik katersinikkut, kuannersarniarnikkut il.il. qasuersaarnissamik periarfissagissaarluinnartuuvoq, taamaalillunilu sisimiormiunit arlaqartunit atorluarneqartarluni.
 - c. Takornialerineranut taamak annertutigisumik suliniuteqarneq, aallaavittut pinngortitami suliniuteqarnermi inissiinissamut kissaatinut/piumasaqaatinut akerliulluinnarpoq, tassami pinngortitaq sapinngisamik allanngutsaaliornissaa kiisalu soqutigisaqatigiit pioreersut sianigineqarnissaat piumasarineqartarmat.
 - d. Tamatuma saniatigut innuttaasut pinngortitatsinni annertoqisumi angalasinnaanerannut kiisalu atuisinnaanerannut periarfissaqartarnissaasa qulakkeerneqarnissaat sulissutigineqartarpoq.
 - e. Immikkoortumi naasoqarluartumi kiisalu kangerluup immikkuullarissup isikkuanik silaannaanillu kusanartumik aseruisumik, siuliani siunertarineqartunut kangerlummi assigiinngitsutigut suliniuteqarneq (ilaatigut immikkoortup isikkuatigut utertinneqarnissaanut, kangerluup kujataatungaa silt-iimmat ajornarluinnartussaammat), annertuumillu sunniuteqartussaasoq akerliulluinnarpoq.
- Allaffeqarfiup oqaaseqaatai: Takornialerineranut taamak annertutigisumik sanaartorniarnermi, immikkoortumi pinngortitaq sunnertinngitsoorsinnaangilaq. Taamaattorli immikkoortumik innuttaasut atuisinnaanerannut pilersaarutikkut aporfigiliisoqanngilaq, illuatungaatigut innuttaasut sisorarnermik timersorsinnaaneranut il.il. periarfissanik nutaanik periarfissiisoqarpoq aammalu innuttaasut akornuteqanngitsumik immikkoortumut ornigussinnaapput.

7. Helle aamma Amaasa Olsen tullinnguuttumik imalimmik akerliliissummik nassiussaqaarnikuupput:

- a. Kangerluarssuk Ungalliup qinnguani hotellinik angisoorsuarnik sanaartorerup malitsigissavaa, immikkoortumi inuit ataasiakkaat illuaraat suujunnaarneri sukisaarsaarfissaqqinneralu piginnittunut naleruutissaq.
- b. angallatit anginerusut atorlugit immikkoortumut takornarissat tikittarnissaat pillugu pilersaarut eqqarsaatigalugu biilinet inissiisarfinnik amerlasuunik plilersitsinissaq tulluanngitsoq Siunertarisaq pilersaarut malillugu ima nipeqartumut "sapinngisamik pinngortitamik artukkiinani aammalu soqutigisaqatigiit pioreersut (illuaraatillit)

- aammalu siunissami periarfissat eqqarsaatigalugit pilersitsineq pissaaq"-mut siunertaqarnermut ininut marlunnut biilinit inissiisarfik ataaseq, uumasuusivimmuut biilinit inissiisarfii 50-t malinneqarsinnaanngilaq.
- c. nunaminertami 957-L5.1-imi immikkut akuersissutaatillit sulianut akuersissutaatillit assersuutigalugu Tasersuup tasertaa tamakkerlugu takornarissanik umiatsiartitsisinnaasut, taseq kaajallallugu nunaminertami tamani Isortullu avannaa-tungaanut nunamut qaqsinnaasut, "illuaqqanik oqquisarfinnik" sanasinnaasut. Tassa imaappoq oqquiffissamit oqquiffissamut pisulluni takornarissat nunniunneqarsinnaapput, pisinnaatitaaffiillu taakku ukiuni 20-ni allangortinneqarsinnaanngilluinnartut, uumasunik piniarnissamulluunniit periarfissanik sunniigaluarpata. Tamanna akuersaarneqarsinnaanngilluinnarpoq.
- d. Amaasa Olsen illuaraa 1981-imi sananeqartoq nunap assingani ilaanngilaq.
- e. Tatsip avannamut kangiatungaani annerusumik ukiuunerani tuttu aalajangersimasut uninngaarfisarpaat, sikukku aamma ikaartarput aammalu Kangerluarsuk Ungallerup qinguani ujaqqerviup eqqaani nerisassarsiortarlutik. Taakku ukiuunerani angallannermut sunnertiasuararsuupput annilaangalertarlutillu. Aasaanerani tuttu tatsip kujammut kangiaata nuuaniit takkuttarput aammalu qaqqat marluusut quassuatigoorlutik avannamut agguartarlutik. Uumasunik nalinginnaasumik ingerlaartarnermik akornusersuineq tassaavoq, nunaminertami tassani nunami tatsimilu uninngaarneq/angallanneq nipiliornerlu ataavartoq.
- f. Pilersaarummi allassimavoq "takornariaqarnermik suliaqarnermik ingerlatsineq akornungaangitsumik naatsorsuuteqarluni najugaqavissut immikkoortumik atuinerat ingerlaannarsinnaavoq". Atuarluarnerani ima paasineqassaaq, uagut illuassasugut taamaalillutik takornarissat assersuutigalugu ajornaquteqanngitsumik takornarissat umiatsianut ikisinnaaniassammata niusinnaaniassammatalu, qaqqani il.il. takornarissanik 30-nik niusisoqarsimatillugu piniarnaveersaassasugut. Tamanna akuersaarneqarsinnaanngilaq, uagut aalajangersimasumik najugalittut akileraartartut nunatsinnik atueqqaartuusariaqarpugut, takuuk aamma Pinngortitamik illersuineq pillugu inatsit nr. 29, 18/12-03-meersoq.
- g. Naak naammagittaalliuuteqaraluartugut sisorarnermut timersuutitut centerimut il.il. immikkut akuersissutinik neqeroorteqarnissat toqqassagussiuk, taava namminneq nukissiuutinik pilersitsinissat pillugu piumasaqaat paariinnarneratigut atuilluutuutissiuk
- i. at fastholde kravet om etablering af deres eget elkraftværk.
 - ii. Umiarsualivimmiit qummut takornarissanik angallassinermut angallassissutit motoorillit innaallagiartortuussapput (nipiliornikkut aniatitsinikkullu.)
 - iii. Tasersuarmi umiatsianik angallassineq innaallagissamoortunik (nipaqanngitsunik) ingerlatsiviussaaq aammalu takornarissat NUNNIUNNEQARTASSANNGILLAT, tamaallaat nipaatsumik takusassarsiorsinnaassallutik.
 - iv. Illoqarfiup centerillu akornanni angallaffissani ataasiakkaani aalajangersimasuni ukiuunerani angallassinermut nalimmassaarisunik suliaqartoqassaaq. Maanna imaappoq, naak inertequtaagaluartoq, taseq sinerlugu qaqqamullu qummut qamuterallannik angallattoqartarpoq nakkutigineqanngereersunik. Tamakku uumasoaqarneq naasoqarnerlu

annertuumik artukkertarpaat. Inunnik assartuussineq suli annertunerulerpat, immaqa centerimiit qamuterallannik attartortitsinikkut, immikkoortup uumasorqarneranut aalajangersimasunillu najugaqarfigneqarnera aserorluinnarneqassaaq.

- h. Akerliliissuterput pilersaarutini sunniteqassasoq neriutigaarput. Siunissami suut natsorsuutigissanerlugit nalunnginniassagatsigu, kommunip akissuteqarfignegaatigut naatsorsuutigaarput.

Allaffeqarfiup oqaaseqaatai:

- a. Immikkoortumi pinngortitami sunniteqanngitsumik annertuumik takornarissanut atortulersuutini pilersitsinissaq periarfissaqanngilaq. Taamaattorli immikkoortumik innuttaasut atuisinnaanerannut pilersaarutikkut aporfigiilisoqanngilaq, illuatungaatigut innuttaasut sisorarnermik timersorsinnaaneranut il.il. periarfissanik nutaanik periarfissiisoqarpoq aammalu innuttaasut akornuteqanngitsumik immikkoortumut ornigussinnaapput.
- b. Sisimiunut angalanissamut ingerlaarfissat pillugit pilersaarutitut biilnut inissiisarfiit naapertuupput, taamaattorli Sisimiunut angalanissamut ingerlaarfissat suli paasineqanngillat, kingusinnerusukkullu kommunip pilersaarusioneqarnerani tapiliussami nutaami suliarineqassallutik, tamanna kommunalbestyrelsimit salliutinneqarnissaa kissaatigineqarpat.
- c. Kommunnip pilersaarusioneqarnerani tapiliussakkut Tasersuup sinaa/kangiatungaa ilanngunneqanngilaq, taamaattumik Tasersuup kangimut sinaa sinerlugu immikkut akuersissutaatilik (oqqisarfinnik)jilluaqqanik pilersitsisinnaanngilaq. Illuaqqat oqquiffissat 957-L5.3-imut killeqartinneqarput
- d. Illuaraq pineqartoq kommunip pilersaarusioneqarnerani tapiliussap avataani inissisimavoq taamaattumillu siunnersuummi nunap assingini ilanngunneqarnikuunani. Tapiliussatut pilersaarutip nunataa soorunami sammisanik sunnerneqarsinnaammat, inaarutaasumik pilersaarummi illuaraq allanneqassaaq.
- e. Kommunnip angallassinermut maleruaqqusaa Tasersuup kimmut sinaa sinerlugu Kangerluarsuk Ungallermut qamuterallannik angalasinnaanermut periarfissiivoq. Assinganik kommunip pilersaarusioneqarnerani tapiliussami matumani imaatigut angallassissutit motorillit pillugit apeqqummik ilanngussaqqanngilaq. Taamaalluni immikkoortumi motorilinnik angallassissutinik umiatsianillu benzinatortunik atorunnaariartortitsineq allamut atatillugu suliarineqartariaqarpoq.
- f. Oqaasertaliussaq "takornariaqarnermik suliaqarnermik ingerlatsinermik akornutaanngitsumik naatsorsuuteqarluni najugaqavissut immikkoortumik atuinerat ingerlaannarsinnaavoq" kommunip pilersaarusioneqarneranit peerneqarnissaa siunnersuutigineqarpoq. Oqaasertaliussap annertunerusumik nunaminertami majuartaatiniq nunaajusinnaasunut eqqarsaataanerunikuuvoq.
- g. Tasersuarmi motorilinnik angallassisutilinnik imaatigut angalanermik qamuterallannillu angalasarneq pioreerpoq, aammalu siunissami angallassinermut umiatsiat qamuterallaalluunniit innaallagiartortunik killilersuinikkut maannakkut atuinermi killilersuinissaq eqqarsaataanikuunngilaq.
- Allaffeqarfiup siunnersuutigaa, pilersaarutip allassimanerani iluarsisuteqartoqassasoq, taamaalluni oqaasertaliussat paatsoorneqarsinnaasut nalimmassarneqarlutik.

8. Ukiuni 30-ni atuisuusimaneq tunngavigalugu, John Plambek-imit oqaaseqaatit

- a. immikkoortoq immikkuullarissuuvoq, kinguaassanullu eqqissisimatinnegartariaqarluni
 - b. uumasut arlaqartut nikerartarnerisa takutippaat, immikkoortumi annertuumik takornariaqalerualarpat uumasut immikkoortumukartartut annikillerujussuassasut
 - c. nunaqavissut immikkoortumik sukisaarsaarfimmik tikikkuminartumik annaasaqassasut
 - d. siunnersuut kommunalbestyrelsimit taamaatinneqassasoq neriutigaa Allaffeqarfimmit maluginiarneqarpoq, oqaaseqaatit Per Nørgaard-ip kiisalu Helle aamma Amasa Olsen-ip oqaaseqaataanut assingusut.
9. Makkak Lund Kleist qulinik ukiulik tullinnguuttutigut oqaaseqaateqarpoq
- a. illuaratta eqqaani sanaartortoqarnissaa iluarinngilarput, illuaraqarfiunngitsumilu sanaartortoqarnissaa kissaatiginerullugu, nammineq illuarartik nuannarigamiuk eqqaanilu sanaartortoqassappat iluarinagu. Soorluttaaq allat illuaraatimi eqqaani sanaartortoqassagaluarpat iluarinaviannigikkaat Allaffeqarfimmit maluginiarneqarpoq, oqaaseqaatit Per Nørgaard-ip, John Plambek-ip kiisalu Helle aamma Amasa Olsen-ip oqaaseqaataanut assingusut.
10. Ungalleq-mik atuisut 116-it missaanik amerlassusillit takinerusumik akerliliinermik, siunnersuutitaqartumik kiisalu kommunip pilersaarusiorfigineqarneranut tapiliussami kukkusumik imaluunniit amigartumik paasissutissiinernik arlaqartunik taakkartuisumik nassiussippat
- a. Akerliliissut uani allanneqassanngilaq, Per Nørgaard-ip kiisalu Helle aamma Amasa Olsen-ip akerliliinerinut annerpaartaa assingummat, taakkulu siuliani allanneqarlutik, tamatumalu saniatigut immikkoortup annertussusaanut, maannakkut atuisunut, illuaqqanik piginnittunut, pinngortitamut kiisalu uumasunut pitsaanngitsumik kinguneqarnissai pineqarlutik. Tamatuma saniatigut innuttaasunik ataatsimiisitsinermi amigartumik paasissutissiineq, oqallinnissamut piffissap killeqarnera kiisalu kommunip nittartagaani siunnersuummut paasiuminarsarnissaanik amigaateqarnerit erseqqissarneqarput.
 - b. Taakkulu allannguutissatut pingasunik siunnersuuteqarput
 - i. Apussuit annertusarneqassasoq/pilerseqqinneqassasoq, immikkoortumi atortulersuutit pigineqareermata, annertunerummat kiisalu aputeqarnissaa qularnannginnerummat.
 - ii. uumasuusivik Sisimiut eqqaanut inissinneqassasoq, taamaalilluni illoqarfimmit innuttaasunit takornarissaniillu atorluarneqarnerusinnaassalluni
 - iii. annertussusaanik annikillilineq, suliniullu atuilluartuunerulersillugu, soorlu innaallagissamik ingerlatsilinnik assartuutininik atuneq
 - c. Atuisoqatigiit paasissutissanik kukkusunik amigartunilluunniit taakkartuinerat:
 - i. Qupperneq 6: Innaallagissamut pilersuinerummut aqqutit sinerlugit sanaartornermi aqqut pioreersuunngilaq, pilersitaaqqitaavorli
 - ii. Qupperneq 7-8: Nunap assingani tunngavigisani illuaqqat amigarput ilaallu kukkusumik inissitaallutik
 - iii. Qupperneq 10: Qissattarluni aalisartitsinerup kiisalu uumasuusivimmut akuersissuteqarnissamut oqaasertaliussamut, najugaqavissut takornariaqartitsivimmut akornusersuinnginnissaat ajornartorsiortitsivoq

- iv. Qupperneq 14: Sisimiunut qamutunut motorilinnut tamanut ingerlavissiaq takutinneqanngilaq
- v. Qupperneq 15: Takornarissat centerimut imermik pilersuisussatut taseq kukkusumik titartarneqarpoq, pisariaqartinneqartumullu naammattumik annertussuseqartuunani
- vi. Qupperneq 18: Nunap assingini qanganitsat eriagisassat tamakkerlugit titartarneqanngillat
- vii. Qupperneq 22: Akuersissutinik piginnittunut illuaqqanut pilersaarut nutaaq kisimi atuutissava?
- viii. Qupperneq 29: Oqaaseqaasiorneq immikkoortumi annertuumi illuaralorsinnaanermik akornusiivoq
- ix. Qupperneq 37: 10.000 m²-imik annertutigisumik sanaartorneq immikkoortumut aseruineruvoq
- x. Qupperneq 39: Illuaqqanik eqqartuineq amigaataavoq
- xi. Qupperneq 51: Pisuinnaat aqquataannut kiisalu qullernut illinernut killilersuineq amigaataavoq
- xii. Qupperneq 52: Biilinet inissiisarfit amerlassusaat tupiginarput

Per Nørgaard-ip kiisalu Helle aamma Amasa Olsen-ip oqaaseqaataanut allaffeqarfiup oqaaseqaatigisami saniatigut akerliliisummut oqaaseqaatissaqanngilaq. Siunnersuutitut pingasunut atatillugu, sermimi ataatsimi ineriartortitsineq imaangilaq sermimi allami ineriartortitsisoqarsinnaanngitsaq. Ukiut arlallit ingerlanerini takornarissanut centerip kiisalu uumasuusiup inissinneqarnissaa ineriartortinneqarnikuuvoq, pilersitsisullu isumaqarput, aningaasaleerusuttunik orniginarsaaniarnermi suliniut ataatsimoorussa q annertuujusariaqartoq. Atuisooqatigiit paasissutissanut kukkusutut amigaataasutulluunniit taakkartuineranni allaffeqarfik tullinnguuttutigut oqaaseqaatissaqarpoq:

- i. Nukissiorfinniit taakkartorneqartutuulli innaallagissamut pilersuinermut aqquutit sinerlugit sanaartornermi aqqusineq pilerseqqinneqartoq inaarutaasumik kommunip pilersaarusiorneqarneranut tapiliussami allassimasariaqartoq
- ii. Kommunip pilersaarusiornifigineqarneranut tapiliussap iluani taamaallaat illuaqqat ilanngunneqarput, Tasersuarli sinerlugu illuaraq kiisalu kukkusumik inissiinerit iluarsineqassapput
- iii. Takornarissat pingaernerutinneqarnissaanik oqaaseqaat inaarutaasumik kommunip pilersaarusiornifigineqarneranut tapiliussamit peerneqartariaqarpoq, soorlutaaq Helle aamma Amasa-p oqaaseqaateqarfigigaat
- iv. Sisimiunut ingerlavissiasaq suli erseqqissarneqanngilaq, kommunalbestyrelsimiillu tamanna kingusinnerusukkut pingaernerutinneqarnissaa kissaatigineqarpat, kommunip pilersaarusiornifigineqarneranut tapiliussaani nutaami isumagineqassaaq
- v. Imermik pilersuineq akuersissummik piginnittunit akisussaaffiusussaavoq, tatsimilu pineqartumi imeq naammangippat, allatigut imermik pilersuinermik qulakkeeriniartariaqassalluni
- vi. Nunap assinganit titartorneqartuniit, qanganitsat eriagisassat nalinginnaasumik amerlanerupput. Sanaartornermik suliniuteqarnerni, qanganitsat eriagisassat suli nalunaarsorneqanngitsut aamma illersorneqartussaapput.
- vii. Illuaqqanut pilersaarut novembarimi ataatsimiinnermi saqqummiunneqartussami, akuersissutinik piginnittunut kisimi tunnganani,

- aammali innuttaasunut, piniartunut takornarialerusunullu nalinginnaasumik sammiveqartussaavoq.
- viii. Kommunimut tamarmut illuaqqanut pilersaarut nutaaq, immikkoortuni arlaqartuni illuaraliorinnaanermik ammaassisuussaaq, matumanilu immikkoortumi kommunalbestyrelsimiit akuersissutigineqassappat
 - ix. Tamatumunnga allaffeqarfik allamik oqaaseqaatissaqanngilaq
 - x. Qupperneq 39-mi illuaqqat eqqartorneqarput, taamaattumillu isornartorsiineq eqqortuunngilaq
 - xi. Pisuinnaaq aqputaat qullernullu illinernit K-immikkoortumi taakkartorneqartuni inissineqassapput, killilersugaareerlutillu
 - xii. Sisimiunut ingerlavissatut naatsorsuutigineqartoq patsisaalluni, biilinut inissiivissat taamatut isikkoqarput, taamaalillutik angallatigisat Sisimiunut takonarissanullu centerimut utertarsinnaassallutik

Atuilluartuunissakkut kingunerisinnaasai

Akuersissutinik neqerooruteqarneq Nunatsinni takornariaqarnermut ineriartortitsinermit peqataassaaq aammalu inuutissarsiutinik aningaasaqarnikkut atuilluartunut tapertaassalluni. Ilutigitillugu takornariaqarnermut akuersissutinik neqeroorutaanikuni pingaartinneqarpoq, sammisat tamarmik atuilluartuunermik tunngaveqarnissaat, tamatumani pinngortitaq ajortumik sunnerneqassanani. Taamaaliornikkut imermik mingunnikumik kuutsitsineq, eqqagassat assigisaallu aqunneqarnissaat qulakkeerneqassaaq. Nunaminertani akuersissutinik neqerooruteqarnermi sumiiffimmi najugallit akuutinneqarnissaat pingaartinneqarpoq, taamaaliornikkut sumiiffimmi suliffissanik amerlanerusunik pilersitsisoqarluni.

Aningaasaqarnikkut allaffissornikkullu kingunerisinnaasai

Akunnerit 150-it missaaniittut allaffissornikkut suliffissat eqqaassanngikkaanni, pilersaarummik siunnersuusiornermi Qeqqata Kommunianut toqqaannartumik aningaasaqarnikkut allaffissornikkullu kinguneqassanngilaq. Nunaminertani akuersissuteqarfiusuni atortulersuutit pilersinneqartussat, akuersissummik pigisaqartut ataasiakkaat suliniuteqarnerisigut pilersinneqassapput. Aallaavigisag tassaavoq, takonarissanut sammisassat sumiiffinni najugalinnut suliffissanik akileraarutigullu isaatitassanik nutaanik pilersitsinissaat.

Neqeroortitsinermit atortussat nassiussuunneqarpata, suliffeqarfiit Kalaallit Nunaanni nalunaarsorsimasut kikkulluunniit akuersissutinik qinnuteqarsinnaapput. Tamanna isumaqarpoq, takornarialerisut nunani allamiuugunik, sumiiffimmi akunnermuttulerlutik akuersissummik qinnuteqarsinnaapput.

Allaffeqarfiup naliliinera

Allaffeqarfiup nalilerpaa, kommunip pilersaarusiortifigineqarnerani tapiliussaq una Aqqutikiitsumi aamma Ungalliup Qaqa-ni takonarissanut immikkut akuersissutinik neqerooruteqartitsinissamik pitsaasunik sinaakkusiisoq.

Takonarissanut centerimik nutaamik pilersitsineq, Kalaallit Nunaata inuussutissarsiornermut tunngavigisap ilaattut pingaarutilittut takornariaqarnermik annertussaanermik naqissusiinerusutut isigineqarsinnaavoq.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2018 ataatsimiinnermini suliaq sularivaa,

Innuttaasunut paasititsiniaanissaq pisariaqartoq oqaatigineqarpoq.

Innersuussutigineqartoq akuerineqarpoq.

Innersuussut

Aningaasaqarnermut ataatsimiititaliap Kommunalbestyrelsimut akuerisassanngorlugu innersuussutigaa,

-kommunip pilersaaruserfigineqarnerani tapiliussaq nr. 55 inaarutaasumik akuersissutigineqassasoq, tamannalu tamanut nalunaarutigineqassasoq

-allaffeqarfiup siuliani oqaaseqaatai naapertorlugit kommunip pilersaaruserfigineqarnerani tapiliussami oqaasertaq, nunallu assingi ilanngussat iluarsissuteqarfigineqassasut

Aalajangiineq

Innersuussutigineqartut akuersissitigineqarput.

Ilanngussat

1. Aqqutikitsumi aamma Ungalliup Qaqqaanii takornarissanut nunaminertanut immikkut akuerineqarnissamut kommunip pilersaaruserfigineqarnerani tapiliussaq nr. 55.
2. Akerliliissutit

**Imm. 06 Kangerlussuup Sisimiullu akornanni aqqusineq sinerlugu unnuisarfissat
illuaraqarfissallu pillugit kommunip pilersaarusionorfineqarneranut tapiliussaq
nr. 58-issatut siunnersuut**

Journalnr. 16.03.01.01

Tunuliaqutaq

Kangerlussuup Sisimiullu akornanni aqqusineq sinerlugu unnuisarfinnik illuaqqanillu sanaartornissamut periarfissanik ujartuisoqaaluppoq. Aqqusineqalerpat unnuisarfinnut aningaasaliinissartik kissaatigalugu, takornarialerisut arlaqartut oqaatigaat. Pinngortitarsuaq alutornavissoq, Unesco-qarfimmullu ”Aasivissuit – Nipisat”-nut takornarissat soqutiginnillu arnerat aallaaviuvoq. Takornarissat tamarmik pitsaasumik misigisaqarnissaat qulakkeersinnaaqqullugu, Arctic Circle Trail sinerlugu unnuisarfiit piusut, nutaanik pitsaanerusunillu ilaneqartariaqarput.

Maleruagasatigut tunngavissat

Pilersaarusionerq aamma nunaminertat atornerqartarnerat pillugu Inatsisartut inatsisaat nr. 17, 17. novembari 2010-imeersoq, inatsimmut allannguutit ilanngullugit naapertorlugit kommunip pilersaarusionorfineqarneranut tapiliussaq suliarineqarpoq.

Pissutsit atuuttut

Kommunip pilersaarusionorfineqarneranut tapiliussaq una, sumiiffinnut immikkoortinneqareersunut tapertatut isigineqassaaq, aqqusinerlu sinerlugu illuaraq / unnuisarfik illuaqqanik mikinerusunik ilalik kiisalu Kangerlussuup Sisimiullu akornanni aqqusineq sinerlugu unnuisarfinnik anginerusunik pingasunik ilalik, kommunip pilersaarusionorfineqarneranut tapiliussami assiliartalerneqarpoq. Kangerlussuarmi Kelly Ville-p eqqaani Mt. Evans-imi, Aqquataa qeqqani unnuisarfik, aammalu Kangerluarsuk Tulliullu qinnguani unnuisarfik. Unnuisarfiit kingullertut taaneqartut marluk pilersaarummi matumani ilaatinneqarput, Mt. Evans-imilu unnuisarfik immikkut pilersaarusionorfineqassalluni.

Takornarialerinerup ineriartortinneqarnissaani Kangerlussuup Sisimiullu akornanni aqquserngup pingaaruteqassusia naqissuserumallugu, Unesco-qarfik minillugu aqqusineq sinerlugu aqquserngup illuatungiini immikkoortoq L-imik taaneqarluni sukisaarsaartarfik 957-L6-itut taaneqarluni 2 kilometerinik isorartutigisoq immikkoortinneqarpoq. Immikkoortoq L sukisaarsaartarfinnut immikkoortitsinerni atornerqartarpoq, kommunillu pilersaarusionorfineqarnerani tapiliussatigut ersarinnerumik isummertoqareertillugu sammisassanik pilersitsiviusinnaasarluni.

Kommunip pilersaarusionorfineqarneranut tapiliussaq una aqqutigalugu, aqqusineq sinerlugu sumiiffinni arfineq-marluusuni takornarialerinerumi atugassarititaasunik ineriartortitsinissaq periarfissiissutigineqarpoq. Tammajuitsussarsitsinialuni piniariartitsisarnernut, eqalunniartitsisarnernullu immikkut akuersissuteqarnermi illuaqqiornissamut periarfissat assigalugit, sumiiffinni tallimani katillugu 360 m²-i tikillugu annertutigisumi illuaqqat pineqarput. Aqquataa qeqqani unnuisarfimmik 2000 m²-inik marlunnik kiisalu Kangerluarsuk Tullermi unnuisarfimmik 2000 m²-i tikillugu angitigisumik sanaartortoqarsinnaanissaa anguniagaavoq.

Sumiiffiit arfineq-marluk tassaapput:

1. Tasersuup kangimut naqqani illuaqqat.
2. Tasersuup qeqqani illuaqqat.
3. Tasersuup kitaa-tungaani Aqquataa qeqqani unnuisarfik

4. Itinnermi illuaqqat
5. Innajuattumi illuaqqat
6. Nerummami illuaqqat
7. Kangerluarsuk Tullermi piniartut illuaraata avannamut-kangiatungaani unnuisarfik.

Illuaqqanut sumiiffinni taakkunani tallimaasuni marluk Unesco-qarfiup iluaniipput, ilaatigut Itinnermi illuaqqamut piusumut atatillugu, ilaatigullu Tasersuup kangia-tungaani naqqani illuaraqarfiunngitsumi. Sinerissami ukii vinnit Aasivissuarni aavartarfimmu Inuit ingerlaarfisarsimasaannik innuttaasut takornarissallu misigerusullugu misigisassarsiortut unnuiffissaqarnissaasa qulakkeerneqarnissaa anguniagaavoq. Illuaqqat inissisimaffiinit Unesco-qarfik ilaatigut killilimmik takuneqarsinnaanissaa anguniarneqarpoq.

Aqqutaata qeqqani unnuisarfii (annerpaamik marluk) marlunnik quleriilimmit portunerussanngitsut, unnuisarfiillu saqqai tatsip tungaanut 100 meterinik qaninnerussanngitsut piumasagaataassaaq. Imaappoq, unnuisarfik 380 meterinik portutigissaguni, tatsip tungaanut isikkiveqaraluarluni, tatsip tungaanit tamakkerluni takuneqarsinnaassanngilaq.

Sumiiffinni 4-6-imi, Arctic Circle Trail-imut atatillugu illuaqqaasimasunut atatillugu illuaqqiortoqarnissaa pineqarpoq. Sisimiuni Erngup nukinga atorlugu nukissiorfimmu imermik pilersuinerup pitsannorsarneqarnissaanut atatillugu Itinnerup aamma Innajuattup avannaa-tungaani tatsini sanaartorfiit akornanni, Innajuattumi illuaqqamut aqquteqareerpoq.

Kangerlussuup Sisimiullu akornanni aqqusinissaq kiisalu unnuisarfinnut illuaraqarfinnullu assigiinngitsunut aqutissat pisortanit aningaasaliiffiqineqassasut kommunip pilersaarusiorfigineqarneranut tapiliussatigut anguniarneqarpoq. Sumiiffik 3-mi 7-imilu 100 meterip 1,3 kilometerillu akornanni, katillugu 3 kilometerit missaanni takitigissapput. Aqquserngit asfaltigaassanngillat.

Aqqutaata qeqqani unnuisarfii eqqaanni pisortat aqqusiniutaatigut Tasersuarmut isikkiveqassaaq, ilutigalugulu unnuisarfinnut kiisalu Kangerluarsuk Tullermi pisortat aqqusiniutaat, Kangerluarsuk Tulliup avannaa-tungaani illuaqqanut Aqqutikitsumullu aqquteqassalluni.

Atuilluartuunissakkut kingunerisinnaasai

Illuaraqarfinni unnuisarfeqarfinnilu innaallagissamik kissamillu pilersuinissami, ataavartumik nukissiuutit atorneqarsinnaassapput. Taamaalilluni seqinisaatit assigisaallu ikkussorneqarsinnaassapput, illuaqqallu ussissarluasimappata oqorsarluasimappatalu nukinnik atuneq annikillisinneqarsinnaassalluni.

Takornarialerisut soqtiginartunik nutaanik unnuisarfiliortitsisinnaalernissaat kiisalu isertitaqartarnermi tunngaviit, akileraarutitigullu isertitat pitsannorsarlugit Qeqqata Kommunianut Kalaallit Nunaannullu tamarmut iluaqutaasussamik takornarialerineri isertitaqarnissap suliaasaqartitsinissallu qulakkeerneqarnissaanni periarfissat nutaat, kommunip pilersaarusiorfigineqarneranut tapiliussatigut periarfissaalissaaq.

Aningaasaqarnikkut allaffissornikkullu kingunerisinnaasai

Kangerlussuup Sisimiullu akornanni aqqusiniassap aningaasaliiffiqineqarnerata atorluarneqarnissaa, kommunip pilersaarusiorfigineqarneranut tapiliussatigut periarfissaqalissaaq. Aqquserngit asfalterneqartussaannngitsut 2 aamma 3 mio. koruunit akornanni akeqassanngatinnearput.

Allaffeqarfiup naliliinera

Allaffeqarfiup nalilerpaa, Kangerlussuup Sisimiullu akornanni aqqusineq sinerlugu takornarialerinerup ineriartortinneqarnissaanut tapertaliullugu soqutiginarfik unnuisarfinnik illuaqqanillu sanaartortoqarsinnaanissaanut pilersaarut tunngavissisinnaasoq.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2018 ataatsimiinnermini suliaq sularivaa, innersuussullu akueralugu.

Innersuussut

Aningaasaqarnermut ataatsimiititaliap innersuussutigaa,

-Kommunip pilersaarusiortifigineqarneranut tapiliussaq nr. 58-ssatut siunnersuut kommunalbestyrelsimiit akuerineqareerpat, sapaatit akunnerini arfineq-pingasuni tamanut tusarniutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Kommunip pilersaarusiortifigineqarnerani tapiliussaq nr. 58-ssatut siunnersuut

**Imm. 07 Qeqqata Kommuniani illuaraqarfissanut kommunip
pileraaruserfigineqarneranut tapiliussaqa nr. 56-issatut siunnersuut**

Journalnr. 16.03.01.01

Tunuliaqutaq

Sunngiffimmi illuaqqanut, illuaqqanut piniariartarfinnut, illuaqqanut oqqisarfinnut kiisalu takkornarissanut illuaqqanut assigiinngitsunik angissusilinnut, takornariaqarnerup annertusarnissaanut periarfissiumalluni, innuttaasut pilersitsinissamut periarfissanik ujartuinerisa kingunerisaanik, pilersaarut una suliarineqarpoq.

Takornarialerinerimmi periarfissat, innuttaasullu pinngortitamik atuinissamut periarfissaasa annertusineqarnissaat anguniarneqarmat, 2018-imut Pileraaruseriornermi periusissiamut naapertuulluinnarpoq.

Maleruagasatigut tunngavissat

Pileraaruseriorneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq, inatsimmut allannguutit ilanngullugit naapertorlugit kommunip pileraaruserfigineqarneranut tapiliussaqa suliarineqarpoq.

Pissutsit atuuttut

Kommunip pileraaruserfigineqarneranut tapiliussami immikkoortut pineqartut, kommunimi tamarmi inissisimasuupput, immikkoortullu ilaamerngi ilanngunnagit kangerluit sinerlugit sunngiffimmi illuaraqarfiit immikkoortinneqareersut ilaallutik.

Kommunip pileraaruserfigineqarnerani tapiliussami immikkoortut tullinnguuttutigut immikkoortiterneqarput:

- A: Illuaqqat 30-60 meterinik akunnikkaarlutik illuaraqarfiit, sumiinneri erseqqissarneqarlutik
- i) Nunaqarfik inuerunnikoq Assagutaq, kiisalu kommunip kangiatungaani nunaqarfiit inuerunnikut sisamat, [Narsarsuk](#), [Timerliit](#), [Appamiut](#), [Qerqartarmiut](#), [Kangerluarsuk](#), [Ikerasak aamma Toqqusaq](#)
 - ii) Tatsip Ataa, Angajortarfik, Arnangernut Qoorua

B: Illuaqqat minnerpaamik 60 meterinik akunneqarlutik illuaraqarfiit

- i) Illuaraqarfiit pioreersut
- ii) Itillip, Napasup, Atammiup kiisalu Maniitsup eqqaani illuaraqarfiit nutaat

C: Illuaqqat minnerpaamik 1 km.-imik akunnillit

- i) Sineriak sinerlugu, siusinnerusukkut illuaraqarfiunngitsut
- ii) Sineriap qanittuani UNESCO-qarfik, siusinnerusukkut illuaraqarfiit akulikitsut ilanngullugit
- iii) Sermersuaq kiisalu Sisimiut eqqaani qatsissuni, soorlu Tasersuaq Kangerluarsuk Tulleq Ungalliullu akorngi

D: Illuaqqat minnerpaamik 5 km.-imik akunnillit

- i) Kangerlussuup kangiatungaani sermersuaq, soorlu tammajuitsussarsiniarluni piniariartitsiviit kiisalu qissattarluni eqalunniartitsiviit.
- ii) Maniitsup timaatungaani sermersuaq
- iii) Sinerissami qatsissuni, soorlu Isortup Nassuttuullu akornanni, soorlu sisorartitsisarfiit.

E: Illuaraqarfiunngitsoq

i) Masarsoqarfik

ii) Tuttut piaqqiorfii

iii) Immikkoortut aatsitassanik paaavissatut nalunaarutigineqartut, Olivin-imik kiisalu Anorthorsit-imik paaaviit.

iv) Illoqarfiup nunaqarfiullu killeqarfia, imeqarfinnut killeqarfiit kiisalu mittarfeqarfinnut killeqarfiit.

v) Immikkoortut L-iusut. Immikkoortortat immikkut sukisaarsarfittut siunertanut immikkoortinneqartut, immikkuualuttumik pilersaarusionermermi illuaraqarfittut/hotel-inut sanaartorfissatut il.il. pilersaarusionermermi qarsinnaasut.

vi) Itinnerup kangiatungaani sersuarmi Unesco-qarfik, KPT 58 naapertorlugu Tasersuup kangiatungaani illuaraqarfissatut pilersaarut kiisalu maannakkut siunissamilu tammajuitsussarsititsiniarluni piniariartitsivimmuut atatillugu illuarassat ataasiakkaat minillugit.

vii) Erngup nukissiorfiliassanut sulisanaartorneqanngitsunut kiisalu attaviit ingerlavissaanut immikkoortortat immikkoortinneqartut.

viii) Sermit sersuarlu

ix) Pingaarnertut Unesco-qarfimmit 1 km.-isut ungasissusilerlugu killilersukkap iluani, Sarfannguit ilanngunagu.

x) Kalaallit Nunaani Nerlerup qasuersaartarfiani Itinnermit 1 km.-isut ungasissusilerlugu killilersukkap iluani. (Maajimi Kalaallit Nunaanni Nerleq Itinnermi nerisarsiorparpoq) Killeqarfiup iluani maannakkut kommunip illuaraataata eqqaani taamaallaat illuaqqat akuerineqarsinnaapput.

xi) Nunatat eqqissisimatitat. Arnangarnut Qooruata ilaa eqqissisimatitaq.

Unesco-qarfimmut atatillugu nunap timaata allanngutsaaliornissaa eqqarsaatigalugu illersorneqarnissaa sammeneqarpoq, kangerlunnili sineriak sinerlugu illuaqqanik pilersitsinissaq, piniartarnerup kulturianik nalinginnaasumik ineriartornertut isigineqarluni.

Kommunip pilersaarusionermermi tapiliussatigut, innuttaasut pinngortitamik atuisinnaanissaat periarfissiniarlugu kiisalu nunatta pissarititaanik atuilluartissinnaaniarlugit periarfissiisoqarpoq.

Immikkoortortap inuilaatut pingaarnertut isigineqarnerata piutiinnarnissaa qulakkeerniarlugu, illuaqqat siammatinniarneqarput. Naatsorsuutigineqarpoq, arlaatigut angalanermermi illuaqqat ataasiakkaarlugit taamaallaat takuneqartarumaartut.

Pilersaarutitigut illuaqqat annerpaamik 80 m²-isut annertutigisut sanaartorneqartassasut, takornarissanullu illuaqqat 3 x 120 m²-iunissaat imaluunniit ataatsimoortillugit 360 m²-isut annertutigisunik sanaartortoqarsinnaalluni, taakkulu takornarialerinnermut siunertaqartumik akuersissutitigut tammajuitsussarsiniarluni piniartitsisarnermut aammalu qissattarluni eqalunniartitsinnermut attuumassuteqartumik sanaartorneqassallutik. Assigiinngissutaanut tunngaviliunneqarpoq, takornarissanut illuaqqanik sanaartorneq imminut akilersinnaanerusariaqarneranut, nunaminertap annertussusaa aalajangersimasuusariaqartoq.

Imerk, imermik mingunnikumik kuutsitsineq, innaallagissamik il.il. pilersuineq immikkut atortulersuusarinnermut pilersinneqarnissaa piumasagaataavoq, tassa sanaartukkanut ataasiakkaanut imaluunniit sanatsisut namminersortut pilersuinnermut aqqissuussamut ataatsimoorussamut qanoq

isumaqatigiissinnaanerat apeqqaalluni. Pisuni tamani nunaminertamik akuersissuteqarnermi, aaqqiissutit toqqarneqartut akuersissutigineqartassapput.

Kangerlutsigut angallatit atorlugit, qimussimik imaluunniit nunaannarmi ingerlavissat pillugit ileqqoreqqusatigut periarfissiiffiusuni, qamuterallannik imaluunniit aqqusinniorfigisimasatigut illuaqqanut pingaarnertut appakaaffissaasinnaassaaq. Immikkoortortat sinnerinut qulimiguullit, suluusalimmik nunap nammineq ilusilersugaanut miffissalimmik imaluunniit timmisartunik tatsini missinnaasunik taamaallaat tikinneqarsinnaassapput.

Atuilluartuunissakkut kingunerisinnaasai

Kommunip pilersarusiorfigineqarnerani tapiliussatigut erseqqissaatigineqarpoq, illuaqqanik ingerlatsinikkut qanoq innikkut sunilluunniit mingutsitsisoqassanngitsoq aammalu nukissiutunik ataavartunik sapinngisamik aaqqiissutunik atuisoqassasoq.

Kommunip pilersarusiorfigineqarnerani tapiliussami matumani takornariaqarnikkut nukittorsaanissamik periarfissiisoqarnissaa naatsorsuutigineqarpoq, illuaqqanik attartortitsinnaanermik periarfissiilluni kiisalu takornarissanut nipaalluinnartumik pinngortitamillu alutornavissorsuarmik misigisaqarusuttunut illuaqqanik pilersitsisinnaanissamik periarfissiissasoq.

Aningaasaqarnikkut allaffissornikkullu kingunerisinnaasai

Sanaartorfigissaanissamut aningaasartuutissat eqqartorneqassanngillaq, kommunip pilersarusiorfigineqarnerani tapiliussami killiliussat iluini, illuaqqanik pilersitsiniarnermi aningaasartuutaasinnaasut suilluunniit sanatitsisunit ataasiakkaanit nammineq akilerneqartussaammata.

Allaffisorneq eqqarsaatigalugu nunaminertanik atugassiinermut atatillugu sulinerulertoqarnissaa naatsorsuutigineqanngilaq, siullermik nunaminertanik aalajangiinissamut nunap assingani erseqqarissumik aalajangiinissamut maannakkutuulli ajornartorsiuteqarpoq, ukiunili tulliuttuni pingasuni-tallimani Kalaallit Nunaata nutaamik nunap assilineqarneratigut, nunaminertanik aalajangiinissaq erseqqarinnerulersittussaavaa.

Nunaminertanik atugassiisarnermi allaffissorneq eqaannerutinniarlugu, nunaminertamik atugassiinermi quimut 15 m²-isut, aneerasaartarfimmut 15 m²-isut kiisalu manisivimmut 15 m²-isut annertutigisunik akuersissutunik tunniussisoqartassaaq. Takornarissanut katillugit 360 m²-isut annertutigisumik illuaraliornissamut, quimut 45 m²-isut kiisalu aneerasaartarfimmik 45 m²-isut annertutigisumik tunniussisoqartassaaq.

Allaffeqarfiup naliliinera

Allaffeqarfik naliliivoq, illuaqqanik sanaartornissamut, tamatumalu saniatigut takornarialerinerimik inuutissarsiutip nutaamik periarfissinnissaanut pilersaarutitigut, innuttaasut ujartuinerinik atuutilersitsinissamut pilersaarut pitsaasumik naammattumillu tunngaviliisoq.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2018 ataatsimiinnermini suliaq sularivaa, innersuussullu akueralugu.

Innersuussut

Aningaasaqarnermut ataatsimiititaliap kommunalbestyrelsimut innersuussutigaa,

-Kommunip pilersaaruserfigineqarneranut tapiliussaq nr. 56-issatut siunnersuut aningaasaqarnermut ataatsimiititaliamit kommunalbestyrelsimiillu akuerineqareerpat, sapaatit akunnerini arfineq-pingasuni tamanut tusarniutigineqassasoq

Aalajangiineq

Aaliangiunneqarpoq minnerpaamik 1 aamma 5 km.-imik ungasissuseqartussani illuaraqareersut illuaraatimi saniani illuaqqioqqissinnaanerat periarfissaassasoq.

Aammalu misissorneqassasoq immamiit minnerpaamik 100m-imik illuaqqat qutsissuseqarnissaat sumit aallaaveqarnerasoq.

Ilanngussat

1. Kommunip pilersaaruserfigineqarnerani tapiliussaq nr. 56-issatut siunnersuut

Imm. 08 Qeqqata Kommunanut illoqarfittut ikinngutigisat

Journalnr. 00.07.01

Tunuliaqutaq

Kommunalbestyrelsen ilaasortap Ruth Heilmann-ip Esbjerg-ip illoqarfittut ikinngutigisatut pilerseqqinneqarnissaa pillugu apeqquteqaateqarluni, Kommunalbestyrelsen oqaluuserisassanngortitsivoq. Illoqarfittut ikinngutigisanik annertunerusumik suleqatigiinnissamik siunertaqartumik, suliaq Aningaasaqarnermut ataatsimiititaliamut suliaassanngortitsilluni ingerlateqqinneqarpoq.

Maleruagassanut tunngavissat

Illoqarfittut ikinngutigisatut isumaqatigiissuteqarfigineqartut pioreersut tassaapput, Albertslund Kommune, Skagen Kommune-usimasoq (maannakkut Frederikshavn Kommune, Klaksvig Kommune, Qaanaaq Kommune (Avanersuup Kommunianut) aamma Eqaqut, Canada. Esbjerg-imut kiisalu Fjardabygd Kommuninut illoqarfittut ikinngutigisatut isumaqatigiissuteqarfigineqanngillat.

Pissutsit atuuttut

Ullumikkut kommuninut arfineq-marlunnut illoqarfittut ikinngutigisatut isumaqatigiissuteqarpoq. Isumaqatigiissutit ilaat allakkatigut isumaqatigiissutaapput, ilaallu oqaasiinnakkut isumaqatigiissutaallutik. 2009-mi februaarip 25-ani Qeqqata Kommuniata illoqarfittut ikinngutigisat pillugit Kommunalbestyrelsen suliamik ingerlatsisoqarpoq, illoqarfittut ikinngutigisat tassaapput:

Sisimiut

Albertslund, Danmark
Skagen, Danmark
Klaksvig, Færøerne
Qaanaaq, Kalaallit Nunaat
Iqaqut, Nunavut

Maniitsoq

Esbjerg, Danmark
Fjardabygd, Island

Kommunalbestyrelsen ulloq septemberip 25-at 2014 suliaaraa Holstebro Kangaamiumit nunaqarfittut ikinngutaasimagaluartoq, Danmark-imili kommunit kattussuunnerisa kingorna tamanna atorunnaarsinneqarluni. Aammalu akuersissutigalugu Kangaamiuni nunaqarfinni aqutsisut nunaqarfittut ikinngutigisassatut allanik periarfissanik ujartuinnissamat, tamatumalu kongorneq misissuineq aallartinneqartussanngorpoq. Island-imut attaveqarneq annertusisimanera patsisaalluni, Island eqqaaneqarpoq.

Allaffeqarfimmiit innersuussaq tassalu illoqarfittut ikinngutigisat ikilisinneqarnissaat akuersissutigineqarpoq imatut isikkoqalartussanngorlugit:

Fjardabygd (IS) – aluminiumik aatsittiveqarfik
Klaksvik (FO) – ilaatigut suleqatigiissutigineqarlutik nukissiuteqarneq atuilluarternerlu
Iqaqut (CA) – Kulturikkut inuiaqatigiillu ineriartorneranut amerikap avannaani inuit akornanni suleqatigiiffiusussatut aallaavilik.
Esbjerg (DK) – inuussutissarsiorneq qitiutinneqarluni

Albertslund (DK) – atuarfeqarnikkut kultureqarnikkullu malunnaatilimmik sammisaqarneq.

Illoqarfittut ikinngutigisatut isumaqatigiissutit ullumikkut pigineqartuni, pingaarnertut kulturikkut, ilinniartitaanikkut inuussutissarsiornikkullu attaveqarnissamut kissaatiniq isumaqatigiissutit imaqarput, minnerunngitsumillu kommuniusimasuni ikinngutigiinnikkut attaveqaatit ingerlaannarnissaat pillugu. Tamatuma kingorna illuaniit illuanut tikeraarnermik ingerlatsisoqarnikuvoq. Ukiut tamaasa Esbjerg Kommune Maniitsumut orpimmik kiisalu juullimut inuulluaqqusummik sulii nassiussisarpoq.

Kommunit kattunnerisisa kingorna kiisalu Qeqqata Kommuninngornerup kingorna, illoqarfittut ikinngutigiinnermut isumaqatigiissutiniq nutarterisoqarnikuunngilaq, taamaalilluni kommunit taaguutigisimasaatigut illoqarfittut ikinngutigiinnermik isumaqatigiissutit sulii ingerlallutik kiisalu Qeqqata Kommunianut nutarsakkanik isumaqatigiissuteqarani.

Atuilluatuunissakkut kingunerisinnaasai

Illuatungeriinnut kulturikkut attaveqatigiinnerit kiisalu isumassarsiorsinnaanerit ingerlatiinnarnissaannut, nunani allani kommuninik inuiaqatigiinnillu attaveqarneq pitsaasoq iluaqutaassaaq. Taamaaliornikkummi Qeqqata Kommunianik kiisalu kommunimi periarfissaasunik pitsaasumik paasissutissiisoqarsinnaassalluni.

Allaffissornikkut aningaasaqarnikkullu kingunerisassat

Illoqarfittut ikinngutigisatigut sammisaqarnermut aningaasartuutissat atuiffik 10-16-00-05-04-p ataani inissisimapput, 2018-imullu katillugit 87.000 koruuninik aningaasaliiffigineqarluni. 2018-imi atuiffik atuiffiusimannngilaq. Atuiffik taanna ukiuni qulini kingullerni atuiffiusimannngilaq. Ima paasillugu, kommunit kattunnerisa kingorna ukiuni qulingiluani kingullerni aningaasaqarnikkut illoqarfittut ikinngutigisatut sammisaqarnermut attuumassuteqartumik sammisaqartitsisoqarsimannngilaq.

Illoqarfittut ikinngutigisatut isumaqatigiissutinut atatillugu, aningaasaqarnikkut kingunerisinnaasat suusimanissaat ilisimaneqanngilaq, taamaattorli ullumikkut annertussusaanik misissorneqarsimannngitsunik angalanermut ineqarnermut kiisalu ilassinnittarnernut aningaasartuuteqartussaalluni. Kiisalu illoqarfittut ikinngutigisanut qanoq annertutigisumik attaveqartoqassanersoq, kommunimi politikikkikkut aammalu allaffissornikuussanersoq imaluunniit isumaginninnikkuuginnassanersoq.

Allaffissornikkut kingunerisassai tassaapput, illoqartittut ikinngutigisanut isumaqatigiissutit pioreersut suliarineri nutarsarnerilu kiisalu illoqarfittut ikinngutigisanut annertunerusumik sammisaqartitsinissamik kissaatigisaqartoqarpat, attaveqaatinik ataqatigiissaarineq.

Allaffeqarfiup naliliinera

Allaffeqarfik naliliivoq, kulturikkut isumaginninnikkullu sammisaqartitsinissamut periarfissat atorluarneqassappata, illoqarfittut ikinngutigisanik attaveqarnerup ingerlatiinnarneqarnera isumaqatigiissuteqarneralu, Qeqqata Kommuniata avataani attaveqarneranut assigiinngitsutigut pitsannorsaataassasoq. Kommunimi innuttaasunik pitsaanerusumik ilisimasaqarlualernikkut, inuussutissarsiutiniq siuarsaanissamik aamma periarfissaqarpoq, assersuutigalugu aalisarnikkut kiisalu minnerusumik nunami inuussutissarsiornikkut allatigut inuussutissarsiornikkut attaveqarnermik ineriartortitsineq.

Innersuussut

Kommunalbestyrelsen-imut innersuussutigineqarpoq:

- Kommunit illoqarfittut ikinngutigisatut isumaqatigiissutit nutaanngitsut, Qeqqata Kommuniata ingerlatiinnassaneraï pillugit eqqartuisoqassasoq,
- Illoqarfittut ikinngutigisat pioreersut illoqarfittut ikinngutigisanut isumaqatigiissutinik nutaanik suliaqartoqarsinnaaneranik Qeqqata Kommunia attaveqassanersoq pillugu eqqartuisoqassasoq.

Aalajangiineq

Immikkoortoq peerneqarpoq.

Ilanngussat

Imm. 09 Atuarfiit Pitsaassuseq pillugu 2018-imi nalunaarusiat

Journalnr. 51.00

Tunuliaqutaq

Atuarfiit ukiumoortumik pitsaassuseq pillugu nalunaarusiaminnik kommunalbestyrelsimut nassitsisarnissaat, Atuarfik pillugu Inatsisartut inatsisaat nr. 15, 3. december 2012-imeersutigut piumasaaqatigineqarpoq. Pitsaassuseq pillugu nalunaarusiornissamut najoqqutassamik ilinniartitaanermut naalakkersuisoqarfik suli najoqqutassiaqanngimmat, Qeqqata Kommunia nammineerluni najoqqutassiorpoq, atuarfinnilu pisortat aqutsisullu immersuinissaannik qinnuigineqarlutik.

Maleruagasatigut tunngavissat

Atuarfik pillugu Inatsisartut inatsisaat nr. 15, 3. december 2012-imeersoq

§ 49. Atuarfiup pisortaa pitsaassuseq pillugu nalunaarusiortassaaq ukiumi atuarfiusumi pineqartumi 1. oktober sioqqullugu kommunalbestyrelsimut nassiunneqartussamik.

Imm. 2 Pitsaassuseq pillugu nalunaarusiap imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, iliuusissanik pilersaarusiornarit, agguaqatigiissillugu klassini atuartut amerlassusaat, piffissaq atuartsinermut atorneqartoq, napparsimanerit pillugit naatsorsuinerit, piffissaq paarlatsinut atorneqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusaa aamma siuliani taaneqartup pitsaassuseq pillugu nalunaarusiornarup malitseqartinnera.

Pissutsit atuuttut

Pitsaassuseq pillugu nalunaarusiamik oktobarip aallaqqaataa tikitsinnagu atuarfiit nassitsinissaminnut piffissalerneqarnikuupput. Pitsaassuseq pillugu nalunaarusiat arfineq-pingasut kommunip tiginikuuai. Atuarfik ataaseq tunniussinngilaq. Allaffeqarfimmi sulisunut politikernullu tamat isiginnilersitsisinnaalluni atuarfeqarfimmut tunngatillugu sakkussatut atorneqarsinnaasumik, kommuni ukiuni kingullerni kommunimi atuarfinnut ataatsimoortumik pitsaassuseq pillugu nalunaarusiornikuuvoq. Ataatsimoortumik pitsaassuseq pillugu nalunaarusiaq kommunip nittartagaatigut tamanut saqqummiunneqassaaq.

Pitsaassuseq pillugu nalunaarusiat, kommunalbestyrelsip atuarfinnik nakkutilliinerani aallaavittut atorneqassapput. Taamaattumik kommunalbestyrelsip nakkutilliilluni ukiumoortumik alakkarterinerani kiisalu atuarfinni siulersuisut aamma IPSKA-p (takuuk attaveqarnissami nakkutilliinissami pilersaarut) oqaloqatigiittarnerini pitsaassuseq pillugu nalunaarusiat atorneqassapput.

Allaffeqarfiup naliliinera

Atuarfeqarfimmi suliniutissat eqqartorneqarnissaanni, ataatsimoortumik pitsaassuseq pillugu nalunaarusiaq atorneqartariaqarpoq.

Allaffeqarfiup innersuussutaa

Ilinniartitaanermut, Peqqinnermut, Kulturimut Sunngiffimmullu ataatsimiititaliamut innersuussutigineqarpoq kommunalbestyrelsip akuersissutigissagaa,

- Pitsaassuseq pillugu atuarfiit nalunaarusiaat tusaatissatut tigureqassasut
- Pitsaassutsimik ataatsimut nalunaarusiap inernerit oqallisigissagaa
- Immikkoortoq kommunalbestyrelsimut ingerlateqqinneqassasooq

Ilinniartitaanermut, Peqqinnermut, Kulturimut Sunngiffimmullu ataatsimiititaliap suliamik
suliarinninera

Ataatsimiititaliap novembarip 7-ani 2018 ataatsimiinnernimi aalajangerpaa:

Innersuussut akuersissutigineqarpoq

Ilassutitut oqaatigineqarpoq:

Kommunalbestyrelsemut ingerlateqqinneqartinnagu nalunaarutit nutserneqassapput.

Suliniutivut ilorraap tungaanut saatitsisimasut ataatsimiititaliamit iluarisimaarneqarpoq.

Saqqummiusseriaaseq ersarinnerunissaa kissaatigineqarpoq, soorlu siorna saqqummiussamut
sanilliussinerit ersarinnerunissaat kissaatigineqarpoq.

Ataatsimiititaliap atuarfinni aqutsisunut nersualaarinninnermik apuussa qarususpoq.

Innersuussut

Kommunalbestyrelsi ataatsimiititaliamut innersuussutigineqarpoq,

-atuarfiit pitsaassuseq pillugu nalunaarusiaat tusaatissatut tiguneqassasut

-ataatsimoorussamik pitsaassuseq pillugu nalunaarusiami angusat eqqartorneqassasut

Aalajangiineq

Tusaatissatut tiguneqarpoq.

Piumasarineqarpoq aamma aviisitigut kisitsisit pingaanerit nalunaarutigineqarnissaat.

Ilanngussat

1. Qeqqata Kommuniani ataatsimoorussamik pitsaassuseq pillugu nalunaarusiaq
2. Minngortuunnguup Atuarfianit pitsaassuseq pillugu nalunaarusiaq
3. Qinguata Atuarfianit pitsaassuseq pillugu nalunaarusiaq
4. Kangaamiut Atuarfianit pitsaassuseq pillugu nalunaarusiaq
5. Sarfannguit atuarfianit pitsaassuseq pillugu nalunaarusiaq
6. Nalunnguarfiup Atuarfianit pitsaassuseq pillugu nalunaarusiaq
7. Atuarfik Kilaaseqqamit pitsaassuseq pillugu nalunaarusiaq
8. Atammik atuarfianit pitsaassuseq pillugu nalunaarusiaq
9. Napasoq atuarfianit pitsaassuseq pillugu nalunaarusiaq

**Imm. 10 Qeqqata Kommuniani aningaasanik agguariaatsip eqquteqqinneqarnsisaanut
oqaluuserisassatut siunnersuut**

Journal nr. 06.00

Tunuliaqutaq

Qeqqata Kommuniani aningaasanik agguariaatsip eqquteqqinneqarnissaa pillugu kommunalbestyrelsimut oqaluuserisassami siunnesuummik 2018-imi novembarip aallaqqaataani Juliane Enoksen nassiussaqrpoq.

Juliane Enoksen siunnersuutini tullinnguuttutigut tunngavilersorpaa:

Naluneqanngitsutut illoqarfiit marluk, aningaasaliissutaat, avinneqarluinnartarput, naak innuttatigut amerlassutsit assigiinngikkaluaqisut.

Piumasaraara, erseqqissarneqassasut, innuttamut ataatsimut agguaqatigiisitsinermi, qanoq nikigassut annertutiginersoq, Sisimiuni Maniitsumi nunaqarfittatsinnilu.

1. inummut ataatsimut agguaqatigiisillugu, Maniitsumi, Sisimiuni nunaqarfinnilu, pisortaq aningaasat atortaqagaat naatsorsorneqassasut.
2. Kommunerujussuanngornermiilli aningaasat qanoq annertutigisut Maniitsumut Sisimiunullu agguanneqarsimanersut. Taanna annertuallaarpat, qinigaaffiit kingulliit marluk, isiginiarneqarsinnaapput.

Taakku pisortat ersarissumik ersersissagaat kissaatigaara, nalilersuiniassagatta, ilumut agguaariaaseq atugarput, innuttaqqortussuseq aallaavigalugu, tulluurtuunersoq.

Taamatullu kommunit allat qanoq agguaariaaseqarnersut, paasisaqarfigerusunnarpoq.

Maleruagasatigut tunngavissat

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq

Pissutsit atuuttut

Kommunalbestyrelsi missingersuutissat pillugit isumasioqatigiittarnerini illoqarfinni marluusuni nunaqarfinnilu arfiniliusuni aningaasartuutit koruunit ilivitsunngorlugit aamma innuttaasoq ataasiugaangat naatsorsukkat allaffeqarfiup ingerlaavartumik saqqummiuttarpai.

Innuttaasumut ataatsimut naatsorsukkat assigiinngissusaat najugaqarfinni taakkunani assigiinngitsorujussuuvoq. Taakku ersersitsipput

- ilaatigut immikkoortuni eqqorneqartuni innuttaasut amerlassusaasa assigiinnginnerat, soorlu assersuutigalugu nunaqarfiit ilaani Maniitsumilu utoqqaat amerlanerusut
- ilaatigut naatsorsueriaatsini sanilliunneqarsinnaasut assigiinnitsuuneri, soorlu assersuutigalugu Kangerlussuarmi aqqusineq angisoorsuuvoq, taamaattumik tassani aqqusinernik aserfallatsaaliinernut innuttaasumut ataatsimut aningaasartuutit annertuujupput
- ilaatigut sullissinerup qaffasissusissaa pillugit politikikkut aalajangiinerit

2009-miit 13-imut aamma 2013-imiit 17-imut kommunalbestyrelsit siulii marluk inoqarfiit akornanni innuttaasumut ataatsimut aningaasartuutit qaffasissusaasa akornanni assigiinngissuttip annikillisarneqarnissaa ukkatarinikuunngilaat.

Atuilluartuunissakkut kingunerisinnaasai

Inoqarfiit akornanni innuttaasumut ataatsimut aningaasartuutit assigiinnissaat atuilluartuunerusariaqanngilaq. Sumiiffiit ilanni periarfissaqanngivippoq inatsisitigut tunngavissat pissutaallutik.

Aningaasaqarnikkut allaffissornikkullu kingunerisinnaasai

Agguataarinnermut najoqutaassat saqummiunneqarneri eqqartorneqarnerilu aningaasaqarnikkut allaffissornikkullu kingunissaqanngillat. Kisianni agguariaatsimik taamaalillunilu missigersuutivinnik annertuumik kinguneqassaaq.

Allaffeqarfiup naliliinera

Allaffeqarfiup nalilerpaa, illoqarfiit nunaqarfiillu akornanni, ingammik sanaartornermut tunngasutigut agguataarisarnermik allannguisarneq ingerlaavartuusooq. Agguariaatsimik nutaamik eqqussinermut tunngatillugu, 2019 ingerlanernai eqqartorneqartaariaqaralarpoq, 2020-mi missingersuutini ilanngunneqarnissaa siunertaralugu.

Innersuussut

Suliaq kommunalbestyrelsip eqqartussagaa innersuussutigineqarpoq

Aalajangiineq

Aalajangiunneqarpoq aappagu missingersuutit 2020-moortut eqqartorneqalerpata sioqqullugu eqqartorneqassasoq ataqqinnerpalaartumik suleqatigiinnerpalaartumillu.

Ilanngussat

1. 2018-imi oktobarip 30-ani Juliane Enoksen mailerutaa
2. Inoqarfiit kiisalu aningaasartuutit ataatsimoorussat akornanni aningaasartuutininik agguariaatsimut takussutissiaq

Imm. 11 Aningaasaateqarfimmik pilersitsinissamik siunnersuut

Journal nr. 51.00

Tunuliaqutaq

Qeqqata Kommunianit AFS imaluunniit EF aqputigalugu aallartartut amerlisarneqarnissaat pillugu Malik Berthelsen-ip kommunalbestyrelsip ataatsimiinnissaanut siunnersuutini 2018-imi oktobarip 22-ani nassiuppaa.

Malik Berthelsen-ip siunnersuutini tulliuuttut tunngavilersorpaa:

Naluneqanngitsutut meeqqat atuarfianniit naammassisut amerlanerungaatsiartut qallunaat nunaannut efterskoleriarlutik aallartarput, ikitsuararsuillu nunanut allannut oqaatsinik ilinniariarlutik aallartarlutik.

Nalinginnaasumik Maniitsumi Sisimiunilu immikkut atuarfinniit AFS/EF aqputigalugu ukiiartortartut taamaallaat 2-4 amerlassuseqartarput ilaatigullu atuarfiit ilaat taamatut aallartitaqanngitsuuvittarlutik.

Kommunalbestyrelsemilu isumaqatigiissutiginikuuarput inuusuttut nunanut allanut paarlaasseqatigiinneq aqputigalugu aallartartut ikinnerpaamik atuarfimmik ataatsimiit tallimat aallartalernissaat anguniarneqassasoq.

Ilisimangilara inuusuttatta angajoqqaalluunniit suna pissutigalugu efterskole AFS/EF-imut sanilliullugu toqqarnerusarneraat.

Imaassinnaasoq angajoqqaat qitornamik efterskolernissaat Namminersorlutik Oqartussaniit efterskolemumut aningaasartuutitut tapiissuteqartarnerat pissutigalugu qinertaraat. Tamannami periarfissaq AFS/EF-inut atuutsinneqanngilaq, angalanermut tapiissutit eqqaassanngikkaanni. AFS/EF-imut aallartartut amerlanerulersinniarlugit, angajoqqaat qinnuteqarfigisinnaasaannik aningaasaateqarfimmik, suliffeqarfinnik privatinik peqataaffigineqartumik pilersitsinissaq siunnersuutigaara.

Aningaasarpasuit atorneqartariaqanngillat aamma immikkut aningaasaliinissaq pisariaqanngilaq, tassami missingersuutitsinni tuluttut ilinniartitsinerup nukittorsernissaanut aningaasanik immikkoortitsernekuuvugut.

Aningaasatigut taamatut tapiisinnaanermik pilersitsinitsigut, inuusuttagut amerlanerusut nunarsuarmioqataanermik misigisaqarnissaannut aammalu Kalaallit Qallunaallu Nunaata avataaniit allaanerumik nutaaliorinnaanermik isumassarsiorsinnaaneritut periarfississagaluarpagut. Tamannalu angusinnaagutsigu torrallaassaagut.

Maleruagasatigut tunngavissat

Ilinniartitaanermut, Peqqinnermut, Kultureqarnermut aamma Sunngiffimmi ataatsimiititaliap atuiffik 51 akisussaffeqarfigaa.

Pissutsit atuuttut

Ilinniartitaanermut, Peqqissutsimut, Kultureqarnermut Sunngiffimmullu ataatsimiititaliap 2018-imi maajip aalajangerpaa, missingersuutitigut 300.000 koruunit immikkoortinneqarsimasut, tuluit oqaasiinut tunngatillugu suliniutinut assigiinngitsunut ima agguataarneqassasut.

**Kommunalbestyrelsip novembarip 22-ani 2018-imi ileqquusumik ataatsimiinnerata 07/2018
imaqarniliornera**

Suliniutit	Tunnngavilersuutit	aningaasartai
Kalaallit Nunaannut aammalu meeqqanik ilinniartitsiffigissaminnut nunaqarfimmut Granny cloud-imit ilinniartitsisumut ataatsimut ukiumut ataasiarluni angalasarnissaa.	Atuartut ilinniartitsisullu akornanni attaveqarnerup annertusarnissaanut aammalu ungasiaaniit atuartitsinermik aaqqiinerup akeqanngereersup pitsanngorsarneqarnissaanut.	40.000 koruunit missaani
Assersuutigalugu Brasiliamiit imaluunniit Nunavumiit atuartunik, Atuartumiit atuartumut tuluttut suleqatigiiffiusuni paarlaasseqatigiittarnissamut tapiissuteqartarneq	Qallunaat nunaata avataani nunanut allanut angalasarneq immikkut akeqarpoq, taakkununnga paasisassarsiorluni angalanerusoqartarluni. Taamaattumik atuartumut ataatsimut nunani allani klassimut allamut angalalluni tikeraartumut immikkut aningaasaliisoqartassaaq.	100.000 koruunit missaani
Ilinniartitsisunut summer school-imiittunut, oqaatsinik ilinniarluni pikkorissartunut imaluunniit atuarfinni allani paarlaaqatigiittunut tapiissuteqarneq.	Ilinniartitsisut piginnaasatik ineriartortinniassammatigit, atuartitsinertillu nutaaliorfigisinnaallugu. Ilinniartitsisut immikkut suliniuteqarsimasut isiginiarneqassapput.	80.000 koruunit missaani
Atuartut ataasiakkaat oqaatsinik ilinniarlutik sivikitsumik nunani allaniittunut, aasaaneraniilu atuannigiffimmi pikkorissartunut tapiissutinik qinnuteqarsinnaapput.	Meeqqat atuarfianni atuartut isiginiarumallugit 8. aamma 9. klassimi atuartunut aasaanerani oqaatsinik ilinniarluni atuarfinnut taperneqartarnissaannik neqeroorfigineqassapput.	80.000 koruunit missaani

Allaffeqarfiup naliliinerani allassimavoq, atuartunut meeqqat atuarfiannik naammassinninnerup kingorna paarlaasseqatigiittussani, 300.000 koruunini ilanngunneqassanngitsut. Paarlattuanik efterskolertunut tapiissutaasareersutut, Namminersorlutik Oqartussat paarlaasseqatigiittarnermut assinganik tapiisarnissaa sulissutigineqassasoq. Tassunga tunnngavilersuutaavoq, efterskolernermi aamma paarlaasseqatigiinnermi akip nikinganerata annertunnginnera, paarlaasseqatigiinnermili atuartut ataasiakkaat piginnaasamikkut kivinneqarsinnaanerata, ilutigitillugulu atuartup tuluttut piginnaasani annertuumik ineriartortissammagit.

Taamaattumik Ilinniartitaanermut, Peqqissutsimut, Kultureqarnermut Sunngiffimmullu ataatsimiititaliaq 2018-imi maajip 28-ani ataatsimiinnermini aalajangerpoq, efterskoleriartartut tapiiffigineqartarnerat assigalugu paarlaasseqatigiilluni angalarusuttut tapiiffigineqarsinnaanngorlugit tapeeriaatsip allanngortinneqarnissaannik innersuussuteqarluni, Qeqqata Kommunia Namminersorlutik Oqartussanut allakkiussasoq. Ilinniartitaanermut Naalakkersuisoqarfik 2018-imi septembarip 26-ani allakkiamigut akivoq, paarlaasseqatigiilluni angalaniaat tapiiffigineqarsinnaanngorlugit nalunaarutip atuutsilersinneqarnissaa Namminersorlutik Oqartussat suliarigaat. Ukiup atuarfiusup tulliani atuutsilersinneqassasoq naatsorsuutigineqarpoq.

Atuilluartuunissakkut kingunerisinnaasai

Nunarsuup sinneranut atatillugu, tuluit oqaasii pillugit suliniut meeqqat atuarfiini annertunerusumik soqutiginnilersitsinissaa neriunarpoq, matumani nunarsuarmi tuluttut oqaatsit pingaarnertut atorneqartarnerisigut ilisimasat annertusiartortinneqassallutik.

Aningaasaqarnikkut allaffissornikkullu kingunerisinnaasai

Atuiffik 51-imi tuluttoornissamat suliniummut ukiumut 300.000 koruunit immikkoortinneqarnikuupput.

Allaffeqarfiup naliliinera

Allaffeqarfiup nalilerpaa, AFS-eriatartut najukkami inuutissarsiutillit tapersersorusussappassuk, siunertamat assinganik aningaasalersuinissamat periarfissat kommunip misissortariaqarai.

Innersuussut

Innersuussutigineqarpoq, kommunalbestyrelsip siunnersuut eqqartussagaa.

Aalajangiineq

Suleqatigiinniit Siumut, Inuit Ataqatigiit, Partii Naleraqa ilungersuullugu kissaatigaarput inuusuttatta amerlanerusut nunarsuarmioqatigiit oqaasiinut pikkorinnerlunernissaat aammalu nunarsuamioqataaerneramik ilisimasaqarnerulernissaat. Taamaattumik tamanna pilerinarsarniarlugu kommunemiit aningaasaateqarfimmik qinnuteqarfigineqarsinnaasumik pilersitsinissaq tapersersorparput, pissutigalugu isumaqaratta taamaasiornitsigut inuusuttut amerlanerusut pilerisulernissaannut iluaqutaasinnaasoq.

Ilanngullugu piumasaraarput Ilinniartitaanermut ataatsimiititaliap maj-imi meeqqat atuarfiini atuartut taamaallaat tapiiffigineqarsinnaanerannik aalajangersimanerat allanngortinneqassasoq, taamaasilluni meeqqat atuarfianni naammassreersimasut aamma ilanngullugit tapiiffigineqarsinnaanngussasut, aningaasaateqarfiullu pilersinnissaanut aningaasaliisutaareersut 300.000 kr. nutaamik ilusilersorneqaqqissasut.

Karl Davidsen-ip kissaatigivaa tapiiffigineqartut pisussaaffilerneqartassasut tikiffimmini kommunerput oqalugiutigisassagaat, taamatuttutaaq utersimalerunik aamma misilittakkatik pillugit paasisitsiniaasassasut.

Aalajangiunneqarpoq aningaasaateqarfimik pileristsisoqassasoq.

Ilinniartitaanermut ataatsimiititaliamut ingerlateqqinneqarpoq.

Ilanngussat

1. Malik Berthelsen-ip 2018-imi novembarip aallaqqaataani mailerutaa
2. 2018-imi maajip 24-ani Kommunalbestyrelsip ataatsimiinneranit oqaluuserisaaq
3. Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap 2018-imi maajip 28-ani ataatsimiinnerani imm. 9-p imaqarniliornera
4. Ilinniartitaanermut Naalakkersuisup 2018-imi septembarip 26-ani borgmesterimut allagaa

Imm. 12 Oqaluuserisassanut siunnersuut – Meeqqat atuarfiini, ulluuneranilu neqeroorutini nutaaliarluni perorsaaneq/pamersaaneq

Journal.nr.: 51.08.00

Tunuliaqutaq

Kommunalbestyrelsimut ilaasortap Juliane Enoksen-ip 2018-imi novembarip 7-iani maileruteqarluni siunnersuutigaa, Qeqqata Kommuniata meeqqeriviini kiisalu meeqqat atuarfiini nutaaliarluni perorsaaneq/pamersaaneq atuutsilersinneqassasoq. Meeqqat aallaavigalugit, nutaaliorsinnaassutsimik, aningaasarsiorsinnaassutsimik siunnerfilimmik, anguniagaqartoqassasoq siunnersuutigaara. Atuartinneqarnerup / meeqqerivinniluunniit paarineqarnerup iluani eqqunneqassasoq, eqqartorneqassasoq kissaatigaara. Pisariaqassappat, atuarfinni faagit atukkatta / ingerlanneqartut eqqartuiffigineqaqqinnissaat siunnersuutigaara. Uanili susassaqtartut peqataatinneqarnissaat kissaatiginarpoq. Isumasioqatigiittoqassanersoq, imalt allatut aaqiisoqassanersoq eqqartorneqaqqoqaara. Qinigaaffimmimi uani meeqqat angusaqasarluarnissaannik anguniagaqarnitsinnut attuumassuteqarlunnarsorigakku, nutaaliortumik aningaasarsiorsinnaassutsimik aallaavilimmik meeqqanut perorsaanerput imaqtartariaqartoq isumaqarama. Namminiilernissatsinnut qaquguugaluarnersumut, nammineq aningaasarsiorsinnaassutsimik pinngorartitsisinnaassutsimillu meeraanermi pigiliutsitsinissaq pingaartutut isigigakku.

Maleruagasatigut tunngavissat

Atuarfik pillugu Inatsisartut inatsisaat nr. 15, 3. december 2012-imeersoq Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-imeersoq.

Pissutsit atuuttut

Atuarfinni aqutsisut 2018-imi januaarip 17-iani ataatsimiinnermini aalajangerpaat, nutaaliarluni perorsaaneq meeqqat atuarfiini aallartinneqassasoq. Tamatuma kingorna "Piviusumik ilinniarneq" qulequtaralugu suliniarneq ingerlaqqippoq, matumanilu ukioq atuarfiusumi 2018/19 ukunilu atuarfiusumi tulluuttuni nutaaliarluni perorsaanissami sammisassanik toqqartuinissami, unammillernartussanik ataqatigiissaagassanillu eqqartuinissami ilinniartitsisut, atuarfinni aqutsisut, Kangerlussuarmi, Maniitsumi Sisimiunilu najukkani suliffeqarfiit/peqatigiiffiit akuutinneqarlutik.

Ilinniartitaanermut, Peqqinnermut, Sunngiffimmi sammisanut Kultureqarnermullu Ataatsimiititaliap 2018-imi marsip 26-ani ataatsimiinnermini aalajangerpoq, meeqqat atuarfiinut ataatsimoorussamik suliniuteqarneq atuartitsineramik ineriartortitsinerussasoq, matumani nutaaliarluni perorsaaneq ilanngullugu.

2018-imi aprilip qaammataani workshop-ertitsinerpaaluit ingerlanneqarput, soorluttaaq Kangerlussuarmi, Maniitsumi Sisimiunilu ataatsimiinnerpaaluit ingerlanneqartut, taakkulu ataatsimoortumik siunertaraat:

- kommunip atuarfiini atuartitsinermi nutaaliorneq, tassungalugu atatillugu pissutsit piviusut manna tikillugu, ullutsinnilu suliat erseqqissarneqarnissaat, matumani suliniutit, perorsaanikkut periutsit, misilitagaalersimasut, iluaqutit piviusunngortinneqarsimasut unammillernartullu, ilinniartitsisut akornanni piginnaasatigut inissisimaneq allallu ilanngullugit.

- sammisaasinnaasunik, unammillernartunik (iluarsiissuteqarnissami atuartut atorsinnaasaat), suliffeqarfinnilu/peqatigiiffinnilu soqutigisanik/pisariaqartitsinernik toqqartuineq
- ukiumi atuarfiusumi tullermi, siunissamilu suliniutit suut piviusorsiorpalaarnersut, suullu kissaatigineqarnersut pillugit eqqarsarnissami atuarfinni aqutsisut akuutinneqassasut, isumaallu akuutinneqarlutik.

ukiumi atuarfiusumi 2018/19-imi nutaaliorluni perorsaanerit ataaseq-marluk aallarniutigineqassasut, tassangaanniillu nutaaliortumik atuartitsinissami ilinniartitsisut piginnaasaasa nukittorsariartuaarnissaat anguniagaavoq. nutaaliorneq aamma 'Piviusumik ilinniarneq' immikkut sammillugit misiliinerit aqqtigalugit ilinniartitsisut kikkut soqutiginninersut piginnaasaqarnersullu, taamaalillutillu suliniuteqarnermi siuttuusinnaasut paasiniarneqarnissaat qitiussaaq.

Ataqatigiimmik isigaluni (perorsaanikkut imarisaa, piginnaasatigut ineriartortitsineq il.il.) pillugit ujartuineq pillugu oqaloqatigiinnermi atuarfinni aqutsisut aamma akuutinneqassapput.

Meeqqanut suli atualinngitsunut ulluunerani neqeroorutini nutaaliorluni perorsaaneq pillugu maannakkut suli suliniuteqanngilaq.

Nutaaliorluni perorsaaneq pillugu suliaq Ilinniartitaanermut, Peqqinnermut, Sunngiffimmi sammisanut Kultureqarnermullu Ataatsimiititaliap tulliani ataatsimiinnissaani saqqummiunneqassasoq naatsorsuutigineqarpoq.

Innersuussut

Innersuussutigineqarpoq, suliaq kommunalbestyrelsip eqqartussagaa, suliareqqitassanngorlugulu Ilinniartitaanermut, Peqqinnermut, Sunngiffimmi sammisanut Kultureqarnermullu Ataatsimiititaliamut ingerlateqqillugu.

Aalajangiineq

Innersuussut akuersissutigineqarpoq.

Ilanngussat

1. Juliane Enoksen-ip 2018-imi novembarip 7-iani mailerutaa

**Imm. 13 14-inik ukioqalereersimasunut angalanissanut tapiisarnissamut inuiaqatigiittut
piumasaqaateqarnissaq pillugu oqaluuserisassatut siunnersuut.**

Journal nr. 63.00

Tunuliaqutaq

Timersortartut innuttaasullu il.il. 14-inik ukioqalereersimasut kulturikkut siunertaqartut, angalanissaminnut tapiiffigineqassasuugunik, inuiaqatigiinnut iluaqutaanerunissaannik, 2019-imi januaarip aallaqqaataaniit Qeqqata Kommuniata piumasaqarfiginerulernissaaanik, 2018-imi novembarip aallaqqaataani Malik Berthelsen siunnersuummik nassiussivoq. Malik Berthelsen siunnersuutini tullinnguuttutigit tunngavilersorpa:

Siullermik erseqqissaatigissavara timersortartuutigit allallu kultrurikkut suliniuteqartut tamaasa qujamasuutigigakkit nuannaarutigalugillu, taakkummatami peqqinnartumik inuuneqarnissamut maligassiuusuusut avammullu sinnerluta nuannersumik kiinnertartuutigit.

Taamaakkaluartoq isumaqarpunga aningaasanik taamak amerlatigisunik tapiissuteqartartilluta, tapertakkagut angalanermut tapiissutinik pissarsissagunik, inuiaqatigiinni akisussaaqataanermik arlaatigit takutitseqataanissaannik piumasaqaateqarfigisariaqarigit.

Siunnersuutinni anguniarpara, pisortat suna tamaat isumagissaqqaaraamik eqqarsartaaseq qimallugu, innuttaasut amerlanerusut inuiaqatigiinni akisussaaqataanerup pingaaruteqassusianik ilinniatinneqarlutillu tiguseqataanissaasa angujartorneqarnissaa.

Assersuutigalugu illoqarfimmi asimiluunniit saliinernik, meeqperivinni utoqqarnilu nivannernik, kommune arlaannik aaqqissuitillugu soorlu inuiattut ullorsiornermi assigisaanilluunniit ikiortaanernik, imaluunniit innuttaasut aalanerulernissaannik immikkut aaqqissuussiluni suliniuteqarnissaannik piumasaqaateqarfigineqarsinnaapput.

Taamatut piumasaqaateqarneq immaqa ”pillaanertut” ilaatigit nalilerneqarsinnaagaluartoq, isumaqarpunga akerlianik inuiaqatigiinni akisussaaqataanermik takutitsinikkut tanngassimaarnermik aammalu timersoqatigiit kammagiinnerulernerannik ataqatigiinnerulernerannillu pilersitsissasoq. Soorlu tamanna SAK-ip utoqqasaani arsartartuisa uppernarsillugu takutittaraat.

Soorunami taamatut sulisinneqartalernissaat pineqartunut aningaasatigit annaasaqaataassanngilaq. Tassa sulisinneqarnertik angalanermut tapiissutaasartut saniatigit immikkut aningaasarsissutigisassavaat nerisassarsiuutissaminnut atisassaminnulluunniit atorsinnaasaminnik, taperneqassagunilli pinngitsooratik suleqqaartariaqassapput.

Maleruagasatigit tunngavissat

Qeqqata Kommuniata timersornermut tapeeriaasia

Pissutsit atuuttut

2009-mi kommunit kattussuunneqarnerisa kingorna timersoqatigiiffinnut tapeeriaaseq 2011-imi naapertuuttunngorsarneqarpoq. Meeqqat inuusuttullu 18 tikillugit ukiullit Kalaallit Nunaanni pissartanngorniunnissanut angalanissaminnut 100 procentmik akliunneqartarput, illuatungaatigit 18 sinnerlugit ukioqalereersut Kalaallit Nunaanni pissartanngorniunnissanut angalanissaminnut aningaasartuutiminniit 30 procentmik akliunneqartarput. Immikkoortuni allani angalanermut tapiiffigineqarnissamut atatillugu taamaattunik malittarisassanik atuutsitsisoqalernikuunngilaq.

Atuilluartuunissakkut kingunerisinnaasai

Innuttaasunut inuiaqatigiinnut iluaqutaasumik suliniuteqartunut, maannamut sanilliullugu annertunerusumik timersornikkut kulturillu tungaatigut tapiissuteqarnerusoqalerpat atuilluartuunerussaag. Meeqqanut 14-it ataallugit ukiulinnut sungiusaasutut aammattaag inuusuttut inersimasullu akisussaaffimmik tigusisuugunik, atuilluartuunerujussuussaag immaqalu kajumissaataalluni.

Aningaasaqarnikkut allaffissornikkullu kingunerisinnaasai

Siunnersuut kommunitut sipaarutaannginnissaanik tunngaveqarpoq, taamaattumik aallaavittut kommunitut annertunerusumik annikinnerusumilluunniit aningaasartuuteqarnermik kinguneqassangilaq. Suliassat kommunip paaqqinnittarfiutaani tunniutassaagunik, allaffissornikkut suliassanik amerlanerusunik malitseqassaaq.

Allaffeqarfiup naliliinera

Allaffeqarfiup nalilerpaa, peqatigiiffiit amerlanerusut meeqqanut inuusuttunullu akisussaaffimmik annertunerusumik tigusisinnaasut, taamaalilluni angalanernut tapiissutit iluaqutaasumik ukkatarineqarsinnaapput, peqatigiiffiit meeqqanut inuusuttunullu qanoq iliuseqarlutik, soorlu assersuutigalugu sungiusaasutut imaluunniit kulturikkut aaqqissuussanik allanillu.

Allaffeqarfiup nalilerpaa, tamanna 2019-imi januaarip aallaqqaataaniit atuutsilernissaa ajornakusuussasoq.

Innersuussut

Innersuussutigineqarpoq suliaq kommunalbestyrelsip eqqartussagaa suliarlu Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamit suliassanngorlugu ingerlateqqinneqassasoq

Aalajangiineq

Timersortartut allallu kulturikkut suliniuteqartut angalanernut tapiissutinik pissarsissagunik arlaatigut suliseqqaartalernissaanik piunasaqarfigineqartalernissaat akuerissutigineqarpoq, suliarlu Ilinniartitaanermut, Peqqinnermut, Sunngiffimmi sammisassanut kultrureqarnermullu Ataatsimiititaliamut ingerlateqqinneqarluni.

Ilanngussat

1. 2018-imi novembarip aallaqqaataani Malik Berthelsen mailerutaa
2. Aningaasaqarnermut ataatsimiititaliap 09/2011 ataatsimmiinneranit imaqarniliami imm. 20.

**Imm. 14 2019-imi januaarip aallaqqaataaniit atuutilersumik meeqqerivinni nangernut
kommunip aningaasartuutaannik atorunnaarsitsinissamik siunnersuut**

Journal nr. 44.00.05

Tunuliaqutaq

2019-imi januaarip aallaqqaataaniit atuutilersumik meeqqerivinni nangernut kommunip aningaasartuutaannik atorunnaarsitsinissamik 2018-imi novembarip aallaqqaataani Malik Berthelsen siunnersuummik nassiussaqqarpoq. Malik Berthelsen siunnersuut tullinnguuttutigit tunngavilersorpaa:

Naluneqanngitsutut nunatsinni meeqqivinnut appasinnerpaamik akeqartitsivugut, tassa qaffasinnerpaamik akiliisartut agguaqatigiissillugu ullormut 45-50 koruuninik akiliisarput appasinnerusumillu akiliisartut 16-20 koruuninik missaanik akiliisarlutik. Akimut tassunga ilaapput paaqqutarineqarneq, nerisaqarneq, pinngussat aammalu meeraaqqanut nangit. Isumaqqarpunga 1.000 koruunimut qaffasinnerpaaffiliisimanerput ilaqutariit aningaasaqarnerat eqqarsaatigalugu pitsaasuusooq aammalu akissaqartilluta tamanna attatuartariaqaripput.

Taamaakkaluartoq isumaqqarpunga akigititatta qaffasissusaa eqqarsaatigigaanni, suna tamaat pisortatut akisussaaffigisariaqanngikkipput. Taamaattumik siunnersuutigivara kommunemiit meeraaqqerivinni nanginik pisiortortarnerput 1. januar 2019 aallarnerfigalugu unitsinneqassasoq, tamannalu angajoqqaat namminneq akisussaaffigilissagaat.

Aningaasat nangernut atorneqartartut meeqqerivinnut aningaasaliissutigisartakkatta millisinneqarnissaannik sipaarutaanissaannilluunniit siunertaqanngilaq. Akerlianik aningaasat nangernut atorneqartaraluartut meeqqeriviit nammineq pisariaqartitaminnut, soorlu meeqqat sammisaqartinneqarnissaannut pinngussanulluunniit atorsinnaasaat taamaasillutik annertunerulissapput. Taassuma saniatigut angajoqqaat akisussaaffiinik pisortaniit arsaartuinerput millisassagaluarparput.

Maleruagasatigut tunngavissat

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

Pissutsit atuuttut

Nalinginnaasumik sipaarniarnermut atatillugu nangit sipaarutigineqarnissaat pillugu 2014-imi allaffeqarfik siunnersuummik saqqummiinikuvoq. Tassunga sipaarutissamut periutsimillu allanngunissamut, taamanikkut politikikkut tapersersorneqanngilaq. Taamaattorli allanit misilittakkat pitsaasuupput aammalu meeqqerivimmuut tunngatillugu angajoqqaat meeqqaminut akisussaaffeqarnerunermik tunillugit.

Aammattaaq allatigut pitsaaquteqqarpoq:

- Angajoqqaat meeqqamik nangernik atuiunnaarnissat pillugu angajoqqaat suliaqartariaqaramik, meeqqat sukkanerusumik nangernik "atuiunnaartarput".
- Meeraq sukkanerusumik eqqiluisaarnuleruni meeraq sukkanerusumik oqaatsiminik, imminut tatiginermik piginnaasaminillu ineriartortitsissaaq.
- Nangernut aningaasartuutit immikkoortunut pisariaqartitsinerusunut, soorlu assersuutigalugu meeqqanut pinngussat ineriartuutaasunut atorneqarsinnaapput.

- Danmarkimiit nangernik amerlasuunik pisineq pequusivimmi inissamik annertuumik pisariaqartitsivoq. Meeqperiviit amerlasuut (igaffiit atorneqanngillat, kisianni amerlasuut suli qerititsivinnik uninngasuuteqarput, igaffiit atoqqileratarsinnaaneritut) qerititsivitik queeqqatillu nangernik immertarpaat.
- Meeqqat amerlasuut nangernut aalajangersimasunut sapigaqartarput, meeqqat ilaat mikisuararsuupput mikinerusunillu atuisarlutik, meeqqat ilaat angisoorujussuupput anginernillu atuisarlutik. Kikkut tamat kissaataannik naammassinninnissamut paaqqinnittarfiit periarfissaqanngillat.
- Taamaaliornikkut meeqperiviit aammattaaq angajoqqaanit naammagittaalliorfigineqassaassapput.

Taamaattorli aamma ajoqutitaqarpoq:

- Angajoqqaat meeqqaminnik nangissaqartitsinatik tunniussisut
- Sulisut angajoqqaanik eqqaasitsuuaannassasut, nangernik tunniussiuuaannarnissaannik.

Atuilluartuunissakkut kingunerisinnaasai

Angajoqqaat meeqqamik meeqqerivimmiinnerannut annertunerusumik akisussaaffimmik tigusinissaannut tunngatillugu eqqutissallugu atuilluartuunerussiaq, angajoqqaat namminneerlutik nangernik isumaginnittarnissaat.

Aningaasaqarnikkut allaffissornikkullu kingunerisinnaasai

Aningaasat sipaarutaasut pinngussanut pitsaanagerusunut il.i. atorneqassappata, missingersuutitigut akigititanilu allannguinnissamik kinguneqassanngilaq.

Allaffeqarfiup naliliinera

Allaffeqarfiup nalilerpaa, tamanna sulissutigeqqinnissaa pitsaasussaassoq, kisianni aaqqiissummik taamatut ittumik atuutilersitsinissaq, angajoqqaajusunut pitsaasumik paasissutissinermik ingerlatsiviusariaqarpoq. Taamaattumik 2019-imi januaarip aallaqqaataani atuutsitsilernissaq ajornakusuussiaq.

Innersuussut

Suliaq kommunalbestyrelsip eqqartussagaa aammalu suliaq Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut suliareqqitassatut ingerlateqqissagaa innersuussutigineqarpoq.

Aalajangineq

Taasineq, siunnersuut 1. januar 2020-miit aallartittussannguinnarlugu:

Isumaqaataasut: 6 AK, KD, JE, EP, MI, MB

Akerliusut: 4 EF, RH, FO, JO

Taaseqataangitsut: 2 KK, SDRO

1. januar 2020 aallarnerfigalugu kommunep nangernik pisiortortarneranik unitsinissaq aaliangiunneqarpoq.

Ilanngussat

1. 2018-imi novembarip aallaqqaataani Malik Berthelsen mailerutaa

**Imm. 15 Qeqqata Kommuniata Peqqinnissamut Pinaveersaartitsinissamullu
politikkissatut siunnersuut**

Journal nr. 48.02

Tunuliaqutaq

2017-imi apriliip 17-iani Qeqqata Kommuniani kommunalbestyrelsip 2017-2021-mut suleqatigiinnissamut isumaqatigiissutaa naapertorlugu, peqqinnissamut pinaveersaartitsinermullu politikki suliarineqarpoq. Kommunimi tamarmi peqqinnerulernissamik suliaqarnermut, suliat akimorlugit politikkeqarpoq, taannalu ataatsimoorussamik sinaakktissamik aqqtissiuinermillu pilersitsisussaavoq.

Maleruagasatigut tunngavissat

Qeqqata Kommuniani peqqinnissamut pinaveersaartitsinissamullu politikki 2017-2021-mut suleqatigiinnissamut isumaqatigiissut kiisalu inuiaqatigiit peqqissuunissaannut pilersaarutitsinni Inuuneritta II, Peqqissutsimut Naalakkersuisoqarfik 2012-imit tunngaveqarpoq.

Pissutsit atuuttut

Kommunalbestyrelsimi suleqatigiinnissamik isumaqatigiissutikkut saqqummiunneqarpoq, innuttaasut aalanerulernissaannut peqqinnerulernissaannullu kommuni suliaqassasoq. Inuit amerlanerusut timersoqatigiiffinnut ilanngutsinneqassapput aammalu innuttaasut inuussutissanik peqqinnarnerusunik toqqaasalernissaannut, aammalu kalaaliminertornerulernissaannut paasisitsiniaanermik suliaqartoqassaaq. Taakku saniatigut ikiaroorartumik tuniniaasarneq akiorniarneqassaaq aammalu ikiaroorartumik imigassamillu atuinerit annikillisinneqassapput.

Taamatuttaaq inuiaqatigiit peqqissuunissaannut pilersaarutitsinni Inuuneritta II-mi Kalaallit Nunaani innuttaasut tamarmik pitsaasumik sivisuumillu inuuneqarnissaannik pitsaanerpaamik periarfissaqarnissaannut anguniagaattaaq, peqqinnissamut pinaveersaartitsinissamullu politikki aallaaveqarpoq.

Politikkimik matuminnga sulineq aamma Meeqqat Illersuisuata 2017-imi angalanermini nalunaarusiaanik isumassarsiorfiuvoq, taanna meeqqanut inuusuttunullu sunngiffimmi sammisassanut arlalinnut, atornerluinermik ajornartorsiutinik akiuiniarnernut tunngatillugu annertunerusumik suliniuteqarnissamik, aammalu meeqqat inuusuttullu timikkut eqqarsartaatsikkullu nakuuserfigineqartarnerannut arlalinnik inassuteqaateqarpoq.

Peqqinnissamut pinaveersaartitsinissamullu politikkkissatut siunnersuut (ilanngussaq 1) maannamuugallartoq anguniakkanik tikkuussisunik pingaarnernik pingasunik sanarfineqarallarpog, anguniagaagallartunik sammisanik pingasunik malitsilerlugu, ungasinnerusog isigalugu peqqinnissamut pinaveersaartitsinermilu suliniutinut tigussaasunut inerneqartussaq.

Anguniagassanut tikkuussisunut pingasunut siunnersuutit:

- Kommuni kikkuugaluartunilluunniit timikkut tarnikkullu peqqissunik innuttaasulik
- Kommuni peqqinnartumik sammisassaqluartumik sunngiffeqarnissamut periarfissagissaartoq
- Kommuni peqqissunik suliffeqarfilik

Sammisanut pingasunut siunnersuutit anguniakkanut pingasunut naapertuupput:

- Inuunermi tamarmi peqqissuuneq (Meeqqat inuusuttullu, utoqqaat navianartumilu inissisimasut)
- Sunngiffimmi peqqissumik aalanerumillu inuuneqarneq (Timersortarfiit, sunngiffimmi neqeroorutit peqatigiiffilerinerlu)
- Sulinermi peqqinnerulernissaq (peqqinnartunik nerisaqarnissamut kiisalu timigissarnermut neqeroorutit)

Anguniagaqarfissatut toqqakkat (meeqqat inuusuttullu, utoqqaat aamma eqqugaasinnaasut) salliutinneqarnissaanik immikkut ukkatarinninnermut tunngavigineqarsinnaavoq, atuarfinnut, meeqqanut inuusuttunullu neqeroorutitut, utoqqaat angerlarsimaffiitut, peqatigiiffinnut, Majoriamut assigisaannullu tunngatillugu anguniagaqarfinnut tamakkuunnga kommuni isumaqatigiissuteqareemat.

Anguniakkat piviusunngortinniarlugit, peqqinnissamut pinaveersaartitsinissamullu politikkimu sammisat pingasut iluini arlalitsigut peqqinnerulernissamut suliniutinik aallartitsinikkut ingerlanneqassaaq. Suliniutit taakku aqutigalugit Peqqinnissamut pinaveersaartitsinissamullu politikkit timitalersorneqassaaq piviusunngortinneqarlunilu. Illuatungeriit tusarniaaffigineqartussat, suliniutinik ineriartortitseqataallutillu naammassineqarnissaannut peqataasussaasut, suliniutit sorliit aallartinneqarnissaanut aalajangerneqartarpoq.

Suliniutitigut immikkoortut, aqqissuunneqarnera, ingerlanneqarnissaalu

Suliniut immikkoortunut marlunnut agguataagaavoq (ilanngussaq 2)

Immikkoortoq 1 Peqqinnissamut pinaveersaartitsinissamullu politikkimik suliaqarnissamut aallussineq.

Immikkoortoq 2 Peqqinnissamut pinaveersaartitsinissamullu politikkimik piviusunngortitsinissamik aallussineq

Immikkoortoq 2 illoqarfinni marluusuni nunaqarfinnilu anguniagaqarfiit assigiinngitsut peqataatillugit, innuttaasunik ataatsimiisitsisarnernik aallarnisarneqassaaq.

Aqutsisoqatigiit: Pisortaqatigiit

Suliniummik aqutsisoq: Kristina Würtz Poulsen

Suliniummi suleqatigiit: Albricht Kreutzmann, Paarnannguaq Mølgaard, Aalibaraq Kreutzmann, Qillaq Banemann.

Suleqatigiissitaq (immikkoortoq 2): Kommunip suliffeqarfiutaanit arlalinnit inuummarissaasut.

Politikkip Maniitsumi Sisimiunilu atuutilersinneqarnissaa pillugu immikkoortoq 2-mi Sofie Jessen aamma Kristina Würtz Poulsen suliniummi aqutsisuussapput.

Suliarineqarnera:

2017-imi novembarimili suleqatigiit takorluukkanik/sammisassanik anguniagassanillu aalajangersaasiroput, tamannalu tunuliaqutaralugu Peqqinnissamut pinaveersaartitsinissamullu politikkipissatut siunnersuummik inerneqarluni (ilanngussaq 1).

**Kommunalbestyrelsip novembarip 22-ani 2018-imi ileqquusumik ataatsimiinnerata 07/2018
imaqarniliornera**

2. marts 2018	14. marts 2018	30. april 2018		Sapaatip akunnerini 44-45 2018	12. nov. 2018	22. nov. 2018	Jan 2019
Aqutsisoq atigiit	UFS	UUSFK	Tusar niaan eq Maj- Septe mber	UUFSK	UFS	KB	Immikko ortoq 2
Ingerlanne qarnissaa eqqartorne qarlunilu akuersissu tiginEQass aaq	Politikkim ut siunnersuu t eqqartorne qarpoq akuersissut igineqarlun ilu	Politikkim ut siunnersuu t eqqartorne qarpoq akuersissut igineqarlun ilu		Politikkim ut siunnersuu t eqqartorne qarpoq akuersissut igineqarlun ilu	Politikkim ut siunnersuu t eqqartorne qarpoq akuersissut igineqarlun ilu	Inaarutaa sumik akuersiss utiginnin neq	
	Hoved SISU tusarniaaffigineqassapput						

Tusarniaanerup nalaani tusarniaanermut akissutit malitsigisaaniittut tiginEQarput (ilangussaaq 3). Tusarniaanerittaaq utoqqaat angerlarsimaffiannut, atuarfintut, meeqqerivinnut, peqatigiiffintut, angerlarsimaffimmi ikiortinut inuummarissaasunullu pulaarnikkut ingerlanneqarput.

1) Angerlarsimaffimmi ikiortit, Sisimiut

Eqqarsartaatsikkut ajunngitsuunissamik ukkataqarneq, kalaalimerngit akiisa appasinnerunissaat, utoqqaat akissaqartinneq ajormatigit Kommuni suliffeqarfiutaani immikkoortortani suleqataasunut sungiusarnissamut neqeroorutit

2) Meeqqerivinni aqutsisut, Sisimiut

Silami inuuneq aamma pinngortitamik atuineq naleqartitani pingaartuuvoq, suleruluppallaarneq pissutigalugu napparsimalluni peqanngittarneq pinaveersaartillugu, eqqiluisaarneq.

3) Sisimiuni utoqqaat angerlarsimaffiat

Utoqqaat eqqarsartaatsikkut peqqissuunissaat pingaaruteqarpoq, eqqiluisaarnerup immikkut sammineqarnissaa. Napparsimakulasut suliniarfigineqarnissaat

4) Atuarfiup iggavianit sinniisoq, aamma angajoqqaat sinniisaat, Sisimiut

Peqqinnartunik nerisaqartitsinissap qulakkeernissaa pillugu ilinniarsimasumik aqutsisoqarnissaaq, sulisut amerlanerusut, meeqqallu sapigallit eqqarsaatigineqarnissaat.

5) Pinaveersaartitsinermut siunnersortit, Sisimiut

Pisortat attartortittagaanni pujortartarneq akiorniarlugu INI A/S-i suleqatigineqassasoq siunnersuutigaaq

6) Nakorsaaneq, Sisimiut

Siunertamut anguniakkamullu, ataatsimoorussamillu suliniartoqarnissaanut isumaqataavunga. Suliap ingerlateqqinneqarnissaanut aggersarneqarusuppunga.

7) Kangerlussuarmi Qinguata Atuarfia

Tamat isiginnissuteqartumik peqqinnermut tunngasunik suliaqarneq, angussaasunik anguniagaqarneq, pinaveersaataasunik oqaloqatiginninnerit, ujartuilluni sulinerit.

Nunaqarfimmi namminneq kajumissutsiminnik sungiusaasinnaasut amerlinissaannut suliniuteqarneq

8) Peqqissaasoq Neriusaaq, Maniitsoq

Susassa qarfiit akornanni akimortumik suleqatigiinneq aallaavigalugu, Napparsimaveqarfik meeqqerineramik, timigissaanermik, pillorissaanermik, angerlarsimaffinni peqqissaanermik, nunap immikkoortuani oqaloqatiginnittarnermik, kigutinik suliaqarnermik il.il. piginnaasalinnik peqarpoq.

9) Fritidsinspektøri, Maniitsoq

Sungiusaasut amerlinissaannut suliniuteqarneq. Suleqatinut sungiusaasunut sulinnigiffeqarnerunissaq pillugu siunnersuut, nammineq kajumissutsiminnik sungiusaasunut sulisisisunit tapersorneqarnermik pilersitsineq.

10) Utoqqaat illuat/angerlarsimaffinni ikiorteqarfik, Maniitsoq

Eqqarsartaatsikkut peqqinnermik, suleqataasut ingerlalluarnerannik ukkatarinninneq, anguniaga qarfiit akuutinneqarnerat pingaartoq, angerlarsimaffinni ikiortsit sulineranni imminut ikiorsinnaanermut ikiuuttarnerup ukkatarineqarnera, sulinermi eqqarsartaatsikkut avatangiisit pitsaanerulernissaannut sulisunik akuutitsineq

11) Inuummarissaasut, Sisimiut, Maniitsoq aamma Kangerlussuaq

Inuummarissaasut suliaasa qulakkeernissaannut ersarissarnissaanullu eqqarsaatigalugu piffissaq, atugassarititaasut nukissallu. Suliniutip nalilersornissaa uuttortarnissaalu eqqaamallugu. Kommunip nerisaqartitsinermit aqqissuussinerani kalaallit kulturiannik nereriaasiannillu ukkataqarneq

12) Maniitsumi timersoqatigiiffiit

Sungiusaasunik annertuumik amigaateqarneq, nammineq kajumissuseq atorlugu sulinissamut kajumissutsip nukittorsarneqarnissaa, aningaasanik qinnuteqarnissamut aammalu missingersuutinik/suliniummot nassuiaasiornermut ikiorneqarnissamut pisariaqartitsineq, sungiusaasut akissarsiaqarsinnaanerat pillugu siunnersuut.

13) MISI, Sisimiut

Angajoqqaat/inersimasut, aamma angajoqqaat paarsaqartartut anguniaqarfittut ilanngullugit. Aanngajaarniutinut assersuutit, (gassinik benzinanilu naamaarneq) illoqarfignisami katsorsartissinnaanermut neqeroorutinik pilersitsineq, kommunimi katsorsaasut amerlanerulernissaasa qulakkeernissaat

14) Ilaqutariinnut sullissivik, Maniitsoq

Kofoeds Skole-mik pilersitsineq, innuttaasunut sunnertiasunut sulinermit aningaasaliineq, innuttaasunik akuutitsineq, peqatigiiffinni tikilluaqqusaanermik misigisimaneq, nunani avannarlerni allani isumassarsiorneq, sunngiffimmi neqeroorutit akeerutsillugit.

Atuilluartuunissakkut kingunerisinnaasai

Atuilluartumik inuiaqatigiinnik angusaqarniarnermi peqqissuseq pingaaruteqarpoq, tassani innuttaasut timimikkut, eqqarsartaatsikkut inuiaqatigiinnilu akuunermigut atugarissaartuullutik. Kommunip atuilluartuunissakkut suliniutaanut tamanna naapertuulluinnarpoq.

Aningaasaqarnikkut allaffissornikkullu kingunerisinnaasai

Peqqinnermut pinaveersaartitsinermullu politikki naammassineqassappat politikkikkullu anguniakkat piviusunngortinneqassappata, siumut isiginnittumik aningaasanik immikkoortitsinissaq pisariaqassaaq.

Allaffeqarfiup naliliinera

Tusarniaanerit ingerlanneqartut saniatigut, tusarniaanermi akissutinik allakkanik amerlasuunik tiguisoqarnikuuvoq, taakkulu pitsaasuusut akuusoqartorlu takutippaat, aammalu peqqinnissamut pinaveersaartitsinissamullu politikkimut pisariaqartitsisoqarneranik takutitsisuullutik. Tusarniaanermi siunnersuutit agguataarneqarput, aammalu politikkip anguniagaanut tullinnguuttunut ilanngunneqarput (ilanngussaq 1-imi aappalaartumik nalunaaqqapput). Meeqqat, inuusuttut aamma utoqqaat akornanni eqqarsartaatsikkut peqqissuunissap ukkatarineqarnissaa. Peqqinnerulernissamut suliniutaasuni sulisuusut akuutinneqarnissaat aammalu sulisut akornanni ingerlalluarneq qaffasissumik pingaartinneqassasoq. Inuummarissaasut suliaat atugassarititaasunit sinaakkutissatigullu ersarissunik qulakkeerneqassasut. Peqqinnerulernissamik suliniutaasuni kalaallit kulturiat ilaatinneqartassasoq, aammalu meeqqanut, inuusuttunut utoqqarnullu sammisasaqartitsinermi pinngortitaq aallaaviusassasoq. Sungiusaasut amerlisinniarlugit, aammalu nammineq kajumissutsiminnik sulisunut tapersiisoqarnissaa qulakkeerniarlugu sulisoqassasoq. Kommuniip kantiinaataanni nerisaqartitsinermullu aaqqiissutini igaffimmi sulisunik ilinniarsimasunik atorfinitsitsisoqassasoq, taamaalilluni kikkunnet tamanut nerisassat peqqinnartut allanngorartullu neqeroortigineqarsinnaassallutik. Ilaqutariit anguniagarfittut ilanngunneqarnissaat, aammalu katsorsaasarnissat qulakkeerneqassasut.

Peqqinnissamut pinaveersaartitsinissamullu politikkip piviusunnngortinneqarnissaanik suliaqaqqinnermi, ataatsimut isiginnittumik aamma susasaqarfiit tamaasa isigalugit sulisoqassasoq, aammalu peqqinnerulersitsinissamik suliniutini tamani anguniagaqarfiit akuutinneqassasut.

Tusarniaanerni siunnersuutit ataasiakkaat, soorlu kommuniip suliffeqarfiutaani sulisut sungiusartarnissaanik neqeroortut, eqqiluisaarnermut pikkorissarnerit aamma pisortat iniutaanni attartortakkanik tupap pujuinik akiuinissamut siunnersuut, immikkoortup aappaanut ingerlateqqinneqassapput, taanna peqqinnissamut pinaveersaartitsinissamullu politikkip piviusunnngortinneqarnissaanut tunngassuteqarpoq. Immikkoortup aappaani anguniakkat tamarmik anguniakkanut angusassatut allannngortinneqassapput, taamaalilluni anguniakkat anguneqarnissaat qulakkeerneqarniassammat.

Allaffeqarfiup innersuussutaa

Allaffeqarfiup Ilaqutariinnermut Isumaginninnermullu ataatsimiititaliamut aammalu Ilinniartitaanermut, Peqqissutsimut, Kulturimut Sunngiffimmilu sammisanut ataatsimiititaliamut innersuussutigaa

- Tusarniaanermi siunnersuutit ilanngunneqartut ilanngullugit peqqinnissamut pinaveersaartitsinissamullu politikkissatut siunnersuut eqqartorneqassasoq akuersissutigineqassasorlu
- suliaq Kommunalbestyrelsimut inaarutaasumik akuersisassanngorlugu ingerlateqqinneqassasoq.

2018-imi novembarip arfineq-aappaani Ilinniartitaanermut, Peqqissutsimut, Kulturimut Sunngiffimmilu sammisanut ataatsimiititaliap suliamik suliarinninnera

Suliaq akuersissutigineqarpoq Kommunalbestyrelsimullu ingerlateqqinneqarluni, ataani allassimasut ilanngunneqarlutik:

Peqqissaaviup peqataanissamik kissaataa tigulluarneqassasoq kaammattuutigineqarpoq, aammattaq suleqatigiinnermi (akimortumik suleqatigiinnermi) suliniutit kissaatigineqartunut ilusilersorneqarnissaanullu periuseq sunaanersaq ersarissaaq.

Pinaveersaataasumik oqaloqatiginnikkut, Imminut toquttarnerit oqimaaqatigiinnginnerillu pinaveersaartinneqassasut.
Islandimut Paasisassarsiorluni angalanermit pissarsiat politikimi ilangunneqartariaqaruarput.

2018-imi novembarip aqqaneq-aappaani Ilaqutariinnermut Isumaginninnermullu ataatsimiititaliap suliamik suliarinninnera

Suliaq akuersissutigineqarpoq Kommunalbestyrelsimullu ingerlateqqinneqarluni, ataani alalssimasut ilanngunneqarlutik:

- 1) Iliuusissatut pilersaarummi anguniakkanut aningaasaliissutissat malinnaasinnaasariaqarput.
- 2) Imminut toquttarneq tarnikkullu atugarliorneq pinaveersaartitsilluni oqaloqatiginnittarnikkut pinaveersaartinneqassaaq
- 3) Angajoqqaat pisussaaffii ersarinnerusariaqarput ukkanneqarnerullutillu, soorlu meeqqat piffissaq aalajangersimasoq angerlareersimasarnissaat.
- 4) Meeqqat inuusuttuaqqallu inuunermut peqqissumut anguniagaqarfiusumullu akuersaartuussapput (inuuneq ikiaroomartortaqqanngitsoq allatigullu aanngajaarniutinik atuiffiunngitsoq) (maannakkumut allaqqasoq allanngortillugu.
- 5) Innuttaasut minnerunngitsumik inuusuttuaqqat peqataatinneqarnerunissaat
- 6) Peqqinnartunik nerisaqartitsineq qulakkeerneqartariaqarpoq.
- 7) Suliffeqarfinni tupa akiorniarlugu sulisoqassaaq.

Ataatsimiititaliat oqaaseqaataat politikimi anguniagassani ilanngunneqarput (ilanngussaq 1-imi tungujortumik nalunaqqapput) aamma
Islandimi misilittakkat immikkoortoq 2-mi ilanngunneqassapput.

Innersuussut

Ilaqutariinnermut Isumaginninnermullu ataatsimiititaliap aamma Inniartitaanermut, Peqqinnermut, Kulturimut Sunngiffimmi sammisanut ataatsimiititaliap kommunalbestyrelsimit akuereqqullugu innersuussutigaa

- allaffeqarfiup naliliinerani eqqartoneqartut tusarniaanerup ingerlanneqarneranit allannguutit akuersissutigineqassasut
- ataatsimiititaliat oqaaseqaataat, ilanngunneqareersut imaluunniit immikkoortoq 2-mut ingerlaqqittussat akuersissutigineqassasut
- Qeqqata Kommuniata Peqqinnermut pinaveersaartitsinermullu politikissaatut siunnersuut inaarutaasumik akuersissutigineqassasoq

Aalajangiineq

Innersuussut akuersissutigineqarpoq.

Ilanngussat

Ilanngussaq 1 – Qeqqata Kommuniani Peqqinnissamut pinaveersaartitsinissamullu politikissatut siunnersuut

Ilanngussaq 2 – Immikkoortut takussutissartaa

Ilanngussaq 3 - Tusarniutit

Imm. 16 Sivdleq-mut siulersuisunut ilaasortassamik nutaamik qinersineq

Journalnr.: 01.04.49

Sivdleq'-up malittarisassaani § 3 imm. 1 malillugu siulersuisunut ilaasorta q ataaseq kommunalbestyrelsisip toqqassavaa.

Innersuut

Sivdleq-mi siulersuisuni toqqagaasimasooq Ulrik Lyberth tunuarmat nutaamik qinersisoqassaaq.

Aalajangiineq

Sivdleq-mi siulersunut qinerneqarpoq Rutsi Lynge.

Ilanngussaq

1. Sivdleq'-up ileqqoreqqusai

Imm. 17 Maniitsup Katersortarfiata siulersuisuinut ilaasortassanik qinersineq

Journalnr.: 01.04.49

Katersortarfiup peqatigiiffiata siunertaraa ataavartumik isersimaartarfilimmik naammaginantumik ataatsimoorfissaqarsinnaaneq oqalugiartitsinermik, ataatsimiiffiunermik, filmertitsinermik, nalliuttorsiornermik naapeqatigiinnernik kiisalu peqatigiiffinnut aningaasarsiorfittut ingerlatsinissaq. Katersortarfik aqunneqarpoq siulersuisunik tallimanik ilaasortalimmik, taakkunungalu kommunalbestyrelsip aallartitai marluk ilaalersimapput oqaaseqarsinnaatitaallutillu taaseqataasinnaasut.

Kommunalbestyrelsip toqqarpai Magssánnguaq K´ujaukitsok´ (S) aamma Ruth Heilmann.

Magssánnguaq K´ujaukitsok´ illoqarfimmut allamut nuussimammat sinniisussaqaqmanilu, suleqatigiit ilaasortassamik nutaamik toqqaassapput.

Innersuussut

Innersuussutigineqarpoq suleqatigiit Maniitsup Katersortarfiata siulersuisuinut ilaasortassamik toqqaassasut.

Aalajangiineq

Maniitsup Katersortarfiup siulersuisuinut qinerneqarput Paaviannuaq Biilmann aamma Thomas Berthelsen.

Ilanngussaq

1. Maniitsup Katersortarfiata ileqqoreqqusai

Imm. 18 Aningaasaqarnermut ataatsimiititaliap kommunalbestyrelsillu 2019-imi ataatsimiiffissaannut siunnersuutit

Journalnr. 01.01.01

Aningaasaqarnermut ataatsimiititaliap kommunalbestyrelsillu 2019-imi ataatsimiiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikkut/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliap	Kommunalbestyrelsi
19. februar	28. februar
19. marts	
16. april	25. april – 2018-imut naatsorsuutit akuerineri.
21. maj	29. maj
18. juni	
20. august	29. august
17. september – 2020-imut missingersuutit siullermeerner	26. september - 2020-imut missingersuutit siullermeerner
22. oktober – 2020-imut missingersuutit aappassanneerner	31. oktober - 2020-imut missingersuutit aappassanneerner
19. november	28. november
17. december	
	Pisussat allat
	27.-28. august – 2020-imut missingersuutit pillugit isumasioqatiginneq

Allaffeqarfiup innersuussutaa

Ataatsimiiffisat siuliani taaneqartut, aningaasaqarnermut ataatsimiititaliamit kommunalbestyrelsimillu akuerineqassasut qullersaqarfiup innersuussutigaa.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2018 ataatsimiinnerani innersuussut akuersissutigineqarpoq.

Innersuussut

Aningaasaqarnermut ataatsimiititaliap kommunalbestyrelsimut innersuussut akuerissagaa.

Aalajangiineq

Innersuussut akuersissutigineqarpoq.

Ilanngussaq

1. 2019-imut ullorsiutit

Imm. 19 Qeqqata Kommuniani meeqqat inuunerissut pillugit paasissutissiissut

Journal nr. 03.21.00

Tunuliaqutaq

"Qeqqata Kommuniani meeqqat inuunerissut"-ni akimortumik suleqatigiissitat arfinilinnit 2018-imi septembarimi oktobarimilu killiffissiuillutik ataatsimiipput. Oktobarip 26-ani kiisalu novembarip appaani aqutsisoqatigiit ataatsimiipput.

Maleruagasatigut tunngavissat

Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq, kiisalu Meeqqat pisinnaatitaaffii pillugit FN-ip isumaqatigiissutaa 20. november 1989-meersoq.

Pissutsit atuuttut

2017-imi oktobarip 18-iani Meeqqat illersuisuata angalanermut tunngatillugu nalunaarusiaa tunngavigalugu, Qeqqata Kommuniani suliniut meeqqat inuunerissut aallartinneqarpoq. Meeqqat pisinnaatitaaffii pillugit Naalagaaffiit Peqatigiit isumaqatigiissutaa aallaavigalugu, nalunaarusiami innersuussuterpaaluit saqqummiunneqarput.

Nalunaarusiaq tamanut saqqummiunneqarneranit, Ilaqutariinnut Immikkoortortamit, Ilinniartitaanermut immikkoortortamit, meeqquerivinnit, atuarfinit, sunngiffimmi ornittakkanit, MISI-mit, Politiinit, peqqinnissaqarfimmit, nunaqarfinni atuarfinit, nunaqarfinnilu meeqquerivinnit inuttalerlugit suleqatigiissitat arfinillit, MIO-p innersuussutai sulissutigaa.

Akimortumik suleqatigiissitat taakku arfinillit nalilersuineri aallaavigalugit maanna suliniut pillugu ukiumut killiffik suliarineqareerpoq. Aqutsinissami atugassaq, aaqqissuussaanermi takussutissiaq kiisalu suleqatigiinnit tamanit nalilersuinerit takussutissartaat suliarineqarput.

Ataatsimut isigalugu suliniummik, akimortumillu suleqatigiinnissaq suleqatigiinnut piffissarnortarlunilu unammillernarsimasoq takusinnaavarput. Suleqatigiinni ilaasortarpaaluit ingerlatsinermik suliaqarnermik sungiussisimapput, nutaamillu eqqarsarsinnaaneq, suleriaatsimillu pitsangorsaamissamik eqqarsarnissaq ilinniartussaasimallugu.

Suliniutit pitsaasut arlallit ingerlanneqarput, arlallillu pilersaarusiorneqaleruttorlutik. Taamaakkaluartoq suliniuterpaaluit suli suliarineqanngillat. (takuuk takussutissiaq)

Suliniutit qassiunerinik takussutissiaq (ilanngussaq 1)

	Suliniutissat	Pilersaarutigineqartut	Ingerlavoq	Nassuiaat
Suleqatigiit 1	22	9	7	Suleqatigiinni imaqarniliortoq allanngussaaq
Suleqatigiit 2	27	14	9	Suliassat Sisimiut Maniitsullu akornanni agguataarneqarput
Suleqatigiit 3	16	5	2	Ataqatigiissaarisooq napparsimasooq, imaqarniliortoqaratillu
Suleqatigiit 4	10	7	3	Suleqatigiit imaqarniliortoqalissapput
Suleqatigiit 5	17	6	5	Ataqatigiissaarisooq tunuarnikuuvooq

**Kommunalbestyrelsip novembarip 22-ani 2018-imi ileqquusumik ataatsimiinnerata 07/2018
imaqarniliornera**

Suleqatigiit 6	18	9	3	Ataqatigiissaarneqarnissaa amigaataanikuuvoq
Killiffik katillugu	110	50	29	

Suleqatigiit assigiinngitsutigut unammillernartitaqarsimapput, taamaakkaluartorli suliniutit 45 procentii pilersarusiorneqarput, 26 procentiilu innuttaasunit iluaqutissaallutik.

Atuilluartuunissakkut kingunerisinnaasai

Kommunip suliniutaa "Qeqqata Kommuniani meeqqat inuunerissut" pingaarnerutinneqarneratigut, Qeqqata kommuniani meeqqat inuusuttullu inuunerminnik pitsaasumik toqqissimanartumillu aallartitsinissaannut ingerlallualernissaannut, inuiaqatigiinni siunissatsinnut atuilluatumik qulakkeerinneqataassaaq.

Aningaasaqarnikkut allaffissornikkullu kingunerisinnaasai

Suleqatigiit suliniutaat piviusunngortinneqassappata, aningaasanik immikkoortitsisoqartariaqarpoq. Suliniutinit 50-iusunut 17-it suleqatigiinnit suliarineqartut, ingerlateqqinnissaannut aningaasat amigaatigineqarput.

Ineriartortitsinissami suliniutit pingaarutillit aningaasasaqartinnissaat pillugu ataatsimoorussamik qinnuteqaasiortoqassanersoq eqqarsaatigineqarpoq.

Allaffeqarfiup naliliinera

Allaffeqarfik naliliivoq, pissutsit taamaakkaluartut suliniut ingerlallualereersoq. Suliniutit arlallit kingunerisaannik suleriaaseq pitsanngorpoq, ingerlatsinermilu suliat arlallit pitsanngornikuullutik. MIO-p angalanermini nalunaarusiamigut innersuussutaasa atuutsilersinneqarnissaat iluatsissappata, suliniummut aningaasasaqarnissaq qulakkeerneqartariaqarpoq.

Allaffeqarfiup innersuussutaa

Allaffeqarfiup Ilaqtariinnermut Isumaginninnermullu ataatsimiititaliamut aammalu Ilinniartitaanermut, Peqqissutsimut, Sunngiffmimi sammisanut Kultureqarnermullu ataatsimiititaliamut innersuussutigivaa,

-meeqqat inuunerissut pilugit paasissutissiissut tusaatissatut tigin eqqassasoq

Ilaqtariinnermut Isumaginninnermullu ataatsimiititaliap aammalu Ilinniartitaanermut, Peqqissutsimut, Sunngiffmimi sammisanut Kultureqarnermullu ataatsimiititaliap suliamik suliarinninnerat

Ataatsimiititaliat 2018 novembarip 15-iani ataatsimiinnerminni paasissutissiissut tusaatissatut tiguaat oqaaseqaatit ilanngullugit.

Innersuussut

Ilaqtariinnermut Isumaginninnermullu ataatsimiititaliap aammalu Ilinniartitaanermut Peqqissutsimut, Sunngiffmimi sammisanut Kultureqarnermullu ataatsimiititaliap Kommunilbestyrelsimut innersuussutigivaat akuereqqullugu,

-meeqqat inuunerissut pilugit paasissutissiissut tusaatissatut tigin eqqassasoq

Aalajangiineq

Paasissutissiissut tusaatissatut tiguneqarpoq, piumasarineqarlunili suliat piareeqqasut piaartumik aallartinneqassasut aningaasallu amigaatigineqartut qinnutigineqassasut.

Ilanngussat

- 1) Suliniutip nassuiaataa
- 2) Suliniutip takussutissartaa
- 3) Aaqqissuussaannerup takussutissartaa
- 4) Suleqatigiinnit taakkunannga arfinilinnit naliliinerit

Imm. 20 Sanaartornermi naatsorsuutit, Sisimiut + Kangerlussuaq

Journalnr. 06.03.03

Tunuliaqutaq

Sanaartornermi suliassanut tullinnguuttunut naammasseriikkanut sanaartornermi naatsorsuutit sularineqarnikuupput:

- Utoqqarnut inissiat aqqaneq-marluk, Nikkorsuit B-2064, Sisimiut
- Sisimiuni asfaltiorfik nutaaq,
- Kangerlussuarmi Illorput pingasut 2015-imi tunniunneqartut, B-2067, B-2068 aamma B-2069,
- Kangerlussuarmi Innuttaasunik sullissivimmi B-1757-imi illup qaava assigiimmik sivinganilik.
- Kangerlussuarmi Qinngutta Atuarfia B-1769, silataanik qalipaaneq
- Kangerlussuarmi Timersortarfik B-1727, nutaamik qalissialersuineq

Maleruagasatigut tunngavissat

Sanaartukkanut sanaartornermut naatsorsuusiortoqartartussaavoq. Sanaartornermi naatsorsuutit Teknikkeqarnermut, Aatsitassarsiornermut Avatangiisinullu ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput, malitsigisaanillu kukkunersiuisunit atsiorneqarlutik.

Pissutsit atuuttut

Sanaartukkat tullinnguuttut arfinillit naammassineqareerlutik atorineqalereerput:

Atuiffik 70-49-10 12 Nikkorsuarni Utoqqarnut inissiat B-2064, Sisimiut

atuiffik 72-01-11 Sisimiuni asfaltiorfik innaallagissamullu attavik nutaaq,

Atuiffik 70-62-32 Illorput 2100 Kangerlussuaq, pingasut B-2067, B-2068 aamma B-2069.

Atuiffik 71-07-30 Kangerlussuarmi Innuttaasunik sullissivimmi B-1757-imi illup qalia assigiimmik sivinganilik nutaaq,

Atuiffik 75-02-30 Kangerlussuarmi Qinngutta Atuarfia B-1769, silataanik qalipaaneq

Atuiffik 75-02-31 Kangerlussuarmi Timersortarfik B-1727, nutaamik qalissialersuineq.

Atuiffiup taaguutaa	Sanaartornissami aningaasaliissutit,	Sanaartukkanut aningaasartuutit	Nikingassut
Utoqqarnut inissiat aqqaneq-marluk, Nikkorsuit B-2064, Sisimiut	15.970.000 Kr. QK + 8.577.750 DB	24.204.768,67 kr.	+2,1 %
Sisimiuni asfaltiorfik nutaaq	14.000.000 Kr. QK	14.023.647,32 kr.	-0,2 %
Kangerlussuarmi Illorput pingasut, 2015-imi tunniunneqartut	3.300.000 Kr. QK + (500.293 DB)	3.861.143,60 Kr + (500.293 DB)	-17%
Kangerlussuarmi Innuttaasunik sullissivimmi illup qalia assigiimmik sivinganilik	700.000 Kr. QK	794.300,00 kr.	-13%
Kangerlussuarmi Qinngutta Atuarfia, silataanik qalipaaneq	207.000 Kr. QK	188.000,00 kr.	+9,2 %
Kangerlussuarmi Timersortarfik, nutaamik qalissialiineq	637.000 Kr. QK	579.000,00 kr.	+9,1 %
KATINNERA	43.892.043 kr.	44.151.153 kr.	-259.110
Nikingassutit katillugit	Aningaasaliissutinit procentinngorlugu atuiallaarneq katillugu		-0,6%

67

Nikingassutit siulequtaasa isumaa, - = sippuilluni atuineq, + = minnaarilluni atuineq.
Aningaasaliissutit: QK = Qeqqata Kommunia, DB = Ineqarnermut Naalakkersuisoqarfik,
Namminersorlutik Oqartussat.

Atuilluartuunissakkut kingunerisinnaasai

Sanaartornermut tunngasut naatsorsuusiorneqarnissaat kukkunerisuiusunit piumasarineqarpoq.

Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunerisuiusunit akuerineqartussat.
Sanaartugassatut suliaasani atuivallaarnerit karsimiittuutinit akilerneqassapput.

Allaffeqarfiup naliliinera

Sanaartornermi naatsorsuutit eqqortuusut nalilerneqarpoq. Suliani arfiniliusuni tamani nakkutilliineq sanaartornermilu aqutsineq kommunimit suliarineqarnikummat oqaatigineqassaaq, suliami akissarsianut aningaasartuutit sulii sanaartornermi atuiffimmut nuutsinneqanngimmata.

Sisimiuni Nikkorsuarni utoqqarnut inissiani B-2064-imi atuivallaarneq, pilersaarummik suliariumannittussarsiuussinermi nalilerneqartummiit toqqavimmi immikkut aningaasartuutiniq siumut ilisimangisat ikinnerunerannik peqquteqarpoq. Sanaartornermi aningaasartuutit katillugit m2-mut 20.299 koruuniupput, tamannalu sanaartorfigissaanermut aningaasartuutit annikinneruneri pissutaallutik sanaatornermut allanut sanilliullugu annikineruvoq.

Siusinnerusumut sanilliullugu asfalterifimmi nutaami sunniutigisanik atuinera annertunerunera naapertorlugu, Sisimiuni Asfalterifimmut nutaamut atuineruneg innaallagissamut ikkuffik taarsertariaqarsimanerannik patseqarpoq.

Kangerlussuarmi Illorput pingasut 2015-imi tunniunneqartuni atuivallaarneq, inissianik pingasuusunik sanaartornermik ingerlatsinissamut pisariaqartutut takutitsisup missiliuut A 2016-imi februaarip tallimaaneersup aningaasartaa 2016-imi februaarip 18-iani missingersuutiniq iluarsiissuteqarnermi nuunneqarsimannginnerannik patsiseqarpoq. Illunut sanariaannarnut kommunimut aningaasartuutaanikut tasaanikuupput sanaartorfigissaaneq aammalu sananermi sanasunut aningaasartuutit. Sanaartornermut atortussat, imarpikkut assartuineq aammalu akunnermut akissarsiaasanut mandetiminut 50 procentinik tapiissuteqarluni Namminersorlutik Oqartussat akiliuteqarnikuupput.

Kangerlussuarmi Innuttaasunik sullissivimi illup qalianik assigiimmik sivinganilimmik atuineruneg, qaliarpaami ikaarfissiaq aammalu alakkarterinermi ammartarfik suliniummi suliariumannittussarsiuussinermi ilanngunneqarsimannginnerannik patsiseqarpoq.

Kangerlussuarmi Qinguata Atuarfiata silataanik qalipaannermi atuinikinneruneg, immikkut suliaasanut siumut ilisimangisanut aningaasartuutit annikinnerusimanerannik patsiseqarpoq.

Kangerlussuarmi Timersortarfimmut nutaamik qalissialersuinermi atuinikinneruneg, immikkut suliaasanut siumut ilisimangisanut aningaasartuutit annikinnerusimanerannik patsiseqarpoq.

Missingersuutini sinaakkutinit ataasiartumik qaanngiineq annerpaat Kangerlussuarmi Illorput-ni pingasuusunik sanaartornermik ingerlatsinissamut pisariaqartutut takutitsisup missiliuut A 2016-imi

februaarip tallimaaneersup aningaasartaa 2016-imi februaarip 18-iani missingersuutunik iluarsiissuteqarnermi 760.000 koruunit nuunneqarsimanngininneranik patsiseqarpoq. Sanaartugassatut suliasani arfiniliusunut katillugut tamakkiisumik aningaasaliissutaasunit 43.898.043 koruuniniit taamaallaat 259.110 koruunit 0,6 procent missingersuutitigut qaanngiinerupput.

Allaffeqarfiup innersuussutaa

Teknikkeqarnermut, Aatsitassarsiornermut Avatangiisinullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq,

- sanaartornernut naatsorsuutit arfiniliusut akuersissutigineqassasut

Teknikkeqarnermut Aatsitassarsiornermut Avatangiisinullu ataatsimiititaliap suliamik suliarinninnera

Ataatsimiititaliap novembarip 6-iani 2018 ataatsimiinnermini innersuussut akuersissutigivaa.

Innersuussut

Teknikkeqarnermut Aatsitassarsiornermut Avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- sanaartornernut naatsorsuutit arfiniliusut akuersissutigineqassasut

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-iani 2018 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- sanaartornernut naatsorsuutit arfiniliusut akuersissutigineqassasut

Aalajangineq

Innersuussut akuersissutigineqarpoq.

Ilanngussaq

Tullinnguuttunut sanaartornernut naatsorsuutit:

Ilanngussaq 1, 70-49-10 12 Sisimiuni Nikkorsuarni utoqqarnut inissiat aqqaneq-marluk B-2064,

Ilanngussaq 2, 72-01-11 Sisimiuni asfaltiorfik nutaaq innaallagissamullu ikkuffik,

Ilanngussaq 3, 70-62-32 Kangerlussuarmi Illorput 2100 pingasut B-2067, B-2068 aamma B-2069.

Ilanngussaq 4, 71-07-30 Kangerlussuarmi Innuttaasunut sullissivimmi B-1757-imi nutaamik assigiimmik sivinganilimmik qalissialersuineq,

Ilanngussaq 5, 75-02-30 Kangerlussuarmi Qinngutta Atuarfia B-1769, silataanik qalipaaneq,

Ilanngussaq 6, 75-02-31 Kangerlussuarmi Timersortarfik B-1727, nutaamik qalissialersuineq

**Imm. 21 Kommunit ataatsimoorussamik eqqagassalerinissaanni selskabimik
pilersitsinissaq pillugu innersuussut**

Journalnr. 81.01

Tunuliaqutaq

Teknikkeqarnermut, Aatsitassarsiornermut Avatangiisinullu ataatsimiititaliap, Aningaasaqarnermut ataatsimiititaliap kiisalu kommunalbestyrelsip ukioq manna tulliuttut akuersissutiginiuuai:

- Kommunit 2019-imut missingersuutunik suliaqarnissaminnut attuumassuteqartumik kommunit ataatsimoorussamik eqqagassalerinermut aamma ikuallaaveqarnermut periusissiaat (ilanngussaq 3) pillugu allakkiat tusaatissatut tiguneqassasoq
- Kommunit aamma Namminersorlutik Oqartussat akornanni sanaartornermut aningaasartuutunik agguataarineq pillugu politikikkut isumaqatiginninniarnert aallartinneqassasut
- Sanaartornermut aningaasaliissutunik agguataarineq pillugu politikikkut isumaqatiginninniartoqareerpat, allannguutaasinnaasut ilanngullugit allakkiat (ilanngussaq 3) imarisaanut Qeqqata Kommuniam aallaavittut imminut pisinnaatissasoq.

Politikkikut ataqatigiissarisut 2018-imi septembarip 25-ani ataatsimiinnerini aalajangiunneqarpoq: Ataatsimoorussamik eqqagassalerinissami kommunit selskabimik pilersitsissasut.

Selskabi assigiinngitsunik siunertaqarnissaa, matumani sanaartortitsisoqarnissaa, pilersarusiornermut atatillugu sinniisoqarnissaa, kingusinnerusukkullu tulliuttut sanaartorneqarnissaat naatsorsuutigineqarmat, massakkut selskabimik pilersitsisoqartariaqarpoq:

1. Nuummi eqqakkanik katersuivik
2. Sisimiuni ikuallaavik
3. Nuummi ikuallaavik
4. Qaqortumi uuliakunik ikuallaasarneq
5. Aasianni uuliakunik ikuallaasarneq
6. Maniitsumi uuliakunik ikuallaasarneq

Siuliani taaneqarluni sanaartortitsinissami kommunit ataatsimoorullugu immikkuualuttunik pilersarusiornissaannut Naalakkarsuisut Avatangiisinut aningaasaateqarfimmit 6 mio. koruuninik tapersiinnissaa, selskabimik pilersitsinissami pisariaqarpoq – takuuk ilanngussaq 1 ”Ikuallaavimmut immikkuualuttunik pilersarusiornissamut aningaasaliinissaq pillugu Namminersorlutik Oqartussanit allakkat”.

Namminersorlutik Oqartussanit tapiineq una taamaallaat pilersarusiornermut naatsorsuussaavoq, selskabimik pilersitsinermi ingerlatsinermut pinnani.

Tamatuma saniatigut naatsorsuutigineqarpoq, selskabi kommunini eqqagassalerinermi teknikerinik suleqateqarluni eqqakkanik tigooraasarnermi nassiussisarnermilu ersarissunik periusissioqataassasoq, soorluttaaq uku pillugit selskabi isumaqatigiissuteqarnissaanut pisinnaatinneqassasoq: avataani suleqatissaasunik sanaartortitsinissami avataanit aningaasaliinissaq, ingerlatsinermi isumaqatigiissutit, eqqakkani assartuinissaq, nukissiutunik atuilluarnissamut il.il. isumaqatigiissutit.

Eqqagassalerinerup 2018-imit isumagineqalernissaa pillugu kommunit ataatsimoorullugu innersuussutigisaat, maannalu selskabimik pilersitsinissami aallaaviusoq, politikikkut ataqatigiissaarisut siuliani taaneqarluni aalajangiinissaani aallaaviuvoq.

Maleruagasatigut tunngavissat

Atuiffik 6-imut, matumani ikuallaavimmut ingerlatsinermut tunngasunut kommuni akisussaavoq. Kiassaateqarfinnik ingerlatsinermut aserfallatsaaliinermullu - kiisalu kiammik pilersuinerup Nukissiorfiit akisussaapput.

- Kommunip pigisani nammineq aserfallatsaalisussaavai.
- Kissamik innaallagiarlu atorlugu kissaq pillugu Nukissiorfiit tunniussinissamut piumasaqaataat.
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.

Pissutsit atuuttut

Sisimiuni aamma ikuallaaviit sinnerini pissutsit atuuttut 2018-imi maajimi TAAA-mi, AA-mi aamma Kommunalbestyrelsimi kommunit ataatsimoorussaannik imaluunniit kommunip pigisaanik ikuallaavimmi aningaasaqarnikkut pissutsit pillugit paasissutissiissummi" nassuiarneqarput.

Atuilluartaunissakkut kingunerisinnaasai

Sanaartornissamut aningaasaliinissat pisariaqartut ilanngussaq 3-imi kommunit ataatsimoorumik allakkiaanni taaneqartut, ingerlatsinermi aningaasanut tunngasut ilanngullugit nuna tamakkerlugu eqqagassanik suliaqartarnerup atuilluartoq piviusunngortinneqassappat kommunit ataatsimoorumik suleqatigiinnissat pisariaqarpoq, nunap innuttaasa amerlassusaannut sanilliullugu ikummatissanik imerpalasunik tikiorartitsinermut aningaasat annertuut ikilisarnissaanut peqataallunilu annikinnerusumik mingutsitsisussaq.

Ilutigalugu Kalaallit Nunaat tamakkerlugu ataatsimoorussamik eqqagassalerinissami avatangiisitigut iluaqutissaqangaatsiarloq nalilerneqarpoq.

Aningaasaqarnikkut allaffissornikkullu kingunerisinnaasai

Naatsumik oqaluttuaralugu aningaasaqarnikkut kingunissai tullinnguuttutut issapput, piginnittut aningaasalersugassaannik aningasaliisoqartussaanerit tamaasa piginnittut/kommunit selskabemut qinnuteqartassasut akuerineqarlutillu.

- Selskabemik pilersitsinissami nalilinnik pigisaqarnissaq pisariaqarnissaa piumasaqarpoq, pilersitsinermi aningaasartuutaasut saniatigut selskabemik aallartitsinermut atatillugu sulisunut aningaasartuutinut il.il. matussusiiisussanik. Kommunit allaffeqarfiit tamakkerlutik politikkeriminnut innersuussutigivaat, kommunit tamarmik immikkut assigiimmik 400.000 koruuninik, katillugit 2 mio. koruuninik aningaasaliissasut. Qeqqata Kommunian 2019-imut missingersuutinik aappassaaneerinninnermini kommunit ataatsimoorussaannik ikuallaavissamut missingersuutini 500.000 koruuninik akuersissuteqarnikuuvoq.
- Selskabe pilersinneqarnerata kinguninngua Selskabe aallaqaammut Namminersorlutik Oqartussat avatangiisinut aningaasaateqarfianniit siunertamat atugassiaareersunit 6 mio. koruuninik qinnuteqarsinnaassaaq. Taamaaliornikkut aallartinnermiit selskabe pitsaasumik aningaasaateqassaaq, taamaattorli taamaallaat pilersaarusionermut atorneqarsinnaassallutik. Pilersaarusionermut aningaasartuutaqqissinnaasut siulersuisut qinnuteqarnerisigut, kommunini matuneqartariaqarput.

- Ikuallaaviit marluusut sananeqarnissaata tungaanut naatsorsuutigineqartariaqarpoq, kommunimi ataatsimi sinaakkutaasut iluanni Selskabep aqutsisut inissikkallarneqarnissaat. Taamaattumik tassunga taasarialimmik aningaasartuuteqarnaviangilaq.
- Ikaarsaernerup ingerlanerani Selskabep aqutsisussai pisortaaneqarlutillu pingaarutilinnik sulisussat piffissap affaani ullorluunniit nallugu atorfinitsinneqassanersut siulersuisut toqqartariaqarpaa. Ikuallaavissat nutaat marluusut atulivinnissaata tungaanut nunalu tamakkerlugu eqqagassanik tiguisinnaalernissaasa tungaanut, Nuummi eqqagassanut katersuiffiugallartussamik sanaartortoqassasoq, kommunit ataatsimoorussamik allakkiaanni inassutigineqarpoq. Taamaalilluni Nuummi umiarsualivimmi toqqorsivimmik kiassagaanngitsumik sanaatornissamut aningaasanik pisariaqartunik selskabep aqutsisui qinnuteqartariaqarput. Nalornissuteqarneq aamma ikuallattooratarsinnaanermut piumasqaatit pissutaallutik, piffissami matumani missiliuummik soqanngilaq. Kommunit eqqagassaatininnik peersinissamut pisariaqartitsisut, utaqqiisaa eqqagassanut katersuivimmut eqqagassaatic nassiussinnaavaat.
- Pilersarusiornerup kingorna sanaatornissamut aningaasalissutissat pisariaqartut eqqornerusumik paasineqassapput, piffissami matumani ilanngussaq 3 "Kommunit ataatsimoorussannik eqqagassalerinermut aamma ikuallaaveqarnermut periusissiaq pillugu kommunit ataatsimoorussamik allakkiaat" malillugu Sisimiuni Nuummilu kommunit ataatsimoorussamik ikuallaavissaannut angeqatigiinnut katillugit 2 x 180 mio. koruuninik naleqartussaq.
- Pilersarusiornermut atatillugu Nukissiorfinnut kissamik tunisinissamut ikuallaaviit tunniussinnaasaviini paasissutissanik tutsuiginarnerusunik pissarsisoqassaaq, maannakkut uuliakumik ikuallaanermi akigititaasumik tamakkiisumik atuinermi Sisimiuniinnaq, tak. ilanngussaq 3, 21 mio. koruuninik ukiumut isertitaqarsinnaaneq periarfissaqartoq. Nuummi kissamik tunisisinnaanermut periarfissat selskabep aqutsisorilerumaagaanit Nukissiorfiit peqatigalugit misissorneqassaput, soorluttaaq selskabep aningaasaqarneranut annertuumik sunniuteqarumaartut.
- Selskabep aqutsisuisa misissussavaat, kissamit tunisanit isertitat ilanngullugit kommunit maannakkut eqqagassalerinermut missingersuutaasa selskabep ingerlatsinermut aningaasartuutaanik immaqalu sanaatornermut aningaasaliissutigisassaatur naatsorsuutigisat qanoq annertutiginersut. Tamatuma kingorna aningaasaliissutit matuneqarnissaanut aningaasat annertussusissaannik selskabe takkussaqaarsinnaavoq.

Kommunit ataatsimoorullugu allaffissornikkut suleqatigiinnerinit innersuussutigineqarpoq, kommunit ataatsimoorullugu eqqagassalerineq pillugu selskabissaat aktieselskabisut pilersinneqassasoq, tassungalukommunit akisussaassusilimmik taarsigassarsianik aningaasaliissuteqassallutik.

Selskabi qullersaqarfimmit ingerlanneqassaaq, qullersaqarfillu selskabimi siulersuisunut qaninnertut qullersaqassalluni.

Kommunit tamanit, Namminersorlutik Oqartussaniillu sinniisunit siulersuisut arfineq-marlunnik ilaasortaqqassasut innersuussutigineqarpoq:

Kommuniti ataasiakkaani kommunimi pisortaanerup, taassumaluunniit sinniisaata inissat tallimat agguataassavai, aammalu Namminersorluni Oqartussanit avataanilluunniit aggersakkanik arlalinnik aggersaasoqartarsinnaavoq.

Selskabimi aqutsisussat ataqatigiissaarneqarnissaasa tungaannut, suliaqartunik ataatsimiittarnissani sinniisussamik siulersuisut toqqaasariaqarput, tamannallu selskabip tungaanniit piaartumik isummerfigineqartariaqarluni.

Selskabip allaffissornikkut aningaasaqarnikkullu suliaassai tigussaasut ilaatigut makkuussapput:

- A. Sumiiffinni kommunalbestyrelsinut allaffissornikkut innersuussuteqassasut, Selskabemik pilersitsineq pillugu kommuni ataatsimoorussamik qullersaqarfeqarfiannut kommunimi pisortaaneq sinniisussatut toqqarneqarnissaa pillugu kommunalbestyrelsit ataasiakkaat toqqaqqullugit, aammalu pineqartup ingerlaannarnissaanut pisinnaatinneqassasoq imaluunniit selskabemut pilersitsinerup nalaanut atatillugu siulersuisuni ilaasortassatut toqqaasinnaassasoq.
- B. Kommunit ataatsimoorussamik selskabemut qullersaqarfiat kommuninit ataasiakkaanit sinniisutut toqqakkanik inuttalersorneqassaaq, aammalu Selskabemik pilersitsissaguni allaffissornikkut suliaassanut attuumassutilinnut tamanut selskabemut pilersitsinermut uppersaammik malittarisassanullu siunnersuummik suliaqarluni. Kommunit ataatsimoorussamik qullersaqarfeqarfiannit selskabe pilersinneqassaaq.
- C. Selskabemik piginneqatigiiffiusumik pilersitsinermut pilersitsinermi uppersaat, takuuk selskabep piginneqatigiiffiusup pillugit inatsit, ilaatigut malittarisassanut siunnersuummik imaqartinneqassaaq. Malittarisassat ilaatigut Selskabep atia aamma selskabep qullersaqarfia sumi kommunimi inissisimatinneqarnissaa pillugu paasissutissanik imaqartinneqassaaq. Kommunit ataatsimoorussamik qullersaqarfeqarfiat isumaqatigiippoq, Selskabep atissaa angerlarsimaffissaalu pillugit aalajangiinissaaq Selskabep pilersinneqarnissaata tungaanut utaqqisinneqassasoq. Taakku saniatigut kommunit ataatsimoorussamik qullersaqarfeqarfiata nalilerpaa, malittarisassani qullersaqarfimmut pisortatigut najugarisaaq allanneqassasoq, aqutsisoqatigiit tassunga inissinngikkaluarlugit.
- D. Kommunit ataatsimoorussamik innersuussutai malillugit selskabip siunissami qaninnerusumi ungasinnerusumilu suliaassai pillugit pingaarnertut sinaakkutissat piffissaliussassarlu piaartumik sulissuteqartariaqartumi, selskabimi siulersuisussanik toqqaanissaaq.
- E. Selskabip aqutsisuisa suliffissaat sumiissanersooq siulersuisut aalajangissavaat.
- F. Ikuallaavissap pilersaarusiornissaanut, Namminersorlutik Oqartussat avatangiisinut aningaasaateqarfiannut siulersuisut qinnuteqassapput.
- G. Selskabip pilersinneqarnissaanut qullersaqarfimmi sulisussat, selskabimilu sulisut pingaarutillit atorfinitsinneqarnissaannut kiisalu siunnersortinut/advokatinut il.il. aningaasartuutissat matussutissaannik siulersuisut kommuninut, ilaatigullu illup avataanut aningaasanik piaartumik qinnuteqassapput. Taamaalilluni ikuallaaviup nutaap nalinginnaasumik ingerlanneqarnissaata tungaanut ikaarsaariarnermi suliniutissaaq ilusinikkiartulersinnaassaaq.
- H. Siunissami qaninnerusumi ungasinnerusumilu (ikuallaavissuarnut marluusunut ikaarsaarnissaaq sioqqullugu kingornalu) selskabip aaqqissugaaneraniq titartagartassaanik, matumani atorfiit amerlassusiligaaneraniq, pisinnaatitaaffiit kiisalu qullersaqarfiup siulersuisullu suliaassaasa agguataarneqarnissaat ilanngullugit, selskabip qullersaqarfia siunnersuusiussaaq.
- I. Qullersaqarfimmi sulisussat atorfinitsinneqarnissaasa tungaannut, Namminersorlutik Oqartussanik ataqatigiissarinissaaq pillugu ataatsimiittarnerni siulersuisut ataatsimeeqataasassapput.

- J. Pilersaarusiornissamut atatillugu, kingusinnerusukkullu Sisimiuni Nuummilu ikuallaaviit sanaartornissaanni qullersaqarfik sanaartortitsisutut aallarniillunillu sanaartornerik nakkutilliissaaq.
- K. Kapitali 5-imi Sisimiuni Nuummilu sanaartortitsinissamut qullersaqarfik qinnuteqaasiussaaq.
- L. Nuummi eqqakkanik tigooraavissat pilersaarusiorneqarnissaa, kingusinnerusukkullu sanaartortinneqarnissaanni qullersaqarfik sanaartortitsisuussaaq.
- M. Kommunit selskabillu akornanni tunisinermi isumaqatigiissutit atuuttut tunniunneqarnissaat qullersaqarfiup akisussaaffigissavaa, matumani avataaniit kissamik tunisisarnissaaq kiisalu selskabip siunissami allatigut isertissinnaasaasa ujartorneqarnissaat, tunisinissamilu isumaqatigiissutit ilanngullugit.
- N. Avataaniit kissamik pilersuiviit naleqqussarneqarnissaat annertusineqarnissaallu, Sisimiuni Nuummilu ikuallaavissat ikuallaasinnaassusissaat kiisalu illoqarfiit uuliakunik ikuallaaviusartussat pillugit suleqatigiinnissamik isumaqatigiissusiornissat qullersaqarfiup akisussaaffigissavai.
- O. Selskabip siunissami pigisassai nalilinnit sanaartortitsinissap aningaasalersorneqarnissaata agguataarneqarnissaannut qullersaqarfik siunnersuusiussaaq, soorluttaaq siunissami avataanit kissamik pilersuinermit isertitassatut naatsorsuutigineqartut naatsorsuutitut ilanngunneqassanersut imaluunniit ingerlatsinermi aningaasartuutitut matussutaaginnassanersut isummerfigalugu.
- P. Ingerlatsinermi aningaasartuutitut kommunit aningaasartuutissaannut, qullersaqarfik siulersuisunut siunnersuusiussaaq. Innuttaasut amerlassusaat, assigiimmik akeqartitsinissaaq il.il. eqqarsaatigalugit nammaqatigiinnissaaq il.il. saqqummiunneqassapput.
- Q. Qaqortumi, Aasianni Maniitsumilu uuliakunik ikuallaavissat pilersaarusiorneqarnissaannut, kingusinnerusukkullu sanaartorneqarnissaannut siulersuisut sanaartortitsisuussapput.
- R. Kapitali 5 -imi, Qaqortumi, Aasianni Maniitsumilu sanaartortitsinissami qinnuteqarnissaaq (illoqarfinni pineqartuni oqartussanik akuutitsineq).
- S. Selskabit nalinginnaasumik ingerlanneqarnissaata tungaanut, eqqagassalerinissap atuutsilersinneqarnissaannut pilersaarutip suliarineqarnissaa.
- T. Kommunini ingerlatsinermut immikkoortortat suleqatigalugit immikkoortiterisarnissaaq, poortuisarnissaaq, eqqakkallu assartorneqarnissaannut poortoreerlugit tunniunneqartarnissaat pillugit ersarinnerusumik nassuiaasioqarfiit ilitersuusiorterlu.
- U. RAL, Nukissiorfiit tuniniaasartullu allat peqatigalugit illugiilluni ataatsimiittarnissat isumaqatiginninniartarnissallu.

Kapitali 5, suliffeqarfik immikkut ittumik mingutsitsisussaavoq, taamaattumillu Namminersorlutik Oqartussat avatangiisinut immikkoortortaanit immikkut akuersissuteqartariaqarluni. Ikuallaavik, eqqakkanut inissiiviit, uuliakunillu ikuallaaviit kapitalimi 5-imi suliffeqarfiit pineqarnerini pineqarput.

Allaffeqarfiup naliliinera

Siuliani allassimasut tunuliaqutaralugit Teknikkimut Avatangiisinullu Immikkoortortap, kommunillu sinnerini teknikkimut ingerlatsiviit innersuussutigaat, tulluuttut qulakkeerneqarnissaat siunertaralugu kommunit ataatsimoorussaannik eqqakkat pillugit selskabimik pilersitsisoqassasoq:

- Suliniutip piviusunnigortinneqarnissaannut inatsisitigut akisussaasussaaq, matumani missingersuutit atuuttut missingersuutaajumaartullu, suliniummullu tunngatillugu aningaasalersuinissamut tunngasut ilanngullugit.

- Kommunit ataatsimoorussamik innersuussutai malillugit selskabip siunissami qaninnerusumi ungasinnerusumilu suliaasai pillugit pingaarnertut sinaakktissat piffissaliussassarlu piaartumik sulissuteqartariaqartumi, selskabimi siulersuisussanik toqqaanissaq.

- Selskabip suliaannik piviusunngortitsisinnaasunik, qullersaqarfimmi suligallartussanik, aalajangersimasumilluunniit atorfinitsinneqartussanik, sulisunillu pingaarutilinnik siulersuisut atorfinitsitsissapput.

Tamatumani selskabimi aqutsisussanik atorfinitsitsinissami, massakktut eqqagassalerinermi siunissami eqqagassalerisarnissamat ikaarsaariarnissaq qulakkearniarneqarpoq.

Teknikkeqarnermut, Aatsitassarsiornermut Avatangiisinullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq, Qeqqata Kommuniani kommunimi pisortaaneq selskabip siulersuisuini ilaasortaanissaminut pisinnaatinneqassasoq imaluunniit Qeqqata Kommunian sinnerlugu allaffeqarfimmit siulersuisunut ilaasortassamik kommunimi pisortaaneq toqqaasinnaatinneqassasoq.

Maniitsoq ilanngullugu illoqarfiit uuliakumik passussisinnaasut eqqarsaatigalugit, illoqarfinni anginerusuni, ikuallaavinnik nutaanik pisaartussaasuni pisaartussanngitsunilluunniit imaluunniit erngup nukinga atorlugu nukissamik atuilluartumik tuniorarneqanngitsut, siunissami nukissamik atuilluartumik pilersorneqarnissaat pingaartinneqarnikuuvoq.

Taamaattorli ikuallaavinnit angisuunut sanilliullugu uuliakumik ikuallaanermi nukissaq pissarsiarineqartartoq killeqarneruvoq, nunatsinni uuliakup annertussusaa killeqarmat. Maniitsoq kiassarnermut aqqusersorneqarnermik annertusaaffioreerpoq, taamaattumillu Aasiaat aamma Qaqortoq peqatigalugit toqqaarneqarsinnaallutik.

Sisimiut aamma Nuuk ikuallaavinnik nutaanik malunnaatilimmik kissamik pilersuisinnaanermut periarfissalinnik pisaartussanngormata, illoqarfinni taakkunanani soorlu erngup nukingatut nukissiuutinik atuilluartunik annertusaanissamat pisariaqartumik aningaasalersuinissamullu pisariaqartitsineq annertuumik appariaateqassaaq. Nukissiorfimmik allaffissornikkut ataatsimeeqateqarnermi taaneqarnikuuvoq, suliniutissani aggersuni tulleriaarinermi Maniitsumi erngup nukinga atorlugu nukissiuummik sanaartornissaq qaffasissumik inissisimasoq.

Allaffeqarfiup innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa,

-Eqqagassalerinermut selskabemik pilersitsisusussaasut, kommunit ataatsimoorussaannik qullersaqarfeqarfimmi kommunini pisortaanernik inuttaqartinneqartussamat, Qeqqata Kommuniata kommuni sinnerlugu kommunimi pisortaaneq isumaqatiginninniartussatut pisinnaatitsissasoq

-Selskabe pilersinneqareeripata, Qeqqata Kommunian kommuni pisortaanermik taassumaluunniit toqqaaganik selskabemi siulersuisunut sinniisoqassasoq

-2019-imut missingersuutini akuersissutigineqarqamersuni "Sisimiuni ikuallaavimmut nutaamat piareersarnermut" 500.000 koruuninik missingersuusilerneqartumit, eqqagassalerinermut selskabemik pilersitsinermut Qeqqata Kommunian 400.000 koruuninik anigaasaliissasoq. Aningaasat

Selskabep aallartisarnermi nammineq aningaasaatigisaasaanut kommunit ataatsimoorussamik tapiissutigisassaannut ilaassaaq

Teknikkeqarnermut Aatsitassarsiornermut Avatangiisinullu ataatsimiititaliap suliamik suliarinninnera

Ataatsimiititaliap novembarip 6-iani 2018 ataatsimiinnermini innersuussutit akuersissutigivai.

Innersuussut

Teknikkeqarnermut Aatsitassarsiornermut Avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- Eqqagassalerinermut selskabemik pilersitsisuusussaasut, kommunit ataatsimoorussaannik qullersaqarfeqarfimmi kommunini pisortaanernik inuttaqartinneqartussamut, Qeqqata Kommuniata kommuni sinnerlugu kommunimi pisortaanerq isumaqatiginninniartussatut pisinnaatitsissasooq

-Selskabe pilersinneqareeriarpata, Qeqqata Kommunua kommuni pisortaanermik taassumaluunniit toqqagaanik selskabemi siulersuisunut sinniisoqassasooq

-2019-imut missingersuutini akuersissutigineqaqqammersuni "Sisimiuni ikuallaavimmut nutaamut piareersarnermut" 500.000 koruuninik missingersuusilerneqartumit, eqqagassalerinermut selskabemik pilersitsinermut Qeqqata Kommunua 400.000 koruuninik anigaasaliissasooq. Aningaasat Selskabep aallartisarnermi nammineq aningaasaatigisaasaanut kommunit ataatsimoorussamik tapiissutigisassaannut ilaassaaq

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-iani 2018 ataatsimiinnermini innersuussutit akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Eqqagassalerinermut selskabemik pilersitsisuusussaasut, kommunit ataatsimoorussaannik qullersaqarfeqarfimmi kommunini pisortaanernik inuttaqartinneqartussamut, Qeqqata Kommuniata kommuni sinnerlugu kommunimi pisortaanerq isumaqatiginninniartussatut pisinnaatitsissasooq

-Selskabe pilersinneqareeriarpata, Qeqqata Kommunua kommuni pisortaanermik taassumaluunniit toqqagaanik selskabemi siulersuisunut sinniisoqassasooq

-2019-imut missingersuutini akuersissutigineqaqqammersuni "Sisimiuni ikuallaavimmut nutaamut piareersarnermut" 500.000 koruuninik missingersuusilerneqartumit, eqqagassalerinermut selskabemik pilersitsinermut Qeqqata Kommunua 400.000 koruuninik anigaasaliissasooq. Aningaasat Selskabep aallartisarnermi nammineq aningaasaatigisaasaanut kommunit ataatsimoorussamik tapiissutigisassaannut ilaassaaq

Aalajangiineq

Innersuussutit akuersissutigineqarput.

Ilanngussat:

1. Ikuallaavimmik annikitsukkaamik pilersaarusiornissamut aningaasanik aningaasaliinissaq pillugu Namminersorlutik Oqartussanit allakkat
2. Selskabimik pilersitsinissaq pillugu kommunit ataatsimoorussamik allaffissornikkut innersuussutaat
3. Eqqagassanik suliaqartarnermi kommunit ataatsimoorussaata pillugu kommunit ataatsimoorussamik allakkiaat

Imm. 22 Tamalaat

Ruth Heilmann-ip Maniitsumi Musikskole-mut apeqquta Ilinniarttaanermut ataatsimiititaliami siulittaasumiit akineqarpoq.

Karl Davidsen-ip apeqqutaa heldagsskole-mut tunngasoq Ilinniartitaanermut ataatsimiititaliami siulittaasumiit immikkoortortaqarfimiilu pisortamiit akineqarpoq.

Jakob Olsen-ip kalaalimineerniarfinni kikkulluunniit appanik erisarsinnaatitaanersut apeqqutaanut teknikkeqarfimmi pisortamiit akineqarpoq. Tamanna ataatsimiititaliamut ingerlateqqinneqassaaq.

Kristian Kreutzmann-ip apeqqutaanut sissami puttasut eqqaani qullersuarnut tunngasoq teknikkeqarfimmi pisortamiit akineqarpoq.

Malene Ingemann-ip apeqqutaa mittarfinnut tunngasoq borgmesterimiit akineqarpoq.

Ruth Heilmann-ip apeqqutaa Maniitsumi palaseqarnermut tunngasoq pisortaanermiit akineqarpoq.